

Oqar.: 96 34 73 00  
aalborg@bdo.dk  
www.bdo.dk

BDO Statsautoriseret revisionsaktieselskab  
Visionsvej 51  
DK-9000 Aalborg  
CVR-nr. 20 22 26 70

## KOMMUNE KUJALLEQ

### Kukkunersiuisut nalunaarutaat nr. 5

### 2023-MUT UKIUMOORTUMIK NAATSORSUUTIT PILLUGIT

Qupp. 66 - 109

<b>1</b>	<b>BDO STATS AUTORISERET REVISIONSSELSKABS OVERTAGELSE AF REVISIONEN FRA REGNSKABSÅR 2023</b>	<b>66</b>
1.1	INDLEDNING	66
1.2	REGNSKABET FOR 2023	67
<b>2</b>	<b>REVISIONSPÅTEGNING - KONKLUSION PÅ DEN UDFØRTE REVISION</b>	<b>67</b>
2.1	REVISIONSBEMÆRKNINGER	68
2.2	Generelt	68
2.2.1	Tidligere afgivne revisionsbemærkninger	68
2.2.1.1.	Implementering af ny kontoplan og stort omfang af konteringsfejl	69
2.2.1.2.	Mangelfuldt kontrolmiljø	69
2.2.1.2.1.	Mangelfuld kontrol ved dobbeltgodkendelse af omkostninger	70
2.2.1.2.2.	Mangelfuld afstemning af likvide midler	71
2.2.1.2.3.	Kreditorstamdata kan ændres af alle medarbejdere i regnskabsafdelingen	71
2.2.1.2.4.	Manglende afstemning af leverandørgæld	73
2.2.1.2.5.	Manglende afstemninger af løn og personaleudgifter samt lønrelaterede gældsposter	73
2.2.1.2.6.	Manglende controlling af driftsposter	74
2.2.1.3.	Mangelfuld Økonomistyring	75
2.2.1.4.	Forretningsgange for regnskabsaflæggelsen	76
2.2.1.5.	Obligatoriske oversigter til årsregnskabet	76
2.2.1.6.	Anlægsudgifter, Styring og aflæggelse af anlægsregnskaber	77
2.2.1.7.	Finansielle konti og statuskonti	78
2.2.1.8.	Intern kontrol af medarbejdere på lønkontoret	79
2.2.1.9.	Manglende sikkerhed for funktionsadskillelse mod utilsigtede ændringer i IT-systemer	80
2.2.1.10.	Manglende regnskabsmæssig afskrivning af tilgodehavender i henhold til meddelelser fra inddrivelsesenheden	81
2.2.1.11.	Overholdelse af budgetloven	82
2.2.1.12.	Overholdelse af udbudsloven	83
2.2.1.13.	Overholdelse af persondataforordningen	84
2.2.1.14.	Manglende fagligt ledelsestilsyn på de sociale sagsområder	84
2.2.1.15.	Manglende kvalitet i sagsbehandlingen på social- og arbejdsmarkedsområdet	84
2.2.1.16.	Manglende kvalitet i sagsbehandlingen på lønområdet	86
2.2.1.17.	Manglende forretningsgange og kontrol med opkrævning af indtægter	86
2.2.1.18.	Budget- og bevillingskontrol	87
2.2.1.19.	Takstbetalinger for anbragte	87
2.2.1.20.	Kommunens Inddrivelsesfunktion	88
2.2.2	Revisionsbemærkninger til årsregnskabet for 2023	89
2.2.3	Opfølgning på tidligere revisionsbemærkninger	89
<b>3</b>	<b>VURDERING AF KOMMUNENS ØKONOMISKE SITUATION</b>	<b>89</b>
3.1	NEGATIV EGENKPITAL	90

3.2	LIKVIDITET	90
3.3	SPAREPLAN	91
3.4	KONKLUSION	92
<b>4</b>	<b>REVISIONSMETODIK OG -STRATEGI</b>	<b>93</b>
4.1	VÆSENTLIGHEDSNIVEAU	93
4.2	IKKE-KORRIGEREDE FORHOLD	94
4.3	DRØFTELSER MED LEDELSEN OM BESVIGELSER	94
4.4	TILSIDESÆTTELSE AF KONTROLLER	94
4.5	REVISION UDFØRT I ÅRETS LØB	95
4.6	DEN AFSLUTTENDE REVISION	95
<b>5</b>	<b>REGNSKABSFØRING OG INTERNE KONTROLLER</b>	<b>96</b>
5.1	KASSE- OG REGNSKABSREGULATIVET	96
5.2	BILAGSBEHANDLING, FUNKTIONSADSKILLELSE OG INTERNE KONTROLLER	96
5.3	BEHOLDNINGSEFTERSYN OG GENNEMGANG AF UDVALGTE BALANCEPOSTER	97
<b>6</b>	<b>LØN- OG PERSONALEOMRÅDET</b>	<b>98</b>
6.1	FORRETNINGSGANGE OG SAGSREVISION	98
6.2	VEDERLAG MV. TIL POLITIKERE	98
6.3	AFLØNNING AF LEDELSEN	99
<b>7</b>	<b>JURIDISK-KRITISK REVISION OG LOVPLIGTIG FORVALTNINGSREVISION, JF. STANDARD FOR OFFENTLIG REVISION (SOR 6 OG 7)</b>	<b>99</b>
<b>8</b>	<b>REVISION AF KOMMUNENS INTERNE IT-KONTROLLER</b>	<b>101</b>
<b>9</b>	<b>REVISION AF ÅRSREGNSKABET</b>	<b>102</b>
9.1	ÅRSREGNSKABETS OPBYGNING OG INDHOLD	103
9.2	BUDGET- OG BEVILLINGSKONTROL	103
9.3	TILSKUD, UDLIGNING OG SKATTER	104
9.4	LØNNINGER OG VEDERLAG	104
9.5	ANLÆGSVIRKSOMHED	105
9.6	BALANCEN	105
9.6.1	Generelt	105
9.6.2	Finansielle anlægsaktiver	106
9.6.3	Omsætningsaktiver	106
9.6.4	Egenkapital	107
9.6.5	Gæld	107
9.7	EVENTUALPOSTER	107
<b>10</b>	<b>REVISION AF DE SOCIALE REGNSKABER</b>	<b>108</b>
10.1	LØBENDE REVISION	108
10.1.1	Generelt	108

10.1.2	Revisionens omfang og udførelse	108
10.1.3	Forretningsgange og interne kontroller	109
10.1.4	Personsager	109
10.2	AFSLUTTENDE REVISION	111
10.2.1	Regnskabsaflæggelse og restafregning af refusion	111
<b>11</b>	<b>AFGIVNE REVISIONSBERETNINGER OG PÅTEGNEDE OPGØRELSE MV.</b>	<b>112</b>
11.1	REVISIONSBERETNINGER AFGIVET TIL KOMMUNE KUJALLEQ KOMMUNALBESTYRELSE	112
11.2	PÅTEGNEDE OPGØRELSE OG ØVRIGE OPGAVER	112
<b>12</b>	<b>LEDELSENS REGNSKABSERKLÆRING</b>	<b>112</b>
<b>13</b>	<b>REVISORS ERKLÆRING</b>	<b>112</b>
	<b>BILAG 1, REVISIONSPÅTEGNING - KONKLUSION PÅ DEN UDFØRTE REVISION</b>	<b>113</b>
	<b>"DEN UAFHÆNGIGE REVISORS REVISIONSPÅTEGNING</b>	<b>113</b>
	<b>BILAG 2, ROTATIONSPLAN OG OPFØLGNING - FORVALTNINGSREVISION OG JURIDISK-KRITISK REVISION</b>	<b>116</b>

## Kommune Kujallermi Kommunalbestyrelsimut

### 1 2023-mut ukiumoortumik naatsorsuutit BDO Statsautoriseret Revisionselskabimit tiguneqarput

#### 1.1 AALLAQAASIINEQ

Tamatuma kingorna ukiumut 2023-mut naatsorsuutitut saqqummiunneqarsimasut naatsorsuutit BDO-p kukkunersiorsimavai.

2022-mut naatsorsuutit novembarip qaammataani 2024-mi aatsaat saqqummiunneqarput kukkunersiunerlu januaarip qaammataani 2025-mi naammassinneqarluni. Taamaattumik kommune kukkunersiuisut 2022-mut nalunaarutaat pillugu isornartorsiuitigineqartunut akissutigeqarnissaminik iliuuseqarnissaminillu periarfissaqarsimangilaq, januaarip qaammataani 2025-mi 2023-mut naatsorsuutit kukkunersiorneqarnerat naammassineqarnissaa sioqqullugu.

Kommune ilisimatitsivoq 2023-mut tunngasut kukkunersiorneqareerpata 2021, 2022, aamma 2023-mut kukkunersiuisunit nalunaarutit ataatsimut akissuteqarfigissagini, tassungalu atatillugu isornartorsiorneqarsimasut naqqinneqarnissaat suliasani salliutinneqassasut.

Siornatigut kukkunersiuisuusimasumit 2022-mut amerlaasuunik oqaaseqaatiliortoqarsimasoq takuneqarsinnaavoq, oqaaseqaatiliarneqarsimasut arlaleriarluta uteqqittariaqarsimavagut 2023-mut naatsorsuutit kukkunersuinit sinneri pissutsit sulii aqqiivigineqarsimangitsut paasigatsigit.

Oqaaseqaatit amerlanersaat makkunanga patsiseqassangatippavut:

- Aningaasaqarnermut ataatsimiititaliamit suliaqarsimangitsut kommunit Namminersorlutillu Oqartussat naatsorsuutaat pillugit Namminersorlutik Oqartussat nalunaarutaanni 2022-meersumi nr. 6-mi ima allassimasoqarpoq:
  - § 9. Aningaasaqarnermut ataatsimiititaliaq kommunip iluani aningaasaqarnikkut aqutsinerumut aammalu paasissutissanik allaffissornikkut aqutsinerumut tassunga atasumut killissaliussat aqqissuunneqarnerannut akisussaasuvoq.  
Imm. 2. Aningaasaqarnermut ataatsimiititaliaq suliffiup iluani nakkutiginninnernik, pisortat aningaasaataannik atonerluinissamut kiisalu aningaasaqarnikkut aqutsinerumut paasissutissat tunngaviusut annertuunik kukkuneqarnissaannik pitsaaliuisunik, pinngitsoortitsisussanik imaluunniit paasinniffiusussanik pilersitsinissamut akisussaasuvoq.  
Imm. 3. Aningaasaqarnermut ataatsimiititaliaq kommunimi suliasaqarfinni tamaginni aningaasaqarnikkut aqutsinerumut aamma paasissutissanik allaffissornikkut aqutsinerumut maleruagassat aamma malittarisassat malinneqarnerannut nakkutilliisaaq.
  - § 10. Aningaasaqarnermut ataatsimiititaliaq malittarisassianik, kommunimi aningaasaqarnikkut aqutsinerumut kiisalu paasissutissanik allaffissornikkut aqutsinerup aqqissuunnissaanut killissaliussanik nassuiaasunik aammalu akisussaasuunermut aalajangiisnaatitaanermullu maleruagassanut atasunik, suliaqassaaq.

Suliat taakkartorneqartut suliarineqarsimangitsutut piviusunnigortinneqarsimangitsutut nalilerneqarput.

- Aningaasaqarnermik aqutsissutit nutaap atuutinneqalereernerata kingorna aqutsisut pisariaqartunik, tulluurtunik, ilisimasalinnik piginnaasaqartunillu isumannaatsumik eqqortumillu aningaasaqarnikkut aqutsisoqarnissaanik ingerlatsisoqarnissaanillu

qulakkeerinnittartussanik atorfinititsinissaminnik qulakkeerinnissimangillat.

- Aqutsisut suliap pitsaasusaanik nakkutiginnittarsimarpasinngillat aammattaaq aqutsisut akisussaaffigisaminnik eqqortumik sulianik ingerlatsisoqarnissaannik qulakkeerinnissimangikkaangata kinguneqartitsisoqarneq ajorluni.

Suli kommunip tungaaniit aningaasaqarneq tutsuiginartumik ilisimaarineqarnissaa anguniarlugu suliamik qaqitsisoqarniarnissaa qitiutinneqarluartariaqartoq isumaqarpugut.

Pissutsit tamakku malitsigisaannik kommune siunnersortit avataaneersut aningaasaqarnermut immikkoortortami arlaariinnik suliakkerneqarerannut aningaasarpassuarnik atuisariaqarsimavoq, naak kommunimi aaqqissugaanermi taama angitigisumi aningaasaqarnermi immikkoortortami suliassat taakku sulisunit tunngaviumik ilisimaneqartussaagaluarlutik.

Avataaniit siunnersortit kommunit annertuumik sulianik ingerlatsisimanerisa saniatigut kukkuneriusutut piffissaq annertunerujussuaq atorlugu uppersaatinik pissarsiniartariaqartarsimavugut, kiisalu 2023-mut naatsorsuutit annertuumik kukkuneqannginnissaat qulakkeerniarlugu uppersaatinik misissuataarlugillu misissoqqissaartariaqarsimavugut.

Aamma naatsorsuusiortoqareranut atatillugu immikkoortunik pingaaruteqartitsinnik uppersaasueqataasimavugut. Tamatuma saniatigut naatsorsuutini ilannguisarneq atuuttoq aallaavigalugu kommune naatsorsuutini saqqummiinissaanik ikiorsimavarput.

## 1.2 2023-MUT NAATSORSUUTIT

Kommune Kujalliup 2022-mut ukiumut naatsorsuutaanik BDO statsautoriseret Revisionselskabip kukkuneriusuini marsip 7-iani 2025-mi naammassivaa.

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq, kommunit aamma Namminersorlutik Oqartussat missingersuutaat naatsorsuutaallu pillugit Namminersorlutik Oqartussat nalunaarutaat kiisalu Kommune Kujalleri kukkuneriusarnermut maleruaqqusaq naapertorlugit kukkuneriusuilluni ingerlatsisimaneq pillugu matumuuna nalunaarusiortoqarpoq.

Kukkuneriusuineq "Kommune Kujalleq ukiumut 2023-mut naatsorsuutit" quppernemi 21-mit 29-mut imaqarpoq.

Pingaarnertut kisitsisit ima isikkoqarput (mio.kr.):

	Aallaqqaammut missingersuutit	Naatsorsuutit
<b>Naatsorsuutit naatsorsorneqarnerat</b>		
Ukiumi Angusat .....	15,9	-37,0
Sanaartornermi aningaasartuutit, ilanngaattissat ilanngaatigereerlugit .....	31,8	18,8
<b>Oqimaatigiissitsineq</b>	<b>2022-p naanerani</b>	<b>2023-p naanera</b>
Aningaasaatit tigorianaat .....	14,9	11,4
Pigisat nalillit katillugit .....	139,0	116,7
Namineq aningaasaatit .....	6,1	46,2

Kisitsisit (+)-tallit = sinneqartoorutit/akiitsunit pisassat.

Kisitsisit (-)-tallit = amigartoorutit/akiitsut

Namineq aningaasaatigisat = namineq aningaasaatigisat ajunngitsut "-"-mik ilisarnaaserlugit ukiumut naatsorsuutini allanneqassapput.

## 2 KUKKUNERSIINEQ ATSIUGAQ - KUKKUNERSIUINERMIK INERNILINEQ

Ukiumut naatsorsuutit kukkunerisiorneqarnerinut atatillugu oqaaseqarfigisariaqakkatsinnik pissutsinik nalaataqanngilagut, tullinnguuttutigut uppersaasikkatsinnik taamaattumillu oqaaseqaatitaqanngitsumik ukiumut naatsorsuutit atsiorniarpagut.

Inatsiliornermut ingerlatsinermullu tulluartumik kukkunersiuinermut naammassineqartumut isornartorsiuinertalimmik oqaaseqaatiliortoqarpoq.

Tamatuma saniatigut 2023-mut kisitsisinik sanilliutinik missingersuusionermermi ilanngunneqartut kukkunersiuunit misissussugassangortinneqarsimangillat.

Kukkunersiuinermi atsiorneq kalaallit Nunaanni kommuninut nalinginnaasumik malitassaq atuuttuusoq malinneqarpoq ilanngussaq 1-imilu allaqqinneqarluni.

## 2.1 KUKKUNERSIUISUT OQAASEQAATAAT

### 2.2 Ataatsimut isigalugu

2023-mut ukiumut naatsorsuutiniq kukkunersiuineq pillugu kukkunersiuusut oqaaseqaataat Kommunalbestyrelsimi suliarineqartussaasunik nakkutilliisoqarfimmullu nassiunneqartussaasunik kukkunersiuineq pillugu immikkoortoq 2.2.1 ataani allassimapput.

Kukkunersiuusut oqaaseqassanerluta ataavartumik nalilersuisussaataavugut, isumaqarutta

- naatsorsuutiniq ilanngunneqarsimasut kommunalbestyrelsip aalajangiinerinut naapertuutinnigitsut
- inatsisit aalajangersakkallu atuuttut unioqqutillugit iliuuseqartoqarsimasoq
- iliuusaasimasup inatsisitigut toqqammavissaqarnera nalorninartutut isigigutsigu
- suleriaatsit atugaasut misissuiffiginerini nakkutilliinerit amigaateqarpallaartut paasinarsippat, tamatumani kukkunersiuusut amigaataasutut paasisatigut pitsanngorsaataasinnaasunik siunnersuuteqarsinnaallutik
- suleriaatsit atugaasut malinneqanngippata
- kommunalbestyrelsip ataatsimiititaliallu aalajangiinerinik suliarinninneq aningaasaqarnikkut tulluartumik ingerlanneqarsimangippat.

Kukkunersiuusut oqaaseqaataat kommunalbestyrelsimi suliarineqartussaapput.

#### 2.2.1 Kukkunersiuusut sionratigut oqaaseqaataat

2023-mut naatsorsuutit kukkunersiorneqarnerannut atatillugu sionratigut kukkunersiuusimasoq 2022-mut naatsorsuutit kukkunersiorneqarnerat pillugu kommunimut qasseerpassuarnik oqaaseqaatiliorsimasoq paasivarput.

Oqaaseqaatsit taakku 2023-mut naatsorsuutit kukkunersiorneqarnerannut atatillugu matuneqarsinnaangitsut ilaatigut makkuupput:

2.2.1.1	Kontulersinerup nutaap atorneqalernera aamma kontuni amerlasuunik kukkusumik nalunaarsuisoqarsimanera
2.2.1.2.	Amigartumik nakkutilleeriaaseqarneq
2.2.1.3.	Aningaasanik aqutsineq amigartooq
2.2.1.4.	Naatsorsuutiniq saqqummiussinissami suleriaatsit
2.2.1.5.	Naatsorsuutit pillugit takussutissiat piumasaqaataasut
2.2.1.6.	Sanaartornermi aningaasartuutit, sanaartukkat naatsorsuutaannik saqqummiussineq aqutsinerlu
2.2.1.7.	Aningaasalersuinikkut kontut / killiffimmut kontut
2.2.1.8.	Akissarsialerivimmi susassaqarfiup iluani sulisunik nakkutiginninneq
2.2.1.9.	Atuuffiit immikkoortinneqarnissaannut aammalu siunertaanngitsumik qarasaasiatigut allanngortineqarnissaannut isumannnaallisaanerit amigartut
2.2.1.10.	Akiliisitsiniartarfimmiit nalunaarutaasut naapertorlugit allaniit pisassanik naatsorsuutitigut nalikilliliinerit amigaataasut
2.2.1.11.	Missingersuusionermermut inatsisip malinneqarnera
2.2.1.12.	Suliariumannittussarsiuussisarnermut inatsisip malinneqarnera
2.2.1.13.	Inunnut paasisuttissat pillugit peqqussutip malinneqarnissaa
2.2.1.14.	Isumaginninnermut tunngasuni suliatigut aqutsinermut nakkutilliinerup amigaataanera

2.2.1.15.	Isumaginnittoqarfimmi suliassat isumagineqarneranni pitsaassutsip amigarnera
2.2.1.16.	Akissarsialerinermi suliassalerinerup pitsaassusia amigartog
2.2.1.17.	Suleriaatsit amigartut aamma isertitassat akilersinniarneqarneranni nakkutilliineq amigartog

### 2.2.1.1. Kontulersinerup nutaap atorneqalernera aamma kontuni amerlasuunik kukkusumik nalunaarsuisoqarsimanera

#### Ukiut siuliinneersunik uteqqiinneq

Annertuumik kukkusumik kontulersuisoqartarsimasog paasineqarpoq ingammik suussutsinut agguataakkani. Sulianik torersaasinerup naammassineqareernerata kingorna nalilerparput naatsorsuinerup ataatsip iluani kontuniit kontunut kukkusumik kontulersuisoqartarsimanera pingaarnertut patsisaasog, taamaattumik naatsorsuutininik ilanngussani naatsorsuutit eqqortuusut inerniliivugut (kukkunerit annertuujungitsut).

Kontuni nalunaarsuisartut kontulersuinerup tungaatigut ilisimasaqarnerulernissaat annertuumik suliniuteqarfigineqalernissaa kaammattuutigineqarpoq.

Kukkunersuisut oqaseqaatiliussapput.

#### 2022-mut 2023-mullu naatsorsuutit kukkunersiorneqarnerat pillugit oqaseqaammut malitseqartitsineq

2022-mut 2023-mullu naatsorsuutininik kukkunersuiunitsinni paasivarput suli annertuumik kukkusumik nuussisoqartarsimasog. Taamaattumik avataanniit siunnersortit marluk ukiumut naatsorsuutit naammassinneqarneranut atatillugu kommunip killiffimmik naatsorsuinermi sulianullu allanut ikiortigisimasai 2022-p aamma 2023-p naanerani kukkunersuinerminni amerlasuunnik nuussisimapput. Taaamatuttaaq ingerlatsivimmi siornatigut kukkunersuinerit naapertorlugit suussutsimut kontot ataasiakkaat misissuiffiqeqqissaartariaqarsimavagut aningaasartuutit eqqortumik nalunaarsorneqarsimanersut piffissalersorneqarsimanersullu nalilersuiffiginarlugit.

Taamaattumik suli isumaqarpugut sulisut aningaasartuutininik nalunaarsuisartut akuersissartullu nalunaarsuisarnermi kontulersuisarnermillu malittarisaassat ilisimasaqarfigalugillu piginnaasaqarfigilissagaat, taamaalilluni kukkusumik nalunaarsuisarnerit annikillisinneqarnissammata.

Kukkunersuisut oqaseqaataat taamaamat suli atuupput aammattaaq 2023-mut naatsorsuutit kukkunersiorneqarnerannut matuneqarsinnaagatik.

### 2.2.1.2. Amigartumik nakkutilleeriaaseqarneq

#### Ukiut siuliinneersunik uteqqiinneq

2021-mi ERP-systemip nutaap atuutinneqalereernarata kingorna nakkutilleeriaaseqarneq assut amigarsimavoq. Tunngaviusumik nakkutilliinerit soorlu aningaasanik tigoriaannarnik naatsorsuinerit il. il. imlt. naammassineqarsimangillat imlt. kukkusumik naatsorneqarsimangillat.

Amigartumik nakkutilleeriaaqarnerup malitsigisaanik piaaraluni piaarinanilu kukkusooqarsinnaaneranut (peqquserluttoqarsinnaaneranut) peirarfissaqalersitsisarpoq.

Soorunami kommunip annertussusaanut, pisariuneranut aaqqissugaanerannullu naapertuutumik isigineqarsinnaasumik pitsaanagerusumik naleqqunnerusumillu suleriaaseqarneq annertusarneqassasog inassutigineqarpoq.

Kukkunersuisut oqaseqaatiliussapput.

#### 2022-mut 2023-mullu naatsorsuutit kukkunersiorneqarnerat pillugit oqaseqaammut malitseqartitsineq

Nakkutilleeriaaseqarnerit ataasiakkaat matumani 2022-mut 2023-mullu naatsorsuutit kukkunersiorneqarneranni paasineqarpoq 2021-mut naatsorsuutit kukkunersiorneqarneranni pissutsit eqqaaneqartut amerlasuut suli pitsanngoriarsimangitsut.



Kukkunersiuisut oqaaseqaataat taamaamat suli atuupput aammattaaq 2023-mut naatsorsuutit kukkunersiorneqarnerannut matuneqarsinnaagatik.

#### 2.2.1.2.1. Aningaasartuutunik marloriaammik akuersinermi amigartumik nakkutilliisoqartarnera

*Ukiut siuliinneersunik uteqqiinneq*

*Aningaasartuutunik akuersisoqartarneranut nakkutilleeriaatsimut misiliinermi paasivarput tamatigut naleqquttumik nakkutilliisoqartarsimanngitsoq, matumani tigusimermi nakkutilliinermi, sullissisut akiligisassiissutaannik akuersisoqartinnagu nakkutilliinermi.*

*Taamaamat ilanngussamik marloriaammik akuersinermut nakkutilliineq 2021-mi kukkuneruvoq.*

*Taamaamat kommune ERP-systemimut aqqissuusinerik pilersitsissasoq innersuussutigaarput, taamaalilluni aningaasartuutit imarisaat akuersinnginnermi qajassuunneqarsinnaassapput.*

#### 2022-mut 2023-mullu oqaaseqatit imarisai pillugit malitseqartitsineq

Aningaasartuutunik akuersinermi marloriaammik nakkutilliinnerit Prisme systemikkut pisarput. Taamaamat Prismemi nakkutilliinermi inuit assigiinngitsut marluk akiligassamut tiguneqartumut akiliinissamut akuersisarsimapput.

Kukkusumik nakkutilliisoqarsimanera pitsaassutsikkut ajornarsorsiuqartitsinerusimavoq, akuersinermi siullermi inuk ataaseq akuersisarpoq kiisalu aappaassaanni akuersinermi inuk alla akuersisarluni, taamatutaaq akuersinnginnermini "ok" naqitsinnagu nakkutilliisartussaallutik.

Siullertut akuersisussaq akuersinnginnermini akiligassamut tigusamut isumaqatigiissutit malillugit eqqortumik ikisisoqarsimanersoq akiligasiisoqarsimanersorlu pillugit nakkutilleersimasussaavoq. Taamatutaaq suussutsinut kontut, immikkoortortoqarfik sumiiffilu eqqortumik nalunaarsorneqartarsimanersut nakkutigisartussaavai.

Aappassaanni akuersisussaq akuersinnginninnermini aningaasartuummut aningaasaliissutit pisiariaqartut missingersuusiak akuerisartussaavai, taamaalilluni missingersuutit sipporneqannginniassammata.

Akuersinerit taakku marluk eqqortumik suliarineqartarsimangitsutut isigineqarput, ukiumut 2022-mut aamma 2023-mut taamaattoqarpoq.

Kukkuinersiunitsinnut atatillugu suli takusinnaavarput annertuumik kukkusumik nalunaarsuisoqartarsimasoq aammattaaq missingersuuteqarfinni ataasiakkaanni atuinerusoqartartoq takuneqarsinnaalluni.

2021-mut naatsorsuutit kukkunerisiorneqarnerat pillugit oqaaseqaatiliortoqarpoq taamaattumik oqaaseqaatit suli atuupput kiisalu 2023-mut naatsorsuutit kukkunerisiorneqarnerannut matuneqarsinnaagatik.

#### **2.2.1.2.2. Aningaasanik tigorianaannarnik naatsorsuineq amigartooq**

*Ukiut siuliinneersunik uteqqiinneq*

*Aatsaat 2023-mi kingusissukkut kommunip aningaaserivimmi kontuanik oqimaaqatigiisitsisoqarpoq naatsorsuutitut inissitanik ammasortaarutingajallugu.*

*Tamatuma malitsigisaanik kukkusumik kontulersuinerit kukkusumillu akiliinnerit piffissaq eqqorlugu paasineqannginnissaat ilimanarnerulersarput, kingunerisaanilu piffissaq eqqorlugu iluarsiivigineqanngitsoorsinnaallutik.*

*Periaatsinik pilersitsisoqaqqinnissaa inassutigaarput, ingerlaavartumik (ulluinnarni imlt. sapaatip akunneranut kontunut nuussinerit) naatsorneqartarniassammata.*

#### 2022-mut 2023-mullu oqaaseqatit imarisai pillugit malitseqartitsineq

2022-mut 2023-mullu naatsorsuutit inarneqarnerannut atatillugu avataanniit siunnersortit marluk kommunip ikiortiginialugit sulilersissimasai aningaasanik tigorianaannarnik naatsorsuisimapput.

2024-mi kvartalit sisamaanni 2022-mut 2023-mullu naatsorsuutit kukkunerisiorneqarnerat atatillugu aamma 2025-mi kvartalimi siullermi kommunip sulisua ingerlaavartumik aningaasanik tigorianaannarnik nakkutilleeriaasaannik suleriaasaannillu kommune suli aqqqqiisimangitsoq allassimavoq, tamatumani kommunip sulisui ingerlaavartumik tigorianaannarnut kontunik tamanik oqimaaqatigiisitsippat tassungalu atatillugu uppersakkamik nakkutilliisoqarsimalluni.

Taamaakkaluartorli 2022-p aamma 2023-p naannerani avataanniit siunnersortit taakku marluk aningaasanik tigorianaannarnik naatsorsuisimapput, taamaalilluni kommunip nalunaarsorsimasaa avatanniillu siunnersortit nalunaarsorsimasaa naapertuunniassammata.

Taamalu paasineqarpoq kommune ingerlaavartumik naatsorsuinissamut suleriaasimik maleruagassamillu suli pilersitsisimangitsoq, kiisalu uppersaasarsukkamik aqutsisut nakkutilliisarnissaannik aqqissuusaqarsimangitsoq, taamaattumik oqaaseqaat matuneqarsinnaanngilaq.

#### **2.2.1.2.3. Akiligassaqarfiit pillugit paasissutissat Naatsorsuserivimmi sulisunit tamanit allanngortinneqarsinnaapput**

*Ukiut siuliinneersunik uteqqiinneq*

*Akiligassaqarfiit pillugit paasissutissanik pilersiteriaaseqarnermut, allanngueraaseqarnermut suleriaaseqarnermullu misissuunitsinni nakkutilliinnerit amigartuusut paasivarput, Naatsorsuserivimmi sulisut tamarmik akiligassaqarfiit pillugit paasissutissanik pilersitsisinnaallutik allannguisinnaammata matumanilu akuersinertaqanngitsumik akiligassat pillugit paasissutissanik allannguisinnaallutik.*

*Tamatuma saniatigut paasineqarpoq akiligassat pillugit paasissutissanik allannguinerni allannguutininik nalunaarsuiffeqartoq, kisianni tamanna misissorneqanngilaq.*

*Aningaaserivimmiit aningaasanik tunniussinermi marloriaammik akuersisoqartarpoq, taamaakkaluartorli Naatsorsuuseriviup akiligassat pillugit paasissutissat allangorneqarnerat takusinnaangikkaat nalilerparput.*

*Kommune piaarnerpaamik ajornartorsiutinut siuliani taanneqartunut matussusiisussamik suleriaatsimik pilersitsissasoq inassutigineqarpoq.*

#### 2022-mut 2023-mullu oqaaseqatit imarisai pillugit malitseqartitsineq

2022-mut naatsorsuutit kukkunersiorneqarnerannut atatillugu paasineqarpoq Naatsorsuuserivimmi sulisut tamarmik suli akiligaqarfiit pillugit paasissutissanik pilersitsisinnaallutillu allannguisinnaasut, matuminilu akiligassat pillugit paasissutissanik il. il. aammattaaq tamanna pillugu nakkutilliisoqarneq ajorpoq.

Taamaattumik oqaaseqaat suli atuullunilu matuneqarsinnaangilaq.

#### **2.2.1.2.4. Pisisarfinnut akiitsunik naatsorsuineq amigartoq**

*Ukiut siuliinneersunik uteqqiinneq*

*2022-mi 2023-milu ingerlaavartumik pisisarfinnut akiitsunik naatsorsuisoqarsimangilaq, tamatumalu malitsigisaanik kukkusoqarnissaa qaninnerulertarpoq amigaatigineqartullu paasineqanngitsoorsinnaallutik.*

*Taamatutaaq malitsigisaanik pisisarfinnut akiitsunik akiliinngitsoortoqarsinnaallunilu kukkusumik marloriaammik akiliisoqaratarsinnaavoq.*

*Kukkunersiuinermut atatillugu paasivarput marloriaammik akiliinernik taama ittunik takusasaqartoq.*

*2022-p aallartinnerani aningaasartuutit misissuataarpavut 2021-mi aningaasartuutit ilanngunneqanngitsoortut piareersimaffiginiarlugit, taamatutaaq 2024-mi aningaasaqarnermik ingerlatsivik apeqquteqarfigaarput piffissami qaninnermi aningaasartuuteqarsimanersoq 2022-mut attuumassuteqartussaagaluartunik. Taamaanngitsoq oqaatigineqarpoq.*

#### 2022-mut 2023-mullu oqaaseqatit imarisai pillugit malitseqartitsineq

2022-mut 2023-mullu naatsorsuutit kukkunersiorneqarneranni paasineqarpoq killiffimmik oqimaaqatigiisitsivik kiisalu aningaasaatinut tunngasut aamma akiitsoqarfinnik nalunaarsuiffik ataqatigiinnerat uppersarneqarsinnaasoq.

Taamaattorli akiitsoqarfittut nalunaakkat eqqortuunerisa misissornissaanik kommune suleriaaseqanngilaq, malitseqartitsisarani nakkutilliisaranilu, aamma 2022-p 2023-llu naanerani akiitsutut inissisimasut pisisarfiit kommunimit pissarsiaqarfittut nalunaagaannut sanilliullugit inaarlugit naatsorsorneqarsimangillat.

Akiitsoqarfittut nalunaakkat misissugassanik tigusiffigisarpavut 2022-mut 2023-mullu naatsorsuutit iluarsineqarnerisa kingorna maanna paasisimalerparput akiitsoqarfiit pingaarnerpaatigut 2023-p naanerani eqqortumik ilanngunneqarsimalersutut isigineqartut.

2024-p aallartinnerani aningaasartuutit misissuataarpavut 2023-mi aningaasartuutit ilanngunneqanngitsoortut piareersimaffiginiarlugit, taamattaaq 2024-mi 2025-milu aningaasaqarnermut immikkoortortaaq apearput piffissami qaninnermi aningaasartuutinik 2023-mut atasussaagaluani paasisaqartoqarsimanersoq. Taamaanngitsoq oqaatigineqarpoq.

#### **2.2.1.2.5. Akissarsiat sulisoqarnermullu aningaasartuutit inaarlugit naatsorsorneqanngitsut kiisalu akiitsut akissarsianut tunngasut**

*Ukiut siuliinneersunik uteqqiinneq*

*Akissarsiat akiitsullu akissarsianullu tunngasut ingerlaavartumik inaarlugit naatsorsorneqartarsimangillat.*

*Tamatuma malitsigisaanik kukkusumik naatsorsuutitut ilanngussat aamma/imaluunniit kukkusumik akiliisarnerit piffissaatillugu paasineqartarsimangillat.*

*Tamatuma kingorna akissarsiat, sulisoqarnermut aningaasartuutit kiisalu akiitsut akissarsianut attuumassutillit annerusumik nikingasoorfianatik inaarutaasumik naatsorsorneqarsimapput.*

### 2022-mut 2023-mullu oqaaseqatit imarisai pillugit malitseqartitsineq

2022-mut 2023-mullu naatsorsuutit naammassineqarnerannut atatillugu paasineqarpoq kommune akissarsianik akiitsunilu akissarsianut attuumassuteqartunik inaarutaasumik naatsorsuisarsimangitsoq.

Tamatuma malitsigisaanik kukkusumik naatsorsuutitut ilanngussat aamma/imaluunniit kukkusumik akiliisarnerit piffissaatillugu paasineqartarsimangillat.

Taamaammat akissarsiat akiitsullu akissarsianut tunngassuteqartut ingerlaavartumik inaarlugit naatsorsorneqartarnissaat pillugu kommune sulisuleriaasissiorsimangilaq nakkutilliisarsimanani. 2023-p naanerani paasineqarpoq kommunip aningaasanik tigorianaateqarnikkut inissisimanagera ilungersunernartutut inissisimanagerata malitsigisaanik kommunip Akileraartarnermut Aqutsisoqarfimmut akileraarutunik A-nik uninngatitanik akilersuina kinguussaaqqasoq. 32 mio. koorunit akilerneqarsimangitsut eqqartorneqarpoq, aningaasat tigorianaat amigarsimammata.

Tamanna isornarluinnartutut isigineqarpoq malitsigisaanilu kommune ernianut annertooujussuarmik amerlanerusunik aningaasartuuteqalersimavoq, akileraarutunik A-nik akilersuinerit aalajangersimasut akilerneqartarsimangimmata.

Tamatuma saniatigut Akileraartarnermut Aqutsisoqarfik kommunimut ilimasaarisimavoq akileraarutitigut akiligassanngortitsisoqassasoq, 6,3 mio. koruuninik sulisuleriaasissiorsimanginnera pequtugalugu.

#### **2.2.1.2.6. Ingerlatsinermit naatsorsuutitut ilanngussat nakkutilliillumi misissuiffigineqartangitsut.**

*Ukiut siuliinneersunik uteqqiinneq*

*2021-mi ingerlatsineq iluamik nakkutigineqarsimangilaq. Tamatuma malitsigisaanik kukkunerit amigaaatillu piffissaagallartigullu paasineqannginnissaat assut ilimanaateqalerpoq.*

*Taamaalluni aqutsinermit tunngaviit tutsuigineqarnerat sanngiilleratarsinnaavoq, tamatumalu malitsigisaanik missingersuutitut akisussaasut aningaasaqarnermik malinnaanermi atortoritinneqartut saniatigut namminneq periuseqarlutik malinnaalersinnaanerat ilimanaateqarsinnaavoq.*

### 2022-mut 2023-mullu oqaaseqatit imarisai pillugit malitseqartitsineq

2022-mut 2023-mullu naatsorsuutit kukkunerisiorneqarnerannut atatillugu paasivarput kommune tamatuminnaga misissueqissaartaranilu nakkutilliisarsimangitsoq.

Taamaammat 2022-p 2023-llu naanerani nakkutilliinerit pisariaqartut piffissamik immikkut atuiffigisariaqarsimavavut tamanna pisariaqarsorigatsigu, tassami kommune sorpassuartigut nakkutilliinissanik piviusunngortitsisarsimangimmat ajutoorfiusinnaasut amerlaqaat. Tamatuma saniatigut ilaatigut kukkusumik kontulersueratarsinnaaneq, piffissalersueratarsinnaaneq allallu ajutoorfiusinnaapput.

Nakkutilliinitsinni paasivarput suussutsinut kontunut kukkusunik naatsorsuutitut ilanngussisoqartarsimasoq kiisalu ukiut akornini kukkusumik inissiisoqartarsimasoq.

2022-p, 2023-p aamma 2024-p akornanni kukkusumik naatsorsuutitut kukkusumik inissitat aqqinneqarsimapput aningaasat amerlasuut eqqarsaatigalugit, tak. suut annertuutut isigisariaqarneri pillugit immikkoortoq.

### **EQIKKAANEQ**

*Ukiut siuliinneersunik uteqqiinneq*

*Nakkutilliisarneq inuit ataasiakkaat aningaasatigut qanoq allangortitsiffigisinnaasat, tunngaviumik ingerlaavartumik nakkutilliisoqarfiusanngitsoq, taamalu nakkutilliisoqartannginnera makkuninnga kingunekaratarsinnaavoq:*

- *naatsorsuutitut ilanngussuinerni, taamalu aqutsinikkut tunngavinni, kukkunerit amigaatillu paasinngitsoorneqartarput, taamalu aamma eqqunngitsumik tunngaveqarluni allaffissornikkut politikkikkullu aalajangiinissaq qaninnerulersarluni*
- *peqquserlunnerit piunnartut paasinngitsoorneqarsinnaapput. Peqquserlunnerit taama ittut tassaasinnaapput nakkutilliinerup amigarneranik sulisut avataaniittullu atorluaaneri.*

*Paatsuisoqaqqunaguli erseqqissaatigissavarput kukkunerisuiunitsinni taama ittunik peqquserlunniartoqarsimaneranik naammattuugaqannginnatta.*

*Soorunami pingaaruteqarluinnarpoq kommunip nakkutillisarnermik isumannaatsumik piaarnerpaamik pilersitsinissaa - ilisimavarpullu tamanna anguniarlugu ilungersortoqartoq.*

*Inaarlugit naatsorsuinerit amerlaqisut amigaataanerat kiisalu nakkutilliisoqartannginnera pissutigalugit ukiumut naatsorsuutit qaangiuterujussuareersut aatsaat kukkunerisuiineq naammassineqarsinnaasimavoq.*

*Ukiumut naatsorsuutit pillugit nalunaarutitsinni tamanna isoralugu oqaaseqaateqarpugut.*

#### 2022-MI 2023-MILU EQIKKAANERMIK MALITSEQARTITSINEQ

Matuma siuliani nakkutilliisarnerup amigaataanera pillugu oqaaseqaat eqqarsaatigalugu 2022-mut 2023-mullu naatsorsuutit kukkunerisuiunitsinni paasivarput kommunip aningaasaqarnermut aqutsissummini naatsorsuusiortarnerani ajutoorfiusinnaasut eqqarsaatigalugit nakkutilliisarnermik sulisut kommune pilersitsisimangitsoq.

Tamanna pillugu oqaaseqaatit siulianiittut ammapput sulilu matunekaratik.

#### **2.2.1.3. Aningaasanik aqutsineq amigartoq**

##### Ukiut siuliinneersunik uteqqiinneq

*2021-mi aningaasaqarnermik aqutsissutit nutaap atorneqalerneraniilli kommunip aningaasaqarnikkut inissisimanera ilisimaqqissaarneqarsimangilaq.*

*Aningaasat naatsorsuutitut ilanngussat tutsuugineqannginnerat pissutigalugu netbankimi kommunip kontuani aningaasat killiffii tunngavigalugit nakkutilliineq ingerlanneqarsimavoq.*

*Taamaammatt piviusumik aningaasaliissutit nakkutilliineq killilimmik ingerlanneqarsimavoq - nakkutilliisaraluarnerillu killeqarnerat pissutigalugu nalorninartoqartarpoq kukkusumik kontuliisarnermik kiisalu nakkutilliisoqartannginneranik pissuteqartumik.*

*Sulisulli aningaasanik atuinermik isumaginnittuusut mianersorsimapput, tassami ukiumi tassani atuneq tamarmiusoq killilerneqarsimavoq.*

*Aningaasanik aqutsineq ingerlanneqarsimasoq tunngavigalugu kommune ileqqaarniarluni, aningaasanik atorluaalluni pitsaasumillu ingerlatsisimanersoq naliliivigissallugu ajornarpoq.*

*Minnerpaamik Kalaallit Nunaanni pisortani atorneqartutut annertutigisumik aningaasaqarnermik aqutsisoqalernissaa kaammattuutigineqassaaq.*

*Tamanna pillugu kukkunerisuiinerup oqaaseqaateqarpugut, taavalu kukkunerisuiisut oqaaseqaataanni tamatumunnga isornartorsiulluta.*

#### 2022-mut 2023-mullu naatsorsuutit kukkunerisiorneqarnerat pillugit oqaaseqaammatt malitseqartitsineq

2022-mut 2023-mullu naatsorsuutit kukkunersiorneqarnerannut atatillugu paasineqarpoq kommune aningaasaqarnerup aqunneqarneranik suli pilersitsisimanngitsaq, aningaasaliissutitut sanilliullugu atuineq malitseqartinneqartarsimanani.

2022-mi ingerlatsinermi 25,1 mio. kr. -nik aningaasaliissutitut sanilliullugu sippuisimavoq. 2022-mi ingerlatsinermut aningaasaliissutit ilassuserneqarsimangillat.

2023-mi ingerlatsinermi 65,8 mio. kr. -nik aningaasaliissutitut sanilliullugu sippuisimavoq. 2023-mi ingerlatsinermut aningaasaliissutit ilassuserneqarsimangillat.

Taamaammat oqaaseqaat suli matuneqarsinnaangilaq 2023-llu naanerani suli atuulluni.

#### **2.2.1.4. Naatsorsuutit saqqummiussinissami suleriaatsit**

##### Ukiut siuliinneersunik uteqqiinneq

*Naatsorsuusiornermi suleriaatsit pitsanngorsarneqarsinnaasutut isigaavut. Kaammattuutigisinnaavarput periutsit, akisussaaffiit inissisimaneri pisortallu nakkutilliinerat, aamma atortussanik pilersaarutit aqutseriaatsillu atorlugit kommunip eqqortumik naatsorsuusiortarnissi annerusumik qulakkiissagaa.*

*Ukiuni siuliini naatsorsuutit saqqummiunneqartarnerinissaaq pissutsit taakku eqqaaneqartarput.*

*Naatsorsuutit saqqummiunnarlugit suliarineqartarnerat pitsanngorsarneqarsinnaavoq, taamatullu ukiumoortumik naatsorsuutit pissusiviusunik takutitsisut saqqummiunneqarnissaannut akisussaaffik aningaasaqarnermut immikkoortortamat inissinneqartariaqarluni.*

*Naliliinerput naapertorlugu suliamut tassunga ilaasariaqarportaaq aningaasaliissutinik ingerlaavartumik nakkutilliineq, tassami tamanna tamatumunnga pitsanngorsaataassaaq kiisalu ukiup naanerani sulinerput oqilisaataassalluni.*

*Naliliinerput naapertorlugu aningaasaqarnermik aqutsissutip nutaap, Prismep, atuutilernerani naatsorsuusiortarneq ilungersunartoqarnerulerpoq.*

*Kaammattuutigissavarput aningaasaqarnermut aqutsissutip kontulersuinerullu nutaap atornissaa pillugu aningaasaqarnermik ingerlatsivimmi sulisunik ilinniartitsinissaaq sulissutigineqassasoq.*

*Taamaammat kukkunersuiusumit oqaaseqaat tamanna suli ammasutut isigaarput.*

##### 2022-mut 2023-mullu naatsorsuutit kukkunersiorneqarnerat pillugit oqaaseqaammal malitseqartitsineq

2022-mut 2023-mullu naatsorsuutit kukkunersiorneqarnerannut atatillugu paasineqarpoq malittarisassat atuuttut naapertorlugit naatsorsuutit saqqummiunneqarnissaannut suleriesissanik nakkutilliinernilu pilersitsisoqarsimanngitsaq.

Paasisutissat ugartukkatta ilarpasui pissarsiariniarlugit kommune siunnersortinik avataaneersunik marlunnik ikiorteqarsimavoq, taavalu naatsorsuutit kukkunersiorneqarnissaannut uppernarsaatit tunniunneqanngitsoortut ilarpasui nammineerluta suliarisariaqarsimavavut 2022-p 2023-p naaneri eqqortumik peqqullugit.

Taamaammat 2023-p naanerani oqaaseqaat suli ammatinneqarpoq.

#### **2.2.1.5. Naatsorsuutit pillugit takussutissiat piomasagaataasut**

##### Ukiut siuliinneersunik uteqqiinneq

*Ukiumoortumik nalunaarusiami tigusami qulequtaq "Aningaasalersuineq" amigaataavoq. Takussutissiaq taanna 2017 aamma 2018-mi ukiumut nalunaarusiami amigaataavoq.*

*Kommune akivoq tamanna piaaraluni iliornerusiq takussutissiarlu siunissami ilanngunneqartassanngitsiq.*

*Malugeqqussavarput naatsorsuutit pillugit nalunaarutissamut nutaamut siunnersuummi aningaasat ingerlaarnerannik nalunaarsuusiornissaq piumasaqaataammat.*

*Illut pigisat allattorsimaffianni pissarsiarineqartumi illut sorliit tunineqarsimanersut assaannarmik allanneqarsimapput. Nalunaarsuut najoqqutaralugu illut pigisat tunineqarsimasut pillugit kommune sulii piginnittutut allaqqavoq.*

*Taamaalilluni illut pigisat allattorsimaffiat nutartigaaq amigaataavoq.*

*Sulisunut nalunaarsuiffik ukiumut nalunaarusiami ilanngussamiittoq akissarsiat kontuannut tunngatillugu taamaallaat winformatikkimiit takussutissiaavoq. Taamaalillutik takussutissiat taakku marluk naatsorsuutini saqqummiussinermut tunngatillugu piumasaqaatinik naammassinninngillat.*

*Ukiumut naatsorsuutit siusinnerusukkat tunngavigisartakkanik ilutsinillu atuilluni suliaammata siuliani taaneqartut sulii atuupput, taamaammat kukkunerisuiusut oqaaseqaataat sulii atuuttutut isigigaavut.*

#### 2022-mut 2023-mullu naatsorsuutit kukkunerisiorneqarnerat pillugit oqaaseqaammut malitseqartitsineq

Ukioq 2022-mit kingornalu Prismemut ikaarsaarnerup kingorna naatsorsuutit saqqummiunneqartarneranni takussutissiat imarisaat kiisalu naatsorsuutit aqqissuunneri pillugit piumasaqaatit allaasut atuutilerput.

Naatsorsuusiortarneq pillugu nalunaarut nr. 6, 20. januar 2022-meersiq tamatumunnga pissutaavoq.

§ 25, imm. 7 naapertorlugu piumasaqaatigineqartutut nassuiaatit marluk ilanngunneqartut eqqortumik naatsorsuutini ilanngunneqarsimannngitsutut isligaavut amigaateqarpallaarnerat pillugu. 2022-mut 2023-mullu naatsorsuutit aamma taamaapput.

Matumani makku pineqarput:

- Illuutit atortorissaaruteqarfiillu pillugit nassuiaat kiisalu ukiuni aggersuni sisamani aserfallatsaalinissaannut pitsanngorsarnissaannullu aningaasartuutissatut missingikkat.
- Pisussaaffioratarsinnaasut pillugit nassuiaat, soorlu attaasiinikkut, attartornikkut, akilersuinikkut qularnaveequsiinikkullu pisussaaffiit.

Tamaku suliarineqarnerat kiisalu nassuiaatit amigaateqarnerat kommunip nammineq naatsorsuutini oqaatigaa.

Taamaammat 2023-p naanerani oqaaseqaat matuneqanngilaq.

#### **2.2.1.6. Sanaartornermi aningaasartuutit, sanaartukkat naatsorsuutaannik saqqummiussineq aqutsinerlu**

##### Ukiut siuliinneersunik uteqqiinnek

*Kommunip sanaartukkat naatsorsuutaannik saqqummiussinissamik malittarisassai piffissami sivisuumi malinneqarsimannngillat.*

*Taamaalilluni paasineqarpoq piffissap sivisuup ingerlanerani sanaartornermut naatsorsuutini akuerisassanngorlugit kommunalbestyrelsimut saqqummiussisoqarsimannngitsiq.*

*Siusinnerusukkat pissutsit taakku eqqartorneqarsimapput, innersuusutigineqarporlu sanaartornermut naatsorsuutit suliarineqassasut politikkerinullu saqqummiullugit.*

#### 2022-mut 2023-mullu naatsorsuutit kukkunerisiorneqarnerat pillugit oqaaseqaammut malitseqartitsineq



2022-mut 2023-mullu kukkunersuinermit atatillugu paasivarput sanaartukkat aningaasaliiffigineqarsimasut naammassineqarsimasullu pillugit sanaatornermut missingersuusiortoqarsimanngitsaq.

Aamma paasineqarpoq aningaasaqarnermik aqutsisummut ikaarsaernerup kingorna sanaartukkat ataasiakkaat eqqarsaatigalugit sanaatornermut aningaasartuutigineqarsimasut aqunneqarsimanngitsut.

Sanaatornermut aningaasartuutit tamarmik kontoqarfiup pingaernerup 3-ip ataani suussutsinut kontuni naatsorsuutitut nalunaarneqartarsimapput, kontunili suut tamarmik akulerussuunneqarsimapput taamalu aningaasartuutit sanaartukkanut ataasiakkaanut sorlernut atanersut takuneqartarsinnaanani.

Tamatuma saniatigut 2022-mi paasineqarpoq sanaatornermut kontup ataani sanaatornermut aningaasaliissutitaqanngitsumik pisisoqarsimasoq, soorlu illumik (B-265 2,4 mio. kr.-nik akilik, kiisalu biilit aammalu illup oquiarneqarnera) Taamalu tamanna aningaasaliisnermut malittarisassanik uniuineruvoq.

2023-mut atatillugu paasivarput kommunalbestyrelse Nanortalimmi nutaamik meeqqeriviliortoqarnissaanut sanaatornissamut 11 mio. koruuninik aningaasaliissuteqarsimasoq, kisianni Permagreenimut sanaatornissamut tunngatillugu 30 mio. koruuninik atuisoqarnissaanik isumaqatigiissusiortoqarsimalluni. Taamaalluni sanaatornermut aningaasaliissutaasunit 19. mio. koruuninik sippuisoqarluni isumaqatigiissusiortoqareersimavoq, tamannalu assorsuaq isornarpoq. Aammattaaq Nanortallip atuarfianut, biiliniq pisinermut, B-241 Majoriap oqunnera pillugu nutarneqarneranut aningaasartuutiniq atuisoqarsimavoq, naak aningaasaliissutigineqartumut atuumassuteqanngikkaluarlutik.

Aqutseriaasimik pilersitsisoqarnissaa pingaaruteqarpoq, taamaalluni aningaasartuutissat sanaatornermut suliniutinut immikkoortinneqarsimasut eqqortumik atorneqarsinnaaniassammata aammattaaq aningaasaliissutigineqartunit sippuisoqartannginnissaa maliginnaavigineqarsinnaaniassammata.

Taamaammata aningaasaqarnermik aqutsisummut nutaamut ikaarsaernerup kingorna sanaatornermut tunngasunik kommune torersaasariaqarpoq kiisalu sanaartukkatut normuligaanngitsut utertittariaqarpai kiisalu suussutsinut kontut 3-mik aallartittut tamaasa matussallugit kiisalu aningaasartuutit sanaartukkanut eqqortunut inissitsitissallugit

Tamatuma kingorna sanaatornermut naatsorsuutit malittarisassat naapertorlugit naammassineqarlutik saqqummiunneqartussat saqqummiunneqassapput.

#### **2.2.1.7. Aningaasalersuinikkut kontut / killiffimmuut kontut**

##### *Ukiut siuliinneersunik uteqqiinneq*

*Siusinnerusukku kommunimut isumaqatigiissuteqarluta killiffinnuut kontut oqimaaqatigiisinnissaat pillugit sulisunut oqimaaqatigiisitsinermut akisussaasunut tamanut aammalu aqutsisunut qassinnguanut pikkorissartitsisarpugut.*

*Makku ilaatigut ilinniartitsissutigineqarput:*

- *Naatsorsuutit qanoq qaqugulu inaarummik naatsorsorneqassappat uppernarsarneqarlutillu*
- *Naatsorsuutit inaarneri sumut toqqorneqassappat*
- *Aqutsinermi nakkutilliineq qanoq ingerlanneqassava*

*Inaarutaasumik kukkunersuinermit matumani paasineqarpoq malittarisassaq taanna malinneqarsimanngitsaq, aammalu aqutsisumiit naammattumik nakkutilliisoqarsimaneramik takussaasoqanngitsaq.*

*Taamaalilluni kontut naleqquttunngorsimanerannik uppernarsaatissaqanngilaq, soorluttaaq aningaasat sivilisunerusumik uningatinneqarsimasut isummerfigineqarsimarpasinnatik.*

*Tamatuma saniatigut paasivarput allanit pisassanut tunngatillugu kontuni qassiini takussutissaqartoq, taakkulu ukiunut siuliinut aningaasartuutitut kiisalu inunnut akiliussinernut tunngassuteqartut.*

*Kaammattuutigissavarput kontut taakku misissuataarneqassasut taavalu pisassat akiliussinerillu allanneqarsimasut akilersinniarneqarsinnaanersut isummerfigineqassasoq.*

*2021-mi naatsorsuutitut sanilliullugu pitsanngoriangaartoqarsimannigilaq, tassami ajornartorsiutit sivalini taaneqartut oqimaaqatigiisitsinernut tamanut atuupput.*

*Kukkunersiuinermut atatillugu aningaasaqarnermut immikkoortortaq oqaloqatigisarpaput, tassanilu oqaluuseraarput ukiup inaarnerani uppernarsaatit suut pigineqarnissaat naatsorsuutigineqarnersoq, tassunga ilanngullugu aningaasatigut isumagisassat sulii inaarneqanngitsut oqimaaqatigiisinneqarnissaannik, erseqqissarneqarnissaannik suliarineqarnissaanillu piumasaqaatit.*

*Aamma oqaluuserineqarpoq uppernarsaatit pisariaqartut suliarineqarnissaannut, katersorneqarnissaannut, pitsaassusiisa qularnaarnissaannut kiisalu toqqortarineqarnissaannut akisussaaffiup aningaasaqarnermut immikkoortortamiinnissaa naatsorsuutigineqarmat, taannalu aamma naatsorsuutinik pissusiviusunik takutitsisunik saqqummiinissamut allaffissornikkut akisussaammat. Taamaammallu kommunip allaffeqarfiata sukutsitaanit allanit oqimaaqatigiisitsinerit eqqarsaatigalugit pitsaassutsimik qulakkeerinerit pissarsiariniarnissaat aningaasaqarnermut immikkoortortamit isumagisassaasutut isigisariaqarpoq.*

*Taamaapportaaq killiffinnut ingerlatsinermullu kontunik oqimaaqatigiisitsinerit erseqqissaanerillu eqqarsaatigalugit.*

*Ukiuortoqumik naatsorsuutit kukkuneqarnissaannut amigaateqarnissaannullu periarfissap annerulersarnerata saniatigut uppernarsaatit / pitsaassutsimik qulakkeerinerit amigaataasarnerata kinguneranittaaq kukkunersiuusut annerujussuarmik sulisariaqartarput suliffeqarfiup iluani immikkoortunit assigiinngitsunit namminneerlutik uppernarsaatini katersisariaqartassagunik aqqissuisariaqartassagunillu.*

*Tamatumalu assinganik missingersuutit atuinerlu nikingassuteqarsimatillugit tamatumunnga nassuiaatissanik katersuinissaq apeqquusiinissarluni aningaasaqarnermut immikkoortortamit isumagisassaasutut isigineqartariaqarpoq.*

2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

2022-mut 2023-mullu naatsorsuutinik kukkunersiuinermut atatillugu paasineqarpoq kommune siunnersortinit avataaneersunit marlunnit annermik ikiorneqarsimasoq inaarlugit naatsorsuinerit amerlanerit suliarineqarnissaat pillugu.

Taamaammatt inaarlugit naatsorsukkat saqqummiunneqartut pitsannguallassimaqaat.

Suliassaassaarli oqimaaqatigiisitsinermut immersugassat atorlugit assigiissaartumik sulinissaq atuutilersinneqartariaqarpoq taavalu akiligassaqarfiiit akiitsoqartullu peqatigalugit oqimaaqatigiisitsisoqartariaqarpoq kiisalu aqutsinikkut nakkutuliinerup akisussaaffigineqarnera, ingerlanneqarnera uppernarsarneqarneralu kommunimut tunniunneqartariaqarluni.

### **2.2.1.8. Akissarsialerivimmi susassaqarfiup iluani sulisunik nakkutiginninneq**

*Ukiut siuliinneersunik utegqiinneq*

*Qarasaasiakkut akissarsialerissut isissutissamik pilerneqarsimannigimmat, taamaalillutillu akissarsialeriffimmi sulisut nammineerlutik inuup-normortik atorlugu nalunaarutiginnissinnaanatik, taava taarsiullugu kukkunersiuusumit suliarineqartariaqarpoq.*

*Pingaarnertut akissarsiat allattorsimaffiisa misissornerisigut kukkunersiuorneqarsimasutullu naammassinninnermi ullulersorlugillu atsiornertaleraanni kukkunersiuineq tamanna naammassineqarsinnaavoq.*

*Apeqqutigaarput kukkunersiuineq tamanna ingerlanneqarsimanersoq, taamaattorli akissutisisimangilagut.*

*2018-imi ukiumut naatsorsuutini pissutsit aammattaaq maluginiarneqarput: Matumani paasitinneqarpugut kukkunersiuineq aallartinneqassasoq.*

*2021-mut tunngatillugu taamaapportaaq.*

2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

2022-mut 2023-mullu naatsorsuutit naammassineqarnerannut atatillugu sulisut akissarsianik akissarsialerivimmumt nalunaarutiginnissinnaasut eqqarsaatigalugit akissarsiat allagartaat ataatsimut misissorneqarput nassuiaasiortoqassasorlu tamanna pillugu, tamannalu nakkutilliinertut uppernarsaasiinertullu pitsaasutut isigineqarpoq.

Sulisut akissarsiasanik ikkussuisinnaatitaasunit pillugit akissarsialerisummiit takussutissanik tigusigaanni takuneqarsinnaavoq atuisutut allassimasut qassiit atorfeqarunnaarsimasuusut, taamaammat atuisut eqqarsaatigalugit sulit torersaasoqartariaqarpoq atuisuujunnaarsitsisoqartariaqarlunilu, taamalu massakkut kisimik pisariaqartitsisut kisimik atuisutut inissisimalissallutik.

Taamaammat kukkunersiuusumit oqaaseqaat tamanna sulit ammasutut isigaarput.

#### **2.2.1.9. Atuuffiit immikkoortinneqarnissaannut aammalu siunertaanngitsumik qarasaasiatigut allannortineqarnissaannut isumannaaallisaanerit amigartut**

##### *Ukiut siuliinneersunik utegqiinneq*

*Qarasaasiaqarnikkut nakkutilliinerup kukkunersiuiffigineqarnerani oqaaseqaatit pingaarutillit tulliuuttut saqqummersimapput, taakkulu aqutsisuniit piaartumik isummerfigineqartariaqarput. Kommuniq qarasaasiaqarnikkut isumannaassutsip qaffassisssusia aalajangerumallugu qarasaasiaqarnikkut ajutoorfiusinnaasunik aaqqissugaasumik nalilersuisoqarnissaa sakkortuumik kaammattuutigineqarpoq. 2020-mi kukkunersiuinnermi paasineqarpoq qarasaasiaqarnikkut ajutoorfiusinnaasut aaqqissugaasumik nalilersuiffigineqarsimannngitsut.*

*Tamatuma saniatigut isersinnaatitaanernik piffissakkaartumik naliliisarnerit alliarortinneqartariaqarput atuisut sulinerminni pisariaqartitsineq kisiviat aallaavigalugu pinnaatitaaffeqarnerat nalilersorumallugu, kiisalu atuuffiit isumannanngitsumik immikkoorsinneqarsinnaaleqqullugit. Kukkunersiuinitsinni paasivarput atuisinnaatitaanerit nakkutigineqarnerat atuutsinneqalersimannngitsoq.*

*Tamatuma qaavatigut atuisinnaatitaasunik nakkutilliinermisaaq atortorissaarutit atuisunik aqutsinermi immikkut ittunik pinnaatitaaffeqarfiusut tamamik ilanngunneqartariaqarput. Taamattaaq atuisuusimasunik eqqortumik atuisuujunnaarsitsinermut nakkutilliisarnermik kiisalu atuisut immikkut pinnaatitaaffillit nakkutigineqarnerannik pilersitsisoqartariaqarpoq, taakkumi piaaraluni piaarinanilu kukkusooqarsinnaaneramik periarfissaqartitsinerulersinnaasarmata.*

*Sakkortuumik kaammattuutigarput pissutsit taakku kommunimit assut pingaartinneqassasut, pinnaatitaaffiit eqqunngitsut pissutigalugit piaaraluni piaarinaniluunniit kukkusooqarsinnaaneranut assorsuaq periarfissaqarnera pissutigalugu.*

*Kiisalu, suliat allanut isumagisassannortinneqarsimasut pillugit kukkunersiuusut nalunaarutaannik pissarsisarnissaaq pillugu avataani suliasinneqarsimasunut erseqqissunik isumaqatigiissusiortoqartariaqarpoq (ISAE 3402).*

*IT-p atortortissaarutaanik nalinginnaasumik nakkutilliineq aningaasaqarnerup paasissutissartaanik taamatutaaq inuit ataasiakkaat paasissutissartaannik mianernartunik illersuinissaq eqqarsaatigalugit pingaaruteqartuupput.*

*2021-mut tunngatillugu kukkunersuineri tamatuma pitsanngoriaatanik takunngilagut. Aammattaaq aningaasaqarnermik aqutsissutip isumannaassusianik naliliineri tunngavittut uppernarsaatini pisarsiniarsimavugut. Uppernarsaat taanna tigusimannilarput taamaamat naliliisinnaanngilagut. Paatsuuisoqaqqunagu oqaatigineqassaaq kukkunersuineq sunik tigussaasunik tunngaveqarsimavoq, taamaammallu tassannga sunnigaanani.*

#### 2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

2022-mut 2023-mullu tunngatillugu kukkunersuineri 2024-mi tamanna aammaarluta malersoqqipparput ukiunullu siuliinut sanilliullugu allannguuteqartoqarsimannitsoq paasillugu. 2022-mi 2023-milu naatsorsuutini pisarnermik annerusumik allagartaliussat (bilag) amerlanerusut tiguneqarsimapput amerlanerusunillu misissueqqissaartoqarsimalluni, tassa suliffimmini namminer mi nakkutilliinerit oqimaatigiisitsisarnerillu aammalu allat pilersinneqarsimatillugit.

Taamaamat kukkunersuuisumit oqaaseqaat tamanna suli ammasutut isigaarput.

#### **2.2.1.10. Akiliisitsiniartarfimmiit nalunaarutit naapertorlugit kommunip pisassaasa naatsorsuutitigut nalikilliliivigineqartannginnerat.**

##### *Ukiut siuliinneersunik uteqqiinneq*

*Innuttaasunit suliffeqarfinnillu pisassat nalinginnaasumik aatsaat nalikilliliivigineqartarput Namminersorlutik Oqartussat Akiliisitsiniartarfianniit nalunaaruteqartoqareeraangat. Paasivarpulli Akiliisitsiniartarfimmiit nalikilliliinissamik nalunaarutaagaluartut kommunip pisasaqartup naatsorsuutitigut nalikilliliineranik tamatigut kinguneqarneq ajortut.*

*Taamaalluni allaniit pisassat amerlanaarlugit nalilerneqarnissaannut navianartoqariaannaavoq. Taamaamat kaammattuutigissavarput nalikilliliinissamik nalunaarutit tiguneqarsimasut, naatsorsuutitigut nalikilliliinernik kinguneqarsimannitsut - taamalu kommunip naatsorsuutaani pisassatut suli allassimasut - katillutik qanoq amerlatiginerat naatsorsorneqassasoq.*

*Tamatuma peqatigisaanik kaammattuutigissavarput Akiliisitsiniartarfimmiit nalikilliliinissamik nalunaarutit tamarmik naatsorsuutitigut nalikilliliinernik nassataqartassasut.*

*Kiisalu kaammattuutigissavarput allanit pisassat kommunip naatsorsugai kiisalu Akiliisitsiniartarfiup naatsorsugai imminnut ingerlaavartumik sanilliunneqartassasut.*

*Tamanna 2021-mi suli atuuppoq.*

#### 2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

2024-mi 2022-mut naatsorsuutini kukkunersuineri atattillugu paasineqarpoq 5,5 mio. kr. -it missaannik akiliisitsiniartarfimmiit nalikilliliisoqarsimasoq kommunimit suli nalikilliliivigineqanngitsunik.

Naatsorsuusiortarnermi nalunaarummi malittarisassat naapertorlugit 2022-p naanerani akiligassalinnit annaasassanut katillugit 61 mio. kr.-it illuartinneqarsimapput, taakkunanngalu 3,8 mio. kr.-it kommunip suli nalikillilersimannigassanut 5,5 mio. kr.-inut ilaapput, naak siuliani oqaatigineqartut naapertorlugit akiliisitsiniartarnermi oqartussaqaarfiup nalikillilersimagaluarai akilersinneqarsinnaanngitsutut isigineqarnerat pillugu.

Taamalu taamaallaat 1,6 mio. kr.-it 2022-p naanerani kommunimit pisassarineqartutut allassimapput, kiisannili taakku akiliisitsiniartarfimmiit nalikillilerneqarsimallutik.

Akiliisitsiniartarfiup nassiusaanik nalikilliliinnginnissamut tunngavilersuut tassaavoq kommunimiit nalilerneqarmat pisassat taakku ilaumut akilersinneqarsinnaassasut akiitsullit taakku aningaasaateqartutut isumaqarfigineqarmata.

Akiliisitsiniarnerli kommunimiit pimoorunneqartariaqarpoq, paasisavulli naapertorlugit taama iliortoqarsimangilaq.

2023-p naanerani 3,6 mio. kr.-it missaanik akiliisitsiniartarfimmi nalikilliliisoqarsimasoq kommunimit suli nalikilliliivigineqanngitsunik. Taakkunanga 3,1 mio. kr.-it annaasassanut illuartinneqarput taamaalilluni 0,5 mio. kr.-it taamallaat 2023-p naanerani kommunimit pisassarineqartutut allassimapput, kisiannili taakku akiliisitsiniartarfimmit nalikillilerneqarsimallutik.

Taamaammat kukkunersuiusumit oqaaseqaat tamanna suli ammasutut isigaarput.

### 2.2.1.11. Missingersuusiortarnermut inatsisip malinneqarnera

#### Ukiut siuliinneersunik uteqqiinneq

*Kukkunersuiunitsinni paasivarput Missingersuusiortarnermut inatsimmi aalajangersakkat qassiitigut eqqortinneqartarsimangitsut.*

*Taamaammat pissutsit tulluuttut pillugit kukkunersuiunermit oqaaseqaatit tulluuttut ammasutut suli isigaavut.*

- *Aningaasanik tigoriaanaateqarnermi kiisalu missingersuutini aningaasalersuinikkut inissisimaffiit nikingassutissaattut naatsorsuutigisat takussutissaqartinneqannginnerat.*

*Aningaasanik tigoriaanaateqarnermi kiisalu missingersuutini aningaasalersuinikkut inissisimaffiit pillugit missingersuutit takussutissaqarfiunngillat naak tamanna Missingersuusiortarnermut inatsimmi § 20, imm. 2-mi piumasarineqaraluartoq.*

*Tamatuma malitsigisaanik avataanit pisassat amerleratarsinnaanerannut, ingerlatseqatigiiffiit tamakkiisumik pigisat aningaasaliiffigineqartariaqalersinnaanerannut kiisalu akiitsunut pioreersunut akilersuutissanut missingersuusiortarnermi naammattumik sillimangittoqaratarsinnaavoq.*

*Taamaammat tamakkununga akiliinissamut naammattumik aningaasanik naammattumik tigoriaanaateqarnissamut amigannngitsunik sinneqartooruteqarfiusumik missingersuusiornissaq pingaarutilerujussuavoq.*

- *Aningaasaliissutit eqqortinneqartannginnerat*

*2021-mi kommune aningaasaliissutinut kontuni qassiini annikigisassaannngitsunik sippuisarsimavoq.*

*Missingersuusiortarnermut inatsimmi aalajangersakkat naapertorlugit aningaasaliiffigineqanngitsunut aningaasartuuteqartoqartussaannngilaq. Tassalu tassunga aalajangersakkat ukiumi tassani unioqqutinneqarsimapput.*

*Kisianni inatsisip eqqortinneqarneranut sanilliullugu ajornartorsiut anneruvoq.*

*Tamatuma peqatigisaanik missingersuutitigut sippuineranut taama ittunut aningaasalersuinissamut kommune killilerujussuarnik tigoriaannarnik aningaasaateqarpoq.*

- *Attartuutigaluni akilersuinissamik isumaqatigiissutit Naalakkersuisunut nassinneqanngitsut.*

*Missingersuusiortarnermut inatsit naapertorlugu attartornermut akilersuutitigalunilu attartornermut isumaqatigiissutit Naalakkersuisunit akuerineqartartussaapput. Ukiumut*

*naatsorsuutini pisussaaffinnik assigiinngitsunik takussutissiimi takuneqarsinnaasutut kommune taama ittunik isumaqatigiissusiorsimavoq. Taakku Naalackersuisunut akuersissutigisassanngorlugit nassiunneqarsimangillat.*

#### 2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

2022-mut naatsorsuutini kukkunersiuinermut atatillugu tamanna malitseqartissimavarput. Paasineqarpoq aningaasanik tigorianaateqarnerup nikinneranut takussutissiartallimmik kommune suli missingersuusiorsimangitsoq taavalu 2022-mi sanilliullugu missingersuusiorneqarsimasunit 24,1 mio. kr. -inik annerusumik ingerlatsinermi atuisoqarsimasoq. 2022-mut naatsorsuutini takuneqarsinnaasutut attartornikkut akilersuinikkullu pisussaaffinnik aammalu pisussaaffinngoratarsinnaasunik nalunaarsuiffik tamakkiisuunngilaq, taamalu malittarisassat taakku malinneqarsimangitsutut isigineqarput.

2023-mut aamma taamaappoq, aningaasanik tigorianaateqarnermi kiisalu missingersuutini aningaasalersuinikkut inissisimaffiit pillugit missingersuutit takussutissaqarfiunngillat aammattaaq aningaasaliissutigineqarsimasunut sanilliullugu 65,8 mio. kr. -inik ingerlatsinermut sippuisoqarsimalluni. 2023-mut naatsorsuutini takuneqarsinnaasutut attartornikkut akilersuinikkullu pisussaaffinnik aammalu pisussaaffinngoratarsinnaasunik nalunaarsuiffik tamakkiisuunngilaq, taamalu malittarisassat taakku malinneqarsimangitsutut isigineqarput.

Taamaalluni oqaaseqaat siusinnerusukkut saqqummiunneqartoq matuneqarsinnaanngilaq 2023-mullu naatsorsuutit matuneqarnerannut atatillugu suli atuuttutut isigisariaqarluni.

#### **2.2.1.12. Suliariumannittussarsiuussisarnermut inatsisip malinneqarnera**

##### Ukiut siuliinneersunik uteqqiinneq

*Pisortat oqartussaaffigisaanni suliffeqarfiinilu nioqqutissanik kiffartuussinernillu pisinermut tunngatillugu neqerooruteqartitsisarneq pillugu inatsisartut inatsisaat nr. 01.07.2019-imeersoq atuutilerpoq.*

*Kukkunersiuinikkut paasineqarpoq assersuutigalugu sillimmasiissutit, maskiinanik pisiniartitsinerit allallu ataasiakkaatigut neqeroortitsissutigineqartartut.*

*Paasissutissalli tunniunneqartut tunngavigalugit kommunip neqerooruteqartitsisarnermut inatsimmik eqqortitsinissaa qularnaarniarlugu immikkut iliuuseqartoqartarsimangilaq, soorlu ima:*

- *Aaqqissuusaanikkut toqqammaviliineq*
- *Niuerniartarnermut politikilliorneq kiisalu neqerooruteqartitsinerup pisariaqassusia tamatumalu ingerlanneqarnissaa pillugu suliffeqarfiup iluani ilitersuutit*
- *Qarasaasiatigut atortorissaarutinik iluaquteqarluni niuerniariaatsinik pilersitsinerit, niuerniartarnissamik isumaqatigiissutit allallu malinneqarnerinik qularnaariviusut.*
- *Malittarisassat malinneqarnerinik malitseqartitsineq*

*Taamaammat inuit aningaasatigut aalajangiisinnaatitaasut ataasiakkaat inatsimmik ilisimasaqassusiat apeqquataalersarpoq. Taamaallunilu kommunip aaqqissorluagaasumik pisiniarnikkut misilittakkat naapertorlugit aningaasatigut iluaqutissarsiarisinnaasaraluani pissarsiarinngitsoorsinnaavai, soorlu annertuunik pisiniarniartilluni amerlanerusunik neqerooruteqartitsinikkut pissarsiarineqarsinnaagaluit.*

#### 2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

Paasiniaanitsinni ilisimatinneqarpugut killiffik uani 2022-miilli aamma 2023-miilli allanngorsimangitsoq.

Taamaammat kukkunersiuusumit oqaaseqaat tamanna suli ammasutut isigaarput.

### 2.2.1.13. Inunnut paasissutissat pillugit peqqussutip malinneqarnissaa

#### Ukiut siuliinneersunik uteqqiinneq

Paasissutissat tunniunneqartut naapertorlugit Inunnut paasissutissat pillugit peqqussummik kommunip malinninnissaa qularnaarniarlugu iliuseqartoqarsimangilaq.

Kommunimi immikkoortortanit tamanit inuit ataasiakkaat paasissutissartaannik peqqussut malinneqanngitsoornissaa ilimanarpoq, makku eqqarsaatigalugit:

- Inuit ataasiakkaat paasissutissartaannik mianernartunik katersineq illersuinerlu
- Inuit ataasiakkaat paasissutissartaannik mianernartunik inuit kommunimi sulinngitsut avitseqatigisarneri
- Paasissutissat attuumassuteqartut suliarineqarnerisa Datatilsynimut nalunaarutigineqarneri (nalunaarfissap killia 01.12.2019)

Tamatamani maluginiarparputtaaqa tamanna pillugu malittarisassat naapertorlugit Paasissutissanik Nakkutillisoqarfimmuut paasissutissat suliarineri pillugit sulii nalunaaruteqartoqarsimangimmat.

Apeqquteqaratta paasivarput kommune 2021-mi Inunnut paasissutissanik illersuinerlut inatsimmik eqqortitsinissamut sulii suliniuteqalersimangitsoq. Paasitinneqarpugut sulisut malittarisassanik ilisimanninnerulernissaat siunertaralugu qarasaatiatigut pikkorissaasoqarsinnaanersoq misissorneqartoq.

Taamaammat kukkunersuiusumit oqaaseqaat tamanna sulii ammasutut isigaarput.

#### 2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

Paasiniaanitsinni ilisimatinneqarpugut killiffik uani 2022-miilli aamma 2023-miilli allanngorsimangitsoq.

Taamaammat kukkunersuiusumit oqaaseqaat tamanna sulii ammasutut isigaarput.

### 2.2.1.14. Isumaginninnermut tunngasuni suliatigut aqutsinermut nakkutilliinerup amigaataanera

#### Ukiut siuliinneersunik uteqqiinneq

Suliasaqarfimmik taassuminnga kukkunersuiunitsinni paasivarput 2020-mi aqqissugaasumik suliatigut aqutsinermik nakkutillisoqarsimangitsoq.

Suliatigut aqutsinermik nakkutilliineq isumaginninnermut tunngasunik suliaqarnerup pitsaassusianik ingerlaavartumik nalilersuinermi sakuuvoq pingaarutilerujussuaq - aammalu ilinniarnermut, allannguinermut kiisalu ineriartortitsinermut sakkussaalluni.

Kaammattuutigisavarput aqutsineq suliatigut ilisimasaqassuseq tunngavigalugu uppersagaasumillu nakkutigineqalissasoq - tamannalu tunngavigalugu kukkunersuiusutut oqaaseqaateqarpugut.

#### 2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

Isumaginninnikkut ikiorsiissutit allallu pillugit ukiunut siuliinut tunngasunik kukkunersuiunitsinni pisutut paasineqarpoq 2022-mi 2023-milu aqqissugaasumik sulianik aqutsisuniit nakkutillisoqanngitsoq.

Taamaammat kukkunersuiusumit oqaaseqaat tamanna sulii ammasutut isigaarput.

### 2.2.1.15. Isumaginninnermut suliffeqarnermullu tunngasuni suliasalerinerup pitsaassusia amigartoq.

#### Ukiut siuliinneersunik uteqqiinneq

2020-mi isumaginnittoqarfimmi annertusisamik kukkunersiuinitsinni paasivarput suliassa qarfinni tulliuuttuni suliassat isumagine qarneranni pitsaassuseq assut amigaataasoq:

- Meeqqat pillugit suliat
- Ilaqutariinnut inissiiviusartunut suliassa qarfik
- Siusinaartumik pensionisiat
- Pisortanit ikiorsiissutit
- Suliffeqanngikkallarnermi ikiorsiissutit

Taamaammat kukkunersiuusumit oqaaseqaat tamanna suli ammasutut isigaarput.

- *Pissutsit tamanut atuuttut - allattuisussaataitanerup malinneqartannginnera*

*Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 9, 13. juni 1994-imeersumi § 6-imi allassimavoq:*

*Suliassani ingerlatsinermut oqartussaasunit aalajangiiffigineqartussani oqartussaq paasissutissanik suliassamut tunngassuteqarluinnartumik suliassap aalajangiiffigineqarnissaanut pingaaruteqartunik oqaasiinnakkut pissarsisoq, paasissutissanilluunniit taamaattunik allatut iliorluni paasisaqartoq paasissutissattaakku imaat pillugit allakkiussaaq. Allattuisussaataitaneq aamma suliame iliuuserineqartunut pingaarutilinnut tunngasuuvog.*

*Kingusinnerusukkut suliap qanoq pineqarnissaanik allattuisussaataitaneq qulakkeerinneqataasarpog (uppernarsaasarneq eqqarsaatigalugu) aamma oqartussat eqqortumik iliuuseqarsimanersut (nakkutilliisussaataitasut) eqaatsumik nakkutilliinissaat taamaalilluni periarfissinneqartarpog.*

*Sulianik kukkunersiuinermi paasinarsivoq suliassa qarfinni tamani allattugaatit aningaasaliissutinut, tunniussanut, malitseqartitsinernut innuttaasumullu allatigut attaveqarnermut tunngasumik assorsuaq amigaateqartartut. Taamaammat kaammattuutigaarput allattuisussaataitaneq isumaginnittoqarfiup sukutsitaani tamani erseqqissaatigineqassasoq.*

- *Meeqqat pillugit suliat*  
*Sulianik ataasiakkaanik kukkunersiuinitsinnut atasumik pissutsit tulliuuttut maluginiarpavut: Isumaginninnikkut atukkanik misissuinerme uppernarsaatit amigaataasut Iliuissatut pilersaarutit amigaataapput Meeqqanik oqaloqateqarneq pillugu uppernarsaatit amigaataasut Nakkutilliinissamik nalunaarutip timitalerneqannginnera*
- *Ilaqutariinnut inissiiviusartunut suliassa qarfik*  
*Angajoqqaarsianut isumaqatigiissutit paarsinerlu pillugu isumaqatigiissut meeqqanut ataasiakkaanut tunngasut taakkulu malitseqartinneqarneri pillugit uppernarsaatit amigaataapput. Tamatuma saniatigut paasivarput suliani amerlanerni angajoqqaarsiatut akuersissutit nutartikkat pigineqarneq ajortut. Nakkutilliinissamik nalunaarutip timitalerneqannginnera Paarsinersiutit amerlasuutigut kontulerneqartarput angajoqqaarsiat cpr.nr.-ui atorlugit naak eqqortuussappat meeqqap cpr. nr.-ua atorneqartussaagaluartoq.*
- *Siusinaartumik pensionisiat*  
*Siusinaartumik pensionisianut tunngatillugu kukkunersiuinitsinni pissutsit makku maluginiarpavut:*  
*Aningaasaliissuteqarnissamut tunngaviumi uppernarsaatit amigartarnerat / amigaataasarnerat*  
*Suliat kigaatsumik suliarineqartarnerat*  
*Sulisinnaassutsimik naliliinermut uppernarsaatit amigartarnerat / amigaataasarnerat*
- *Pisortanit ikiorsiissutit*  
*Pisortaniit ikiorsiissutinut tunngatillugu kukkunersiuinitsinni pissutsit makku maluginiarpavut: Aningaasatigut pisassat naatsorsornerisa uppernarsaateqannginneri*



*Iliuusissanik pilersarusiortoqartannginnera  
Malitseqartitsinnginneq*

- *Suliffeqanngikkallarnermi ikiorsiissutit  
Pisortaniit suliffeqanngikkallarnermi ikiorsiissutinik kukkunersiuinitsinni pissutsit makku  
maluginiarpavut:  
Iliuusissanik pilersaarutininik suliaqarnermi uppersaasatit amigartarnerat / amigaataasarnerat  
Sulineranut piginnaanngorsaaqqinnerup allartinnerani piginnaanngorsaaqqinnermut  
pilersarusiortarneq  
Akissarsianut tapiissutit kukkusumik naatsorsukkat*

2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

Paasiniaanitsinni ilisimatinneqarpugut killiffik uani 2022-miilli aamma 2023-miilli  
allanngorsimanngitsoq.

Nalunaarusiaq naapertorlugu aamma taama paasivarput, 2023-mi kukkunersuisut suliarisimasaat  
isumaginittuqarfimmi suliaasaqarfimmut unngasoq immikkoortorta 10-mi uani nalunaarusiami  
sukumiinerusumik allaaserineqarput.

Taamaammat kukkunersuiisumit oqaaseqaat tamanna suli ammasutut isigaarput.

#### **2.2.1.16. Akissarsialerinermi suliaassalerinerup pitsaassusia amigartuq**

*Ukiut siuliinneersunik uteqqiinneq*

*Suleriaatsit allaaserineqarneri  
Akissarsianut sulisoqarnermullu tunngasunik kukkunersiuinitsinni paasivarput suliaasaqarfiup  
isumagineqarnerani suleriaasissanik sulinermilu tunngavinnik allassimasunik tamatigut  
peqartanngitsoq.*

*Akissarsianut sulisoqarnermullu tunngasut eqqortumik assigiisumillu isumagineqarsinnaaqqullugit  
kaammattuutigissavarput sulinermi tunngavissanik suleriaasissanillu suliaasaqarfimmut tassunga  
tunngasunik suliaqartoqassasoq.*

*Sulisut inissineqarneri pillugit uppersaasatit*

*Ukioq manna kukkunersiuinitsinni kommunip sulisuisa akissarsisarneri misissuiffigaavut sulineq pillugu  
isumaqatigiissutinik sulisunullu piumasaqaatinik kommunip malinninnera qularnaarumallugu.  
Kukkunersiuineq isorinnilluni oqaaseqaateqarnissamut pissutissaqalersitsinngilaq, paasineqarporli  
sulisut qassii eqqarsaatigalugit uppersaasatit makku amigaataasut:*

- *Atorfinititaanermi isumaqatigiissut atsiugaq*
- *Tapit tunngavissaqassusiannut uppersaasat*
- *Ilinniarsimassusermut uppersaasatit*
- *Meeqqanik pinerliisimanninnermut uppersaasammik piniarnissaq*

*Nutaamik atorfinitsitsisoqartillugu uppersaasatinik pisariaqartinneqartunik kommunip siunissami  
pissarsisarnissaa kaammattuutigineqarpoq.*

2022-mut 2023-mullu naatsorsuutit kukkunersiorneqarnerat pillugit oqaaseqaammut malitseqartitsineq

Siornatigut akissarsiat allat assigalugit misissuereerluta paasivarput allattuisarsimanerit pitsaassusaat  
2022-miit 2023-miillu allanngungaarsimasimanngitsut.

Taamaammat kukkunersuiisumit oqaaseqaat tamanna suli ammasutut isigaarput.

#### **2.2.1.17. Suleriaatsit amigartut aamma isertitassat akilersinniarneqarneranni nakkutilliineq amigartuq**

Ukiut siuliinneersunik uteqqiinneq

*Isertitanik allanik kukkunersiuinitsinnut ilanngullugu ilaatigut meeqqerivimmut angajoqqaat akiliutissaannik akiliisitsiniartarnermi kiisalu eqqagassalerinermi akiligassanik akiliisitsiniartarnermi suleriaatsit misissorpavut.*

*Misissuataarinermi paasinarsivoq isertitat tamakku akilersinniarnersa eqqortumik pinissaat qularnaarniarlugu suliffiup iluani nakkutilliisarnepur ingerlanneqarneranut uppenarsaateqanngitsoq.*

*Kingusinnerusukkut suliaasaqarfiup tamatuma nakkutigineqarneranut aamma uppenarsaatiniq takusassaqaqqanngilaq, soorlu misissueqqissaarnernik allanillu.*

*Taama ittunik nakkutilliisoqartarsimasooq oqaatigineqaraluartooq uppenarsaateqanngilaq. Kaammattuutigissavarput nakkutilliisoqartarsimappat taakku uppenarsaasiortaqqullugit kingusinnerusukkut suliat suut, kimit qangalu ingerlanneqarsimanersut misissorneqarsinnaanngorlugu.*

2022-mut 2023-mullu naatsorsuutit kukkunersiorneqarnerat pillugit oqaaseqaammum malitseqartitsineq

Tamanna 2022-mi 2023-milu pitsanngoriarsimasutut isigineqanngilaq.

Taamaammatt kukkunersiuusumit oqaaseqaat tamanna sulii ammasutut isigaarput.

**2.2.1.18. Missingersuutiniq aningaasaliissutinillu nakkutilliineq**

Ukiut siuliinneersunik uteqqiinneq (2022)

*Missingersuusiarineqarsimasunut sanilliullugu 2022-mi 25,1 mio. koruunit ingerlatsinermut atornerusimapput.*

*Ataatsimiititaliat tulliuuttut missingersuutiniq sanilliullugu atuinerusimapput:*

- *Teknikkimut Avatangiisinullu Ataatsimiititaliaq 6,8 mio. koruuninik,*
- *Inerisaanermut ataatsimiititaliaq 4,5 mio. koruuninik,*
- *Isumaginninnermut ataatsimiititaliaq 16,6 mio. koruuninik atuinerupput.*

*Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq naapertorlugu kommunalbestyrelse aningaasaliissuteqarsimatinnagu aningaasartuuteqarfiusussanik isertitaqarfiusussanilluunniit qanoq iliuseqartoqassanngilaq.*

*Missingersuutiniq malitseqartitsinermik eqqornerusumik ingerlaavartumillu nalunaarusiortarnermik suleriaatsimik aallartitsisoqartariaqaraluarpoq, siumut sammisumik inatsisip malitsinneqarnissaanut qulakkeerinneqataasussamik.*

2023-mut naatsorsuutit kukkunersiorneqarnerat pillugit oqaaseqaammum malitseqartitsineq

Missingersuusiarineqarsimasunut sanilliullugu 2023-mi 65,8 mio. koruunit ingerlatsinermut atornerusimapput.

Ataatsimiititaliat tulliuuttut missingersuutiniq sanilliullugu atuinerusimapput:

- *Aningaasaqarnermut Inuusutissarsiornermullu Ataatsimiititaliaq 12,6 mio. kr.-inik,*
- *Teknikkimut Avatangiisinullu Ataatsimiititaliaq 16,2 mio. koruuninik,*
- *Isumaginninnermut ataatsimiititaliaq 40,6 mio. koruuninik.*

Taamaammatt kukkunersiuusumit oqaaseqaat tamanna sulii ammasutut isigaarput.

**2.2.1.19. Angerlarsimaffiup avataanut inissitanut akigititanut akiliutit**

Ukiut siuliinneersunik uteqqiinneq (2022)

2022-mut naatsorsuutinin kukkunersuinermik atatillugu paasivarput, Kommune Kujallip akiliisussaataaffigisaanut innuttaasunut inissinneqarsimasunut aningaasartuutinin akilerneqartunut tunngatillugu ajornartorsiuteqartoqarsimasoq.

Taamaamat kaammattuutigaarput suliassaqarfimmi aningaasaqarnerup aqunneqalernissaa aallunneqassasoq, angerlarsimaffiup avataanut inissiinermi naatsorsuutit takussutissalerlugit allattornerisigut qanimut malinnaavigilerneqassasoq, taakkununga akiliutit malitseqartitsiffigineqarlutik.

Paasivarput innuttaasut inissitat eqqarsaatigalugit eqqortumik akiliisoqartarnera pillugu suli paasissutissanik nutarterisoqarsimanngitsoq qanimullu malitseqartitsisoqartanngitsoq.

2022 naalersoq paaseqqipparput ukiumi naatsorsuuseriffiusumi eqqortumi piffissalersorneqarnikuunngitsunik naatsorsuuteqartoq amerlasuunillu nuutsitsisoqartarsimasoq, taakku aallaqqaammuk kukkusumik naatsorsuutinin allanneqartarsimammata.

Taamaalilluni suli uagut naliliinerivarput, immikkoortumi aningaasanik aqutsineq ima nukittorsarneqartariaqartoq, naatsorsuutinin allattuinerit ingerlaavartumik eqqortumik ukiumullu naatsorsuuseriffiusumut eqqortumi ingerlanneqartassasoq, taamaalilluni akiligassiisutit marloriaammik akilerneqartarnissaat pinngitsoortinneqarluni. Tamanna naatsorsuutinin ingerlaavartumik sunniutilimmik malitseqartitsinissamut tunngatillugu pingaaruteqarpoq.

2023-mut naatsorsuutit kukkunersiorneqarnerat pillugit oqaaseqaammuk malitseqartitsineq

2023-mut inaarutaasumik kukkunersiorneqarneranut atatillugu takusinnaavarput 2022-mut sanilliullugu kukkusumik piffissalersuisoqartarnera annikilinnerusoq, taamaakkaluartorli aqutsinermik immersugassaq atorlugu suli inissinneqarsimasunik uppersakkamik aqutsisoqanngilaq.

Taamaamat kukkunersuisumit oqaaseqaat tamanna suli ammasutut isigaarput.

#### **2.2.1.20. Kommunip akiliisitsiniartarfia**

Ukiut siuliinneersunik uteqqiinneq (2022)

Akiligassat qassiit akiliisitsiniartarfimmut qitiusumut kommunimit nassiunneqarsinnaanngillat. Tamanna namminersorlutik oqartussanut, suliffeqarfinnut kommunimit namminersorlutik oqartussanillu pigineqartunit piumasaqaataavoq kiisalu suliffeqarfinnit nunani allaneersunit piumasaqaataalluni.

Piumasaqaatinut taamaattunut kommunit namminneerlutik akiligassat akilerneqartariaqartut malitseqartitsivigisussaavaat, pisariillisakkamillu akiliisitsiniaanermik ingerlatsisoqassalluni.

Suliassaq taamaattoq kommunip akiligassalinnut immikkoortortaqaqfiannit sularineqassaaq, akiligassalinnut immikkoortortaqaqfik aqutigalugu akilerneqarsimanngitsunit tigusassat malinnaavigineqarsinnaassapput.

2022-mut naatsorsuutitsinnit kukkunersuineri paasivarput kommunip akiligassalinnut suliassaqarfia akiligassalinnut qanoq suleriuseqanissamut pitsaasumik iliuusissatut atulersitsisoqarsimanngitsoq. Aningaasat tigusassat annertuut ukiunik qassiinik pisoqaassusillit uninngapput, tassani akiligassalik paasiniaavigineqarsimanngilaq sooq akiligassaq akilerneqarsimannginnersoq.

Taamaamat kaammattuutigissavarput akiliisitsiniarnissamut suleriutsimik ilitersuusiortoqassasoq, tamatuma qulakkiissavaa akiligassamut malitseqartitsisoqartoq akileeqquisoqartorlu, kommunimmi nammineerluni akiliisitsiniaanissani akisussaaffigimmagu.

2023-mut naatsorsuutit kukkunersiorneqarnerat pillugit oqaaseqaammuk malitseqartitsineq

Paasiniaanitsinni ilisimatinneqarpugut killiffik uani 2023-miilli allanngorsimanngitsoq.

Taamaamat kukkunersuisumit oqaaseqaat tamanna suli ammasutut isigaarput.

### 2.2.2 2023-mut ukiumut naatsorsuutitut kukkuneriusiut oqaaseqaataat

Kukkuneriusiut aningaasaqarnikkut kukkuneriusiut pillugu nuutaanik oqaaseqaatissaqartitsingilaq.

### 2.2.3 Siusinnerusukkut kukkuneriusiut oqaaseqaatinik malinnaatitsilluni suliaqarneq

Inaarutaasumik kukkuneriusiut oqaaseqaataannik kiisalu kukkuneriusiut siusinnerusukkut nalunaarutaanni pissutsit taakkartorneqarsimasut allat malitseqartitsiffigisimavagut. Oqaaseqaatit pissutsillu taakku qulaani immikkoortumi uteqqinneqartut sulii atuupput.

## 3 KOMMUNIP ANINGAASATIGUT INISSISIMANERATA NALILIIVIGINEQARNERA

Nalinginnaasumik kommunip aningaasaqarnerata naliliivigineranut tunngatillugu nalunaarusiami immikkoortuqartarpoq.

Aamma 2023-mut kukkuneriusiut 2025-mi januaarip qaammataani aatsaat naammassineqarpoq aningaasaqarnermut atortorissaarutip nutaap 2021-mi atulernissaanut ikaarsaarnermi ajornartorsuteqarnermik pissuteqartumik, aningaasatigut naliliivigineranut tunngatillugu immikkoortumi eqqaaneqarumaarpoq, taamaammat tassani 2021-mut 2022-mullu kukkuneriusiut oqaaseqaatit naammassinerani naliliissaagut qanoq kommunip aningaasatigut inissisimanagera innersoq, tamannalu januaarimi 2025-mi pissaaq.

Ilisimavarput kommunimi aningaasaqarnermik aqutsissutit nutaap atulernerani missingersuutitut atatillugu missingersuutitut atuinerimullu tunngatillugu aqutsiniarnerput malinnaaniarnerpullu ajornartorsuutitigaarsimavagut.

2024-mi aningaasaqarnerup nalilersornissaanut kommunip naatsorsuutitut nalunaarusiutit tutsuiginarnerusumik ingerlatsinissaanut kommune qitiutitsivoq.

Piffissakkarnerimullu aammalu eqqortumik aningaasartuutitut nalunaarusiutit sulii ajornartorsuteqartoqarpoq, kiisalu missingersuutitut malitseqartitsivigineqarnerannut tunngatillugu sulii nalorninartumiittoqarpoq aammalu killiffimmik naligiisaarinerit amigaataallutik.

Ukuli ersarinnerulersimapput:

- Aningaasat tigoriaannaat ileqqaarneqarsimasut atorneqarsimapput
- Siorna inerniusut takutippaat missingersuummut sanilliullugu sippuisoqartoq
- Sippuineq ilaatigut akileraarnermut naalakkersuisoqarfimmut akiliingitsoortarnikkut, akissarsitsinermi akileraarutitigut unerartitigut, millionilikkaanik naleqartutitigut aningaasalersorneqarsimavoq.

Tamatama kingunerisaanik kommune aningaasatigut tigoriaanagassanik sulii 100 mio kr. -inik taarsigassarsinissamut namminersorlutik oqartussanit akuersissummik pisariaqarsimavoq.

Namminersorlutik Oqartussat taama akuersinissamut atugassamik aningaasaqarneq pillugu nassuiaammik noqqaassuteqarpoq, tassuunilu uppernarsarneqassalluni kommunip aningaasaqarnini nammaneqarsinnaanngorlugu aqqissuussimagaa kiisalu taarsigassarsiat / aningaasat tigoriaanagassat ukiuni tallimani taarsersornissaannut tunngavissaqartoq.

Pissutsit tamakku nassataannik 2024-mi oktobarimi kommunalbestyrelsi ileqqaarnissamut pilersaarusiutit akuersissuteqarpoq allaffeqarfimmiit erngeluni piviusunngortinneqartussamik.

Sanaartukkanut ingerlanneqartussanut taavalu kommunip akiitsuinik erniaanillu akilersuinissamut naammattumik matussusiinnaasunik sinneqartooruteqarfiusunik kommunip missingersuusiornissaa pisariaqarpoq.

Massakkuugallartoq tamatuma nassatarisaanik 2024-mi atuinermi pissutsit aallaavigalugit ileqqaaruterpassuaqarnissaq pisariaqarpoq.

Missingersuutit piviusorsiorlut taama ittut suliarineqarpata missingersuusiarineqartut sipporneqangissaat qularnaarniarlugu aningaasaqarneq sukangasorujussuarmik malinnaavigineqartariaqartoq.

Kaammattuutigineqarpoq politikikkut anguniagassiortoqassasoq kommunip aningaasaqarnermut politikkiatigut, tassuunalu makku isummerfigineqassallutik:

- Ukiumut ingerlatsinermi sinneqartoorutit qanoq amerlatigisassanersut
- Ukiumut qassinik sanaartornermut aningaasaliisoqartassanersaq
- Karsimiittutit amerlassusii

### 3.1 NAMMINEQ ANINGAASAATIT MINUSIT

Nammineq aningaasaatit 2023-ip aallartinnerani -6,1 mio. kr.-iusimagaluarlutik 2023-ip naanerani -46,2 mio. kr.-inngorput.

Allannguummut 40,1 mio. kr.-iusumut pissutaasoq annerpaaq tassaavoq 2023-mi angusat minut 37 mio. kr.-iummata, kiisalu 2022-miit naatsorsuusiortarnermut nalunaarut naapertorlugu akiligassallit annaasaqaataasinnaanerannut illuartsisoqartalersussaammata, taakkulu 2023 aamma 2023-mi nammineq aningaasaatit toqqaannartumik ilanngaatigineqarmata. Tassani nammineq aningaasaatit 2,1 mio. kr.-inik 2023-mi sunnerneqarput.

Sinneruttut 1 mio. kr.-iusut annermik tassaapput innuttaasunit 850 t. kr.-inik pisassarineqaraluartut nalikillilerneqarnerat, akilersinniarnissaasa ajornarnerat pissutigalugu.

Nammineq aningaasaatit minusiunerat ima paasisariaqarpoq 2023-p naanerani pisussaaffiit aningaasaatigisanit amerlanerusimasut, imaangilarli naatsorsuutit eqqunngitsusut.

Taamaammata ukiuni aggersuni kommunip aningaasaqarnermik aqutsilluarnerulernissaa ukiumullu sinneqartooruteqartalernissaa pingaarteqarpoq nammineq aningaasaatit tigorianaataillu amerliartoqqilerniassammata, taamalu kommunip pisussaaffini, tassa akiitsut aammalu akissarsiat akilertakkani isumaginninnermi ikiorsiissutini akilersinnaasarniassammagit.

12. februar 2025 2024-mut atuinermit kisitsisaagallartut inaarneqarput. Taakku 31 mio. kr.-inik amigartooruteqarfiupput 14,4 mio. kr.-inik sinneqartooruteqarfiusussatut missingersuusiorneqarsimagaluarlutik. Taamaalluni missingersuutaasimasunut sanilliullugu 45,4 t. koruuninik atuinerusoqarpoq. Missingiummi ingerlatsinermi 58,5 mio. koruuninik atuinerusoqarpoq sanaartornermilu 13,1 mio. koruuninik atuinikinnerusoqarluni.

Naatsorsuutitut missingiummi nammineerluni aningaasaatini amigartoorutit 2024-p naajartornerani 46,2 mio. koruuniniit 76,5 mio. koruuninut qaffapput.


### 3.2 ANINGAASAT TIGORIAANNAAT

Kommunip aningaasanik tigorianaanaataanut tunngatillugu naatsorsuutit nalunaarsorneqartarneri ataavartumik tatigissallugit ajornarsimavoq kukkusumik nalunaarsuinerit amerlasimaqimmata, aningaasanut tigorianaannut kontut kiisalu aningaaserivimmiittut 2023-mi imminnut sanilliunneqarsinnaalersimapput, aningaasartamikkullu annerusumik nikingassuseqarsimanatik. Taamaasilluni aatsaat 2023-mi 2024-llu ingerlarngani kontut naligiissaarneqarput bankimi aningaasartamikkut naligiissaarneqalerlutik.

Siuliani allassimasut malillugit ingerlatsinermut aningaasartuutit isertitanut sanilliullugit annertusiartuinnarsimapput, taamaammat ingerlatsinermini amigartorneq pilersimavoq sanaartornermi atuinikinnermit matususerneqarsinnaanngitsoq.

Tamanna pissutigalugu kommunip aningaasanik tigorianaannarnik pigisai ukiut ingerlanerini anikilliartuinnavissimapput.

Piffimmi 2015-imiit 2023-mut ukiumut naatsorsuutini kisitsisit takugaanni 2024-mullu missingiut, kiisalu 2025-mi februaarip 12-ianni aningaasat tigorianaanaat naatsorsuutitigut nalunaarsukkat ineriartorneq sulii taama isikkoqarpoq.



### 3.3 ILEQQAARNISSAMUT PILERSAARUT

Kommunip akileraarutit A-t unerartit tunniunneqanngitsut kiisalu kommunit akornanni akiligassat akilersinnaajumallugit 100 mio koruuninik taarsigassarsinissaminik namminersorlutik oqartussanit akuerineqarpoq.

Akuersissut taanna taanna tunngavigalugu aningaaserivinnit marlunnit taarsigassarsineq pillugu neqeroorutitsisoqarpoq, iluarnerpaarlutik toqqarneqarpoq.

Taarsigassarsisoqarpoq kommunimut 13/2-2025 tunniunneqartunik 75 mio. kr.-inik amerlassusilinnik, taavalu kontumi pingaarnermi sulii 25 mio. kr.-inik pisariaqartitsinermini tigusaqartoqarsinnaavoq.

Taarsigassarsinissamut kommunip namminersorlutik oqartussaniit akuerineqarnerani piumasaqaatigineqarpoq kommunip aningaasaqarnerminik iluarsiiniarluni ileqqaarnissamut pilersaarusianni malissagaa.

Ileqqaarnissamut pilersaarusianni kommunalbestyrelsip 28/10-2024-mi akuerisaani takuneqarsinnaavoq 2024-mi akissarsiatigut 40 mio. kr.-it kiisalu suliaasaqarfanni allani 20 mio. kr.-it ileqqaarutigineqassasut.

Kommunalbestyrelsisaaq aalajangerpoq ileqqaarniarnerit pilaarnerpaamik aallartinneqassasut.

2025-mi februaarip naanerani kommunip ileqqaarniarnermini sumut killinnera pilliugu nassuiaammik noqqaavugut.

Kommunip akissutaa tiguneqarpoq, tassani allassimavoq:

- 2025-mi sulisunik soraarsitsisoqarpoq januar 2025imi akissarsianut aningaasartuutitut sanilliullugu 25,4 mio. kr. -inik ileqqaarutaasussatut naatsorsuutigineqartunik.

*Tassalu kommunalbestyrelsip aalajangigaa suli inungaatsiarpaat.*

- Suliassaqaqarfinni allanik 20. mio. kr. -it ileqqaarutigineqarnissaat eqqarsaatigalugu Aningaasaqarnermut Inuussutissarsiornermullu Ataatsimiititaliaq aalajangerpoq pisiniartarnermik atorfinitsitsiunnaarnermillu aalajangerneq nangingneqassasoq, taamalu sullissinernut inatsisitigut aalajangigaannanut pisiniartoqartalissalluni.

*Taakku piviusunnngortinneqassappata kiisalu sunniutissai eqqarsaatigalugit missingersuutininik malitseqartitsinermi suleriasissamik malitseqartinneqassapput, tamatumani lu qaammat allortarlugu nalunaarusiortoqartassalluni. Ingerlatsivinni pisortat nassuiaataat nikingassutinullu oqaaseqaataat eqqarsaatigalugit naqqissuutaasunik iliuuseqartoqassaaq. Tamatumunnga tunngasumik kommunimit suli tigusaqanngilagut.*

Taarsigassarsinissamik akuersinermut atatillugu Namminersorlutik Oqartussat aamma allanik piumasqaateqarput:

#### Taarsigassarsianik taarsersuineq

Taarsigassarsiat 1/1-2026-miit aallartittumik akilersorneqalissapput.

#### Annertusisamik nakkutilliineq

Akilersuinerup ingerlanerani tamarmi kommune Aningaasaqarnermut Akileraartarnermullu Naalakkersuisoqarfimmiit annertusisamik nakkutigineqassaaq, ilaatigullu missingersuutitut malitseqartitsissutinik nassiussisoqartassalluni, tak. matuma kingulianiittut.

#### Aningaasanik tigoriaanaateqarneq

Kommune ingerlatsineranut missingersuutimi tamarmiusut 10 pct. -iisut amerlatigisunik tigoriaannarnik sillimmaeqalernissani sulissutigissavaa, tassa 2024-mi ingerlatsineranut aningaasartuutit 652 mio. kr. -iusut aallaavigigaanni 65,2 mio. kr. -iusut.

#### Kvartalikkaartumik missingersuutininik malitseqartitsineq

Kvartalikkaartumik missingersuutininik malitseqartitsisoqartassaaq, taakkulu kingusinnerpaamik kvartalip naaneraniit ullut 15 qaangiunneranni namminersorlutik oqartussanut nassiunneqartassapput. Tassa imaappoq missingersuutitut malitseqartitsineq siullesq 15. april 2025 nassiunneqassaaq.

#### Ilassutitut aningaasaliissutit

Aningaasaliissutinik aqutsineranut malittarisassanik kommune malinnissaaq, taamalu missingersuutit ingerlaavartumik malitseqartinneqartarneranni missingersuutit allannngortinneqartariaqassappata ilassutitut aningaasaliissutinik pisariaqartinneqartunik tunniussisoqartassalluni.

#### Kommunip isertitaanik amerlisaanissamut isummerneq

Kommunip isertitai amerlisarniarlugit iliuuseqarnissaaq kommunimit isummerfigineqartariaqarpoq. Tamanna tassaasinnaavoq kommunip isertitanit akileraarusiisarnarata qaffanneqarnera. Kommunip uppersarpaa 2026-mut missingersuutit oqaluuserineqarneranni tamanna oqaluuserisassanut ilanngutissagitsik.

### **3.4 INERNILIINEQ**

Siulianit takuneqarsinnaasutut kommune ingerlatsinermini atuisarpoq isertitanit tamarmiusunit amerlanerusunik, tassa sullissinermut/atuinermut akiliutinik, akileraarutinit ataatsimoortumillu tapiissutinit tigusartakkaminit.

Maannamulli piffissap ingerlanerani kommunip aningaasaqarnera ajorsiaruinnarsimavoq aningaasartuutit ikilisaruarlugit pisariaqartunik iliuuseqartoqarsimangimmat.

Taamaammat kommunimit namminersorlutik oqartussat 2024-ip naanerani attavigineqarput taarsigassarsinermut akuereqarnissaaq siunertaralugu taamalu kommunip akiitsoriligai akilerneqarsinnaalernissaat siunertaralugu.

Taama taarsigassarsinissaq Namminersorlutik Oqartussanit akuerineqarpoq kommunip naammassisassaanik qassiiik piumasaqaatitalerlugu, tak. siulianiittut. Taamaamat piumasaqaatinik taakkuninnga kommunip malinninnissaa eqqortitsinissaalu pingaaruteqaqaaq.

Ileqqaarniutissat kommunip oktober 2024-mi akuerisai aamalu piaarnerpaamik piviusunngortinniarneqartussat eqqarsaatigalugit allaffeqarfimmiit nassuiaat tigusarput naapertorlugu paasivarput ileqqaarutissatut aalajangikkat kommunip sulii angusimannikkai.

#### 4 KUKKUNERSIUINERMI PERIUSEQ PERIUSISSIARLU

Naatsorsuutini kukkunersiuinermik anguniagaasoq tassaavoq ukiumi nalunaarusiami kukkuneqarsinnaanerannut malunnaatilimmik navianaateqartumik immikkoortortanik ukkataqartumik, kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaanni malittarisassat malillugit naatsorsuutit suliarineqarsimanersut pillugit BDO inerniliussaqaarsinnaatinneqalissasoq.

Kukkunersiuineq taamaallaat ukiumi nalunaarusiami kukkunernik annertuunik malitseqarsinnaasunik imaluunniit kommunip ingerlatsineranik, aqutsinermi inatsimmi aalajangersakkanik kiisalu kukkunersiuisarnissamat isumaqatigiissummik isornartorsiuinissamat navianaataasinnaasunik malitseqarsinnaasunik suleriaatsinik imaqarpoq. Tamatuma saniatigut kommuni arlalinnik suleriaaseqarpoq, kommunip ingerlatsineranut ukiumulli nalunaarusiamut paasissutissanik katersinermi annertunerusumik sunniuteqanngilaq.

Kukkunersiuinermi ilaatigut ukiumut nalunaarusiat eqqortuunersut misissorneqassapput, aamma pissutsit naatsorsuutini saqqummiussinermi pineqartut aningaasaliissutitut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunersut misissorneqassallutik.

Nalilersorneqassaartaq kommunalbestyrelseni ataatsimiititaliallu aalajangigaannik aamma kommunip ingerlatsiviisa sinnerinit suliarinninneq aningaasaqarnikkut tulluarnerpaamik ingerlanneqarsimanersoq.

Kukkunersiuineq ilanngussanik nuusanillu tamanik misissuilluni ingerlanneqarneq ajorpoq, misiligutinilli tigusarluni uppernarsaatinik misissuinnikkut imaluunniit allatut iliorluni naatsorsuuserineq uppernarsarneqartarluni ukiumullu naatsorsuutit eqqortumik suliaasimanersut paasiniarlugit ingerlanneqartarluni. Tassunga atatillugu illup iluani nakkutilliissutit ukiumut naatsorsuutini kukkunersiuinermut atatillugu pisariaqarsorigaangatsigu misissuiffigisarpagut.

Kommunip ingerlatsinera suleriaatsinik systeminit taperserneqartuni aallaaveqarneruvoq. Taamaattumik immikkoortuni pingaaruteqarnerusuni periarfissaatillugu nakkutilliinerulluni kukkunersiuinermi periuseq piareersarnikuuarpot, paarlattuanik killilimmik imaqartumik aallaavilimmik iliutsit suliarineqartarlutik.

Kukkunersiuineq niuernikkut sammisatigullu immikkoortunik pingaaruteqarnerusunik kiisalu suleriaasiusunik aammalu illup iluani nakkutilliisunik misissuineramik imaqarpoq.

Naatsorsuutit ilaanni sinnerinit immikkooortunilu ukiumut nalunaarusiami kukkuneqarsinnaanerannut navianaat nalinginnaasutut nalilernerqarpoq taamaattumillu kukkunersiuinerup annertussusaa annikinnerunikuuvoq.

##### 4.1 PINGAARUTEQASSUSAATA QAFFASISSUSAA

Kukkunersiuinissamik pilersaarummik suliaqarnermi kukkusumik paasissutissiinnaanissamat pingaarutilimmik aningaasatigut paasisaqarnissamat pingaaruteqassusaanut qaffasissutsimik akuersarneqarsinnaasumik BDO aalajangersaasarpoq. Aningaasat annertussusaa aamma kukkusumik paasissutissiissutit suussusaa nalilersorneqartarpoq.

Pingaaruteqassusaanut qaffasissuseq naatsorsuutitut tamanik isiginnittumik aalajangersarneqartarpoq pingaaruteqassusaanullu qaffasissuseq pilersaarusiornerup ingerlanerani kukkunersiuinerullu naammassineqarnerani atorneqartarluni.



Pilersaarusiornerup ingerlanneqarnerani pingaaruteqassusaanut qaffasissuseq immikkoortuni ataasiakkaani kukkunersiuinermik suliniummik naliliinissatsinnut pingaaruteqartarpoq. Immikkoortut aningaasat eqqarsaatigalugit aningaasatigut pingaaruteqartoq qaangeqqatillugu kukkunersiuusunut tunniunneqassaaq.

Kukkunersiuinerup naanerani pingaaruteqassutsip kisitsisitaq piunasaqaatitaqanngitsumik uppersaasinnaanissatsinnut pingaaruteqarpoq. Naatsorsuutini akiligassamut ataasiinnarmut kukkuneq pingaarutilik ilannguttoorpat, naatsorsuutini akiligassaqaarfimmumt tassungarpiamut piunasaqaateqartoqassanersoq kisimi apeqqutaalertarpoq.

Naatsorsuutit eqqortuunerinut piunasaqaatitaqanngitsumik kukkuneq qanoq angitigisoq akuersaasinnaanissaanut pingaaruteqassutsimut qaffasissuseq aalajangiisuusarpoq.

Kommune Kujalliap annertussusaa aallaavigalugu pingaaruteqassutsip qaffasissusaa 14 mio. kr. -inut inissinnikuuqarput.

Aammattaaq ukiumut naatsorsuutini iluarsineqanngitsunik pissutsit paasisat pillugit kommunalbestyrelse tullinnguuttutigit paasisutissittussaavarput:

Kukkunerit annertussutsip qaffasissusigisaanik 14 mio. kr. -inik tassalu 700 t koruunini atorqartunit naatsorsuutit naatsorneqarnerini 5 %-imik annertunerusumik sunniuteqartut, angusamut -37,0 mio. kr. -itut isigineqassapput.

Oqimaaqatigiissitsinermut aamma/imaluunniit nammineq aningaasaatigisani annertussutsip qaffasissusaa 14 mio. kr. -ini tassalu 2,8 mio. kr. -inini atorqartuni 20 %-it annertunerusut taamaallaat kukkunerit sunniuteqartut, 116,7 mio. kr. -ini pigisatut inernerattut isigineqassaaq.

Kukkunersiuinerup aqqissuunneqarneranut ingerlanneqarneranullu atatillugu, taamatullu pisortasut kukkunersiuusullu suliaasaat akisussaaffiilu eqqarsaatigalugit, kukkunersiuisarneq pillugu isumaqatigiissut pillugu nalunaaruterput innersuussutigineqassaaq (nalunaarut nr. 1).

#### 4.2 PISSUTSIT AAQQINNEQARSIMANNGITSUT

Nunat tamat akornanni kukkunersiuinermi periutsit naapertorlugit, ukiumut naatsorsuutini pissutsit iluarsivigineqarsimannngitsut paasisutissiissutigisussaavagut.

2023-mut naatsorsuutit suliarineqarnerinut atatillugu, naatsorsuutini iluarsissutigineqarsimannngitsunik pissutsit ilisimalikkagut, ataasiakkaat ataatsimullu isigalugit ukiumut naatsorsuutininut sunniuteqartussaannngitsutut aqutsisut isigimmatigit, ukiumut naatsorsuutininut iluarsissutigineqarnikuunngillat.

1. Sillimasiineq 2023-mut tunngatillugu aningaasartuutit nalunaagaq 2022-milu akiligaq

1 234 829,37 koruuninooq  
Naatsorsuutininut ikkutaq taanna tunngavigalugu paasineqarpoq 2023-mi angusani aningaasartuutit eqqarsaatigalugit 1.243.829,37 kr. -inik ikinaakkanik sunnerneqarsimasut.

#### 4.3 AQUTSISUT PEQATIGALUGIT PEQQUERLUNNERMUT EQQARTUINEQ

Kukkunersiuinermi peqquuserluuteqarfiusinnaasut pillugit pisortasut aperisimavagut. Aqutsisut uagutsinnut ilisimatitsissutigaat, aqutsisut naliliinerat malillugu kommuni nakkutilleeriaatsimik tutsuiginartumik peqartoq, taassuma ukiumoortumik nalunaarusiap kukkusunik paasisutissanik annertuunik imaqarsinnaanerata aarlerinaataanik nakkutilliisinnaasumik, matumani peqquuserluuteqarnerit malitsigisaanik kukkusumik paasisutissiisinaanerit ilanngullugit.

Aqutsisut aammattaaq ilisimatitsissutigaat peqquuserlussimanermik imaluunniit pingaarutilitsigut peqquuserluttoqarsimaneramik pasitsaassinermik pissuteqartumik misissuinernik ilisimasaqaratik.

#### 4.4 NAKKUTILLIISUNIK QAANGIINAANEQ

Aqutsisut nakkutilliinissamut periarfissaasumik qaangiisinaanerisa kingunerisaanik ukiumoortumik naatsorsuutitut tunngatillugu annertuumik kukkusoqarsinnaanerata ilimanartoqarsinnaaffii qulaajaaffiginissaat siunertaralugu, kukkunerisuiilluta ukuninnga suliaqarpugut:

- Kommuniq nalinginnaasumik ingerlatinneqarnerata avataatigit nalinginnaanngitsumik nalunaarsornerit ilisarinissaannut siunertaralugu ukiup ingerlanerani aningaasanik naatsorsuuserinermi nalunaarsukkanik misissueqqissaarneq suliarineqartoq
- Naatsorsuutitut inaarutaasunut uppersaatinoortunut atatillugu nalunaarsukkat annertuut iluarsissutillu allat taamungaannaq tigooqaalluni misissukkat

Piffissami aalajangersimasumi kukkunerit, nalunaarsornerit nalinginnaanngitsut imaluunniit kukkunerisuiinitsinnut atatillugu kommunip nalinginnaasumik ingerlanerata avataatigit nalunaarsornerit nassaarinngilagut.

Naak kukkunernik nassaanngikkaluartugut, aammalu aqutsisut nakkutilliisunik qaangiinaasarsimasutut isigineqanngikkaluartut taamaattoq paasivarput Prismemut ikaarsaernerup kingorna suliaasaqarfinni nakkutilliisarneq atornerqalersimasooq ukiumoortumik naatsorsuutitut annertuumik kukkunerqalersinnaanerannik qulaajaavisoq, soorlu peqquserlunnernik pissuteqartumik kukkunerit eqqarsaatigalugit.

Inatsisit naapertorlugit aningaasaqarnermut ataatsimiititaliaq kommunimi aningaasaqarnermik aqutsinerup aqqissorneqarnerani toqqammavissanik aqqissuisussaavoq, soorlu suliffiup iluani nakkutilliisoqarnermik, pisortat aningaasaataannik atornerluisoqarnissaanik pinngitsoortitsisussanik imaluunniit paasinnittussanik, kiisalu aningaasaqarnermik aqutsinermi paasissutissani tunngavigineqartuni annertuumik kukkunerqarneranik qulaajaasussanik. Aningaasaqarnermut ataatsimiititaliaq kommunimi suliaasaqarfinni tamaginni aningaasaqarnikkut aqutsinermut aamma paasissutissanik allaffissornikkut aqutsinermut maleruagassat aamma malittarisassat malinneqarnerannut nakkutilliissaaq.

#### 4.5 UKIUP INGERLANERANI KUKKUNERSIUNEQ INGERLANNEQARTOQ

Ukiup ingerlanerani kukkunerisuiineq ilaatigit kommunip ingerlatsiviani tikeraarnermi ingerlanneqarpoq. Ataavartumik kukkunerisuiinerit ilaatigit siunertarisarpaat, kukkunerisuiineq ingerlasooq attuumassuteqartorlu aningaasartuutininik aarlerinaataasinnaasunillu eqqarsaatiginnittumik pitsanngorsaatitaatut ataavartumik siunnersuuteqarnissamik periarfissinissaq, ilaatigullu toqqissisimanartumik kinguneqarluartumillu tunngaveqartumik kommunimi naatsorsuutitigit saqqummiussaqaarnissaq qulakkeerniarlugu.

Ukiuumut naatsorsuutini kukkunissamut annertuumik navianaatinik sumi takkuttoqarsinnaanera paasineqarnissaa siunertaralugu kommunip suleriaasiinik misissuillutalu nalilersuisarpugut. Navianaatit paasisagut sumiiffissisarpagut taamaalilluni kukkunerisuiinerimut tunngasunik eqqarsaatini aammalu naatsorsuutaasinnaasuni kinguniusinnaasuni kommuni takunnissinnaalissammat.

Ataavartumik kukkunerisuiinertigit kommunip illup iluani nakkutilliinera aamma ingerlatsiveqarfinni ataatsimiititaliat pingaarnertut suleriaasii misissuiffigisarpagut. Kukkunerisuiinitsinnilu pisortaasunut tunngasut nakkutilliinerillu aallaavigissalugit pingaartittarsimavarput, taamaalillunilu immikkoortortani kommunip anguniagai iliuusissaalu pingaartittarlutigit, taamatullu iliuusissatut suliat atorsinnaanersut isiginiartarlugit, aammalu pisortaasut nakkutilliinerisigit iliuusissat anguniakkallu isiginiagaanersut.

#### 4.6 KUKKUNERSIUNEQ NAAMMASSISAQ

Kukkunerisuiinerimik naammassisap siunertarivaa, ukiup ingerlanerani kukkunerisuiinerimik naammassisamik tunngaveqartumik inerniliussaasut il.il. sulii atuuttuunissaasa uppersarnerqarnissaat.

Kukkunerisuiinerup naammassisap aammattaq siunertarivaa, kommunip naatsorsuutit saqqummiussai malunnaatilinnik kukkunerqannginnissaasa qulakkeerneqarnissaat. Tassa imaappooq, ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat naapertorlugu suliaasut.

## 5 NAATSORSUUTIT NALUNAARSORNERI SULIAQARFIMMILU NAKKUTILLIISUT

### 5.1 KARSEQARNERMUT NAATSORSUUSERINERMULLU MALITTARISASSAT

Kommunip karseqarnermut naatsorsuuserinermullu malittarisassai misissornikuuagut tassuunakkullu nalilerlugu, malitarisassat kommunip aningaasaqarneranut, karseqarnermut naatsorsuuserinermullu malitassanut il.il. piviusumik suliarineqatarneranut sulii sinaakkutissamut malittarisassanillu nassuiaasuunersaq.

#### Inerniliineq

Paasinninnermut naapertorlugu malittarisassat kommunip karseqarnermut naatsorsuuserinermullu malittarisassanut tassunga ilanngullugu illup iluani nakkutilliinerup aqutsisullu nakkutilliinerisa qaffasissusaannut sinaakkummik malittarisassanillu takutitsipput.

Malittarisassat ilanngussallu aningaasaqarnikkut aqutsissummut nutaamut ikaarsaareernerup kingorna suleriaatsini qanoq tamakkiisumik ingerlanerannik naapertuuttoqanngitsoq paasivarput. Taamaammat kommune isumaqatigiissuteqarfigaarput iluarsiiisutini ikiuissasooq. Aningaasaqarnermut immikkoortortaq suleqatigalugu ileqqoreqqusat, ilanngussat suleriaatsillu misissorneqarlutillu nalunaarsorneqalerput. Suleqatigiinneq oqaloqatigiinnerlu pineqarmata pingaaruteqarpoq aqutsisut kommunilu malitsigisaanik piginneqataaernerik malittarisassanillu nutartikkanik atuutsitsilerneq qulakkeernissaannut peqataassammata. Tassunga ilanngullugu piviusunngortitsinissami malitseqartitsinermut periusissaq.

Immikkoortuni tulliuuttuni nakkutilliinerit pingaarutillit suleriaatsillu piviusumik qanoq ingerlasinnaaneri misilerarnikuuagut.

### 5.2 ILANNGUSSANIK SULIAQARNEQ, ATUUFFINNIK AVISSAARTITSINEQ SULIFFIULLU ILUANI NAKKUTILLIINEQ

Pisiniartarnerup aqunnissaa pillugu kommunimi nakkutilliinerimi malitassat suleriaatsillu immikkut isigniarniarlugit aalajangerpugut, soorlu Karseqarnermut naatsorsuuteqarnermullu ileqqoreqqusani malittarisassat akuerisaasut naapertorlugit kommunip uppersaatinik suliaqartarnerani eqqortinneqarnerut.

Malittarisassat kommunimi qarasaasiaq atorlugu ilanngussanik suliaqartarnermut tunngaviumik malittarisassat tullinnguuttunik imaqarput:

- Ilanngussat tamarmik innuit marlunnit akuerineqartartussaapput. Tassa ataaseq uppersaasiisooq ataaserlu tunniussassanngortitsisooq.

Ilanngussanik suliaqartarnerup suliffiullu iluani nakkutilliinerit malittarisassanik taakkunanga malitsitsinersut aammalu tulluurtumik toqqissisimanartumillu aqqissuussaasimanersut misissornikuuagut.

Prismemut ikaarsaarenerup kingorna siuliani taaneqartutut malitarisassat tulluarsarneqassapput ingerlatsinermillu aallartittoqareerluni.

Prisme ima aqqissugaavoq utertitsilluni akiligassiisutit naatsorsuutitut ikkunneqannginnerini aningaasanillu tunniussisoqartinnagu innuit marlunnit akuersissutigineqassallutik. Tamatuma saniatigut atortorissaarut ima sanarfisaavoq sulisut ataasiakkaat ilanngussanik nalunaarsuinissamut pisinnaatinneqartuni killilersugaasimassasut, taamaalilluni pineqartup immikkoortumi atorfeqarfimmini/nalunaarsuinissamut pisinnaatitaaffimmini taamaallaat ilanngussanik nalunaarsuinnaassalluni.

Aningaasaqarnermut immikkoortortami naatsorsuuserivimmilu qitiusumik suleqataasut annertusisamik iserinnaatitaapput taamaalillutik suliffeqarfik tamakkerlugu aningaasartuutini ilanngussanillu nalunaarsuinnaallutik.

Prismemut ikaarsaernerup kingorna sulisut amerlavallaanik naatsorsuutitut ilanngussisarsimanerat ajornartorsiutaavoq. Suussutsinut kontuni - killiffimmi tamakku pisarput, ingerlasinermi aammalu siunertat suussusii kukkneqartarlutik.

Taamaammat kontulersuinerup aqqissugaanera pillugu naatsorsuutitut ilanngussuisartussat ilinniartinneqarnissaat piginnaasaqalernissaallu pingaaruteqarpoq taamaalilluni naatsorsuutitut ilanngussuineq piffissanut eqqortunut kiisalu suussutsinut kontunut kiisalu siunertanut eqqortunut pisalerniassamat.

Tamatuma saniatigut pingaaruteqarpoq aningaasartuummik akuersisussap aningaasartuutit tunniunneqarnissaa kisiat akuerisassammagu uppersarsinnaaguniuk sullissineq isumaqatigiissut malillugu pitsaassuseqarluni akeqarlunilu tunniunneqarsimasoq.

Prisme-mi killiliinernik peqarpoq taamaalillutik sulisut nammineq cpr. normuminnut nuussinernik nalunaarsuillutillu naqiterisinnaasassanngillat.

### **Inerniliineq**

Prismemut ikaarsaernerup kingorna pisiniartarneq aammalu naatsorsuutitut ilanngussisarneq pillugu kommunip suleriaasii nutarterneqarsimanngillat. Atortorissaarutit immini qulakkertarpa akiligassatut tigusat kiisalu akiliineq pitinnagu aningaasartuutissat inunnit marlunnit akuerineqarnissaat. Ajornartorsiutaavorli siulliulluni akuersisussap akuersineq sioqqullugu qularnaaqqagassanik tamatigut qularnaarisanninnera kiisalu tulliulluni akuersisussap akiligassap aningaasartuutissalluunniit akilerneqannginnerani ilumut missingersuuteqarnera tamatigut qularnaaqqartanngimmagu.

Tamanna pillugu oqaaseqaateqartoqarsimavoq, tak. Nakkutilliisoqartannginneranut tunngasumi immikkoortoq 2.2.1.2.

Akiligassaqaarfinnik pilersitsisoqarsinnaalluni allannguisoqarsinnaalluniluunniit imaluunniit GLN akiligassiisutit tiguikuusanik aningaasani isaasuni allanngortitsisoqarsinnaalluni suleqataasut ataasiakkaat Prismemi annertusisamik pisinnaatitaaffeqartut allapparput.

Paasinninnerput naapertorlugu pisinnaatitaaffiit taakku sapinngisamik killilersimaarneqartariaqaraluartut aammalu allannguinernik ingerlanneqartunik uppersarsakkamik nakkutilliinermik pilersitsisoqartariaqarpoq.

## **5.3 ANINGAASANIK UNINNGASUUTIGISANIK MISISSUINEQ OQIMAAQATIGIISITSILLUNILU AKILIKKANIK TOQQAKKANIK MISISSUINEQ**

Ilisimavarput 2023-mi kommunip aningaaserivimmi kontut ingerlaavartumik oqimaaqatigiisittarsimanngikkai taamalu kukknersuineq pillugu isumaqatigiissut naapertorlugu aningaasat uninngasuutit misissorneqartarsimanatik.

Ilisimavarput suliaq tanana suleriaasissallu 2024-mi aallartinneqarsimasut, tassa aningaaserivimmi kontut oqimaaqatigiisinneqartalerlutik.

Karsimi uninngasuutit pilersitat toqqissisimanartumik ingerlanersut aammalu karseqarnermut naatsorsuserinermullu malittarisassani allaaserineqartutut malittarisassat malinneqarnermut misissuiffiginikuuarpup.

Aammattaaq suleriaasit oqimaaqatigiisitsinermilu atuiffinnik oqimaaqatigiisitsisarnermut nakkutilliinernik nalinginnaasunik nalilersuillutalu misileraanikuuvugut.

### **Inerniliineq**

Uninngasuutit ingerlaavartumik nakkutilliisarnissaq ajornarsimavoq aningaaserivimmi kontuni ingerlaavartumik oqimaaqatigiisitsisarneq aatsaat 2024-mi aallartinneqarsimamat. 2023-ip naanerani aningaaserivimmi kontut oqimaaqatigiisinnerannik tigusaqarpugut, taakkulu pisussaaffinnut naapertuupput.

## 6 AKISSARSIAT SULISOQARNERMULLU TUNNGASUT

### 6.1 SULERIAATSIT SULIANILLU KUKKUNERSIUINEQ

2022-mi januaarip aallaqqaataannit decembari 31-at 2022 ilanngullugu akissarsiat misissugassatut tigusiffigisarlugit kukkuneriorsorpavut. Akissarsianik kukkunerisiuineri siunertarineqarpoq akissarsiasanik nalunaaruteqartarnermi tunniussisarnermilu suleriaatsit toqqissisimanartumik ingerlanneqassasut.

Akissarsiatigut kukkunerisiuinitanni toqqammavigivarput, suleriaatsit suliffeqarfimmilu imminermi nakkutilliinerit nalilersuiffiginissaat, taakkumi akissarsiat pilernerinut qitiusumik illullu avataani pingaaruteqartuummata. Nalilersuineq tunngavigalugu akissarsiasimasut arlallit suleriaatsinik misiliinissami toqqarsimavavut.

Paasineqarpoq missingersuutitut akisussaasut sulisut akissarsiaat tunniunneqartut winformatikkimi assiliaq 405 atorlugu misissortassagaat, taavalu tassunga isersinnaangitsut HR-mi controllerimit allattugaatinik nassinneqartassallutik.

Missingersuutitut akisussaasut akissarsisussanik tamarmiusunik allattuiffinnik misissuisarnerat nikingasoqarpallu akissarsialerivimmut nalunaaruteqartarnerisut nakkutigineqarnerisut oqaatigineqanngilaq.

Aamma missingersuutitut akisussaasut uppersaatinik toqqorsisarnissaat aamma piumasaqaatigineqanngilaq, taamalu nakkutilliineq ilumut pisimanersut misissorneqarsinnaanngilaq.

#### Inerniliineq

Paasineqarpoq akissarsialerivimmi suleriaatsit, kiisalu nakkutilliinerit ingerlanneqarsimasut uppersaakkat kommunip allaaserisimanngikkai uppersaasernagillu. Isumaqarpugut taama ittut pigineqartariaqartut.

Aammattaq akissarsiat pillugit suliani misiligitussatut tigusani amigaatit qassiiunerat paasineqarpoq, tassa suliassat ingerlanneqarneranni uppersaasatit amigaataasarlutik. Suleriutsit allaaserineqartut suliassalerinermi eqqortumik uppersaasiisarnissamut tamanna aqutissieqataassaaq.

Aamma akissarsiat tunniunneqartut akissarsisunik nalunaarsuiffiit atorlugit nakkutilliisoqartarsimanersut uppersaateqanngilaq, taamaalilluni atorfeqartuutit kisimik eqqortumik akissarsinissaat qularnaarneqarsinaasimanngilaq. Taama nakkutilliinikkut soraarsimasut akissarsisarnerisa akissarsialerivimmit eqqortumik unitsinneqarnissaannut aqutissieqataassaaq.

Sulisut akissarsialerivimmut ikkussisinnaatitaasut imminnut tunisannginnissaat nakkutigeqqissaarneqarsinnaanngitsut paasineqarpoq.

### 6.2 AKISSARSIAT IL.II. POLITIKKERINUT

Borgmesterinik, borgmesterip tullersortaanik, kommunalbestyrelsimi nunaqarfinnilu aqutsisuni ilaasortanik najukkami ataatsimiititaliani ilaasortanik akissarsiaqartitsisarneq pillugu namminersorlutik oqartussat nalunaarutaannut naapertuuttumik kommunalbestyrelsi akissarsiasanik tigusaqarsimanersut misissorparput.

Borgmesterimut, borgmesterip tullersortaanut, kommunalbestyrelsimi ilaasortanut nunaqarfinnilu aqutsisunut ilaasortanut akissarsiatut ajunngitsorsiassatullu tunniunneqarsimasunik misissuivugut.

#### Inerniliineq

Paasineqarpoq borgmesterip akissarsiai 2023-mi akissarsiai eqqortumik naatsorsorneqarlutillu tunniunneqarsimasut. Tamatuma peqatigisaanik kommunalbestyrelsit sinnerisa akissarsiaat 2023-mi eqqortumik iluarsineqarsimanngillat taavalu marts 2019-miit atuuttunik akissarsiaqartinneqarsimallutik. Aamma nunaqarfinnik aqutsisunut ilaasortat kiisalu taakku siulitaasuisa akissarsiaat taamaapput. 2023-missaq ikinaarlugit tunniussisoqarsimavoq.

2024-mi malitseqartitsisoqarpoq paasineqarlunilu 2023-mi kommunalbestyrelsit akissarsiaat kukkuneqarsimasut, taavalu kukkunerit 2024-mi juunimi naqqinneqarput.

### 6.3 AQUTSISUNIK AKISSARSIAQARTITSINEQ

Aqutsisunut akissarsianut sulianik missuinikuuvugut ilaatigullu takunikuullugu,

- atorfinitsitaanermi atsiukkamik allagartaqarnersaq
- akissarsiaqarfimmi inissisimaneq, atorfinitsitaanermi allagartaq naapertorlugu, isumaqatigiissutinut atuuttunut naapertuuttuunersaq,
- atorfinitsitaanermi allagartaq naapertorlugu akissarsiat tunniunneqartarsimansut
- immikkut pissarsisitsinermi uppenarsaatissat akissarsisitsinermi pigineqarnersut
- immikkut tapeq tunniunneqartoq, akigitat eqqortut atorlugit tunniunneqarsimansaq.

#### Inerniliineq

Atorfimmik qaffasissuliinerit, ukiuni aalajangersimasuni sulinermit tapit, sulingiffeqarnissamut aningaasaqarfimmut akileeqataassutit, soraarnerussutisiassanik naatsorsuinerit allallu eqqarsaatigalugit aningaasat tunniussat kukkuneqarnerat paasineqarpoq.

Pingaartumik ukiuni aalajangersimasuni atorfeqarnermut tapinut tunngatillugu kukkusumik naatsorsuisoqartarsimavoq ukiut ingerlaneranni aningaasarpassuanngortunik amerlanaarlugit tunniussisoqartarsimalluni. Taakku 2024-mi iluarsisutiginneqarsimanagerat takusinnaavarput.

Naqqiissutit kiisalu aqutsisut akissarsiaat 2024-mi aammaarluta malitseqartippavut naqqiinerit pisariaqartut pisimansut paasiniallugit. Kukkunerit ataasiakkaarlutik imaluunniit tamarmiullutik 2023-mi naatsorsuutit tamarmiusut eqqortuunerinut sunniuteqarnaviangillat. Immikkoortoq 4-mi paasitsinernerput naapertorlugu kisitsisit sunniuteqalissagunik amerlassusissaannut akuerisanut sanilliullutik kukkunerit katinneri sunniuteqarnaviangillat.

## 7 INATSISIT TUNNGAVIGALUGIT ISORNARTORSIUILLUTA KUKKUNERSIUINEQ AAMMA INGERLATSIVINNIK KUKKUNERSIUINISSAQ INATSISITIGUT PISUSSAAFFIGISAQ, TAKUUK PISORTAT KUKKUNERSIORNEQARTARNERINUT PERIUSEQ (SOR 6 AAMMA 7)

Kukkunersiuineq inatsisitigut pisussaaffigisaq Namminersorlutik Oqartussat inatsisaat malillugu aningaasaqarnikkut kukkunersiuinermik, inatsisit tunngavigalugit isornartorsiuilluta kukkunersiuinermik aammalu ingerlaavartumik ingerlatsivinnik kukkunersiuinermik imaqarpoq.

Immikkoortuni kukkunersiuineq aamma inatsisit tunngavigalugit isornartorsuisarluni kukkunersiuineq susasaqarfinni toqqakkani inatsisitigut pingaarutilitsigullu aningaasatigut kukkunersiuineq ilanngullugu saniatigooralugulu ingerlanneqartarpoq.

#### Ataatsimut isigalugu

Pisortani kukkunersuisarnermi malitassani aalajangerneqarsimavoq kukkunersuisoq ukiut tallimat ingerlaneranni inatsisitigut ingerlatsinermilu kukkunersiuinermi qulequttanik aalajangersimasunik kukkunersiuinermut tamarmiusumut atatillugu misissuisartussaapput.

Ukioq manna pilersaarutinut sammisat toqqakkat tassaapput inatsisitigut-isornartorsiuinermik kukkunersiuinerup ataani "Tunisianik ingerlatsineq" aamma ingerlatsivinnik kukkunersuisarnerup ataani "Suliniutinik ukiuni arlalinni aningaasalersugassanik missingersuutitigut aqutsineq".

Kukkunersiuinermut aallaavisoq tassaavoq, illuutinik/nunaminertanik atugassiissutinik il.il. kommunip tunisaqartarneri aningaasaliissutinik/inatsisitigut tunngavissanik pisariaqartartunik peqarnersut aammalu piumasaqaatinik attuumassutilinnik naapertuuttumik ingerlanneqarsimansut aammalu suliniutinik ukiuni arlalinni aningaasalersugassanik missingersuutinik aqutsinermi systemit periutsillu tulluattuunersut.

#### Siunertaq

Tunisamut pineqartumut attuumassuteqartumik piumasaqaataasunut naapertuuttumik tunisineq kommunip ingerlassimaneraa pillugu inatsisitigut isornartumik kukkunersiuinermik ingerlatsinikuuvugut. Piumasaqaatit attuumassutillit assersuutigalugu suussutsinik pineqartunik imaluunniit nalinginnaasumik periuseqarneq tunisineq pillugu, inatsisitigut aalajangersakkanit, inatsisitigut tunngaveqartumik aalajangersagaasinnaapput.

Ingerlatsinermik kukkunersiuinermi pineqarput ukiuni arlalinni aningaasaliilluni suliniutinik missingersuutitigut aqutsineq, tassani nalilersorneqarluni aningaasartuutinik akiliisarneq aamma suliniutit ilimagisatut ilumut ingerlanneqarnersut. Tassa imaappoq, suliniutit missingersuutitigut sinaakkutaannik nalilersuineq, tassunga ilanngullugu aqutsisut naapertuuttumik missingersuutinik suliaqarsimanersut kiisalu sipaaruteqarfiusumik aningaasatigut aqutsineq aamma piumasaqaatit attuumassutillit atorlugit missingersuutinik malinnaatitsineq.

#### **Kukkunersiuinerup annertussusia ingerlanneralu**

Inatsisitigut isornartorsiulluni kukkunersiuinermik ingerlatsinermillu kuukkunersiuinermik ingerlatsinissamut atugassatut Kommune Kujallip karseqarnermut naatsorsuuserinermullu maleruqaqusaanut tassungalu ilanngussanut, sanaartornermut periutsinut malitassamut kiisalu illup avataani aqutsisunut, suliniutini aqutsisunut il.il. ikiorneqarnissamut sakkut sinnerinut, kiisalu illunit/nunaminertanit atugassiisutinit tunisanit tigulaarilluni toqqakkanut kiisalu sanaartornermi suliniutinik ingerlasunit/naammassisanut naapertuuttumi kommunip maleruqaqusaanik misissuinikuuvugut.

Nukissiuutitigut aqqiissutinut atatillugu nukissiuutinik atorluaanermut aningaasaliinermullu aamma misissuivugut, silamut tunngatillugu anguniakkanut politikkimullu atatillugu tamakkiisumik anguniagaqartoqarnersuq.

Atortunik misissuineq skemamik immersugassamik misissuinermik tullegartinneqarpoq, malitsigisaanik apeqqutit apeqquteqaateqarnikkut aamma apersuinikkut paasineqarput.

Aqutsisut aalajangersakkamik naapertuuttumik aqutsinermut najoqqutassaqaarnersut aamma aqutsinissamut sakkussanik tulluurtunik aningaasaqarnikkullu aqutsinermik tulluurtumik taperserneqarnersuq. Aningaasaliissutit pisiaqartut tunniunneqarnersut, neqeroortitsinermi malitseqartitsillunilu periutsit il.il. taakku pillugit kommunip malittarissaanik naapertuuttumik suliarineqarsimanersuq kommunip qulakkeersimaneraa misissornikuuarput.

#### **Aaqqissugaanera**

Illuutinik nioqquteqartarnermut tunngatillugu kommunalbestyrelse tuniniaanissamik aalajangiisuusarpoq, taavalu Teknikkeqarfik illuutinik nunaminertanilluuniit allagarsiussarpoq neqerooruteqartitsisarunilu. Tamatuma kingorna neqeroorutit tiguneqartarput neqeroorullu qaffasinerpaaq illuummik nunaminertanilluuniit pisisinnaatitaasarpoq.

2023-mi tuniniakkanit misiligutinik tigusinissarput toqqarsimavarput, tassanilu paasivarput suliaq taanna aammalu suleriaatsit malinneqarsimasut. Taamaallluta paasivarput illuutinik tuniniaasarneq pillugu kommune allaffissornikkut ingerlatseriaaseqartoq suleriaaseqartorlu inatsisitigut malittarisassat malinneqarnerinik qularnaarisuusunik.

Ukiuni qassiini aningaasaliilluni suliniutit eqqarsaatigalugit kommunalbestyrelse sanaartugassanik aalajangiisuusarpoq aningaasaliissutinillu tunniussisuusarluni. Tamatuma kingorna Teknikkeqarfiup sanaartukkap tigussaasup tungaanut suliaq aquttarpaa, sanaartugarlu annertooujussuuppat siunnersortimik avataaneersumik akiliilluni suliaqartitsisoqartarpoq.

#### **Aqutsineq, aqutsinermi sakkussat aningaasaqarnikkullu aqutsineq**

Suliniutit aningaasaliiffiusut ukiuni qassiini ingerlasussat eqqarsaatigalugit Nanortalimmi meeqqeriviliorneq nakkutilliivissatut toqqarsimavarput.

Tassani paasineqarpoq kommunalbestyrelse sanaartornissamut 11 mio. kr. -nik aningaasaliissuteqarsimasuq, kisiannili Permagreenimut sanaartorneq pillugu isumaqatigiissusiortoqarsimasuq 30 mio. kr. -it sinnitsiarlugit nalilimmik. Taamaallluni sanaartorneq pillugu isumaqatigiissusiortoqarsimavoq aningaasaliissutigineqarsimasunit 19 mio. kr. -inik akisunerusumik. Taamaamat aningaasaliissutit amigaataasut apeqqutigisimagaluarpavut, uppersaammillu saqqummiivigineqarsinnaasimannilugut.

Aningaasaliissutaanit qaffasinnerusumik isumaqatigiissusiortoqarsimane isornaatilerujussuuvuq. Tamatumani isumaqatigiissusiortoqartinnagu sanaartornermut aningaasaliissutit pisariaqartinneqartut pissarsiarineqarsimasariaqaraluarput.

Nanortalimmi meeqqeriliviliornermut aningaasaliissutit eqqarsaatigalugit aningaasaliisarnermi malittarisassat malinneqarnissaat pingaaruteqarpoq taamalu aningaasaliissutaasut siunertaliunneqartumut kommunalbestyrelsip aalajangigaanmut atorneqassallutik, allamullu atorneqarsinnaassanatik.

Ilaatigut paasivarput suliariniakkami tassani tulluuttunut aningaasanik atuisoqarsimasoq uagut aningaasaliivigineqartunut naapertuutinningsutut isigisatsinnik:

- *Meeqqanik aneerussivinnut inissaq: 235.407 kr.*
- *Nanortalup atuarfia + biilit + Inneriilat: 745.363 kr. (taakkunannga biilit 465.875 kr.-ini nalilillit)*
- *B-241 Majoriaq/Angajo: 715.985 kr.*

Aningaasaliinermi malittarisassat siunissami piviusunnngortinneqarnissaannik qularnaarisunik kiisalu aningaasaliissutit siunertaliunneqartuinnarnut atorneqartarnissaannik qularnaarisunik malittarisassanik nakkutilliinermillu kommune atulersitsisariaqarpoq.

### **Anguniakkat (Sila)**

Kommune silap pissusia kiisalu avatangiisit pillugit periusissiaqanngilaq, aammalu silap pissusia pillugu anguniagassiortoqarsimanngilaq.

### **Inatsisit tunngavigalugit kukkunersiueqqissaarneq**

*Illunik illuliorfinnillu tuniniaaneq pillugu inerniliineq*

Paasivarput illuliorfissanik illunillu tuniniaaneq eqqarsaatigalugu kommune tamatumani malittarisassanik inatsisinillu eqqortitsisoq.

*Inatsisit aallaavigalugit kukkunersiueqqissaarnermit inerniliusaaq:*

Inatsisinik aallaaveqarluni kukkunersiueqqissaarneq pillugu kukkunersiuisutut oqaaseqaammi kommunip inatsisinik atuuttunik malittarisassanillu malinnissimannginnera isoralugu oqaaseqaateqarpugut. Taamaammatt inatsisinik malittarisassanillu malinninneq pillugu isorinnittumik oqaaseqaateqarpugut, tak. kukkunersiuiernermit nalunaarutip oqaaseqaatitai.

### **Inerniliineq Ingerlatsinermik kukkunersiuiineq**

*Suliat ukiuni qassiini aningaasaliiffigisassat pillugit inerniliineq:*

Paasineqarpoq suliat ukiuni qassiini aningaasaliiviusussat eqqarsaatigalugit kommune aningaasanik aqutsinngitsoq, tamatumani aningaasaliissutit qanoq atorneqarnerat nakkutigineqartussaavoq aningaasartuutininik atuisoqartinnagu ilumut aningaasaliissuteqartoqarsimanera qularnaarneqartarniassammat. Tamatuma peqatigisaanik paasineqarpoq sanaartugassamut aningaasaliinermi aningaasaliiffigineqanngitsunut allanik pisisoqartarsimasoq.

Tamanna assorsuaq isornartoqartipparput aningaasaliisarnermilu malittarisassanut akkerliulluinnartutut isigalugu.

*Ingerlatsineq pillugu kukkunersiuiineq ataatsimut isigalugu inerniliusaaq:*

Kukkunersiuisut oqaaseqaataanni aningaasaqarnermik aqutsissutip 2021-imi atulernerata kingorna Kommunip aningaasaqarnermik aqutsinerata amigarnerujussua pillugu ingerlatsinermik kukkunersiuiinermi isorinnittumik oqaaseqaateqarpugut, taamaammallu tamanna pillugu isorinnittumik oqaaseqaateqassalluta.

Ukiuumut naatsorsuutit saqqummiunneqarneranni kukkunersiorneqarnerannilu uppernaatit pisariaqartut piffissarujussuaq atorlugu pissarsiariniarneqartarput, taamaammatt tamanna pillugu isorinnilluta oqaaseqassaaq. Kukkunersiuiernermit nalunaarutip oqaaseqaatitai aamma tamanna innersuussutigiumaarparput.

## **8 KOMMUNIP ILUANI QARASAASIAQARNIKKUT NAKKUTILLIINERMIK MISISSUINEQ**

### **Annertussusia**

Kukkunersiuiinermi ilaapput kommunimi it-systeminut qarasaasiakkut sukumiisumik nakkutilliinerit, kommunip naatsorsuuserineranut aamma naatsorsuutininik saqqummiussineranut pingaarutillit.



Kukkunersiuineq aaqqissuunnikuurput, taamaalilluni suliassa qarfiit attuumassutillit aarlerinartortallit aamma kukkunersiuinermit periusissiaq naatsorsuutigineqartoq aallaavigalugit kukkunersiorneqarlutik. 2023-mi suliassa qarfiit tulliuuttut misissorneqarput:

- Prisme Aningaasaqarneq: Naatsorsuutitut nakkutilliinermullu periutsit aamma nakkutilleeriaatsit, isersinnaanermut isumannaatsuutitsineq aamma atuisunik aqutsineq systemimut ikkutereerput.  
Microsoft AD: Iersinnaanermut isumannaatsuutitsinermit periutsit nakkutilleeriaatsillu tassunga ilanngullugit atuisunik aqutsineq, isumannaatsumik isersinnaanermut aqutsineq aamma atortulersuutitut aqutsineq.
- Winformatik: Iersinnaanermut isumannaatsuutitsinermit periutsit nakkutilleeriaatsillu tassunga ilanngullugit atuisunik aqutsineq, atuisinnaatitaaneq aamma atortulersuutitut aqutsineq.
- Akissarsianut systemi: Iersinnaanermut isumannaatsuutitsinermit periutsit nakkutilleeriaatsillu tassunga ilanngullugit atuisunik aqutsineq, atuisinnaatitaaneq aamma atortulersuutitut aqutsineq.
- Pingaarnertut qarasaasiakkut systeminik, tassunga ilanngullugit kommunip nammineq nakkutilliissutaanik kiisalu IT-mik kiffartuussinermit kukkunersiuusut uppenarsaataannit pissarsiniarnerit naliliinerillu suliarinnittussarsiuussineq.
- Attaveqaatip isumannaatsuunissaa.
- Paasissutissanut toqqorsivik.

#### Suliassat suliarineqartut

Aqutsisut sulisullu qarasaasiaqarnerup kiisalu systemimik atuinerup iluani akisussaaffillit suliaqartullu apeqquteqarfiginikuuagut.

Kukkunersiuinermit avataanit kukkunersiuinermit uppenarsaatit tunngavigaagut, it-systemit ilaannut annertuumik isumannaatsuutitsilluta, kommunimut isumaqatigiissut naapertorlugu Fujitsu akisussaaffigisaanut.

#### Inerniliineq

Paasinninnerput naapertorlugu naatsorsuutitut ingerlatsinermit naatsorsuutitullu tunniussinermit tunngatillugu qarasaasiat suliarisartagaannut kommune suliffeqarfiup iluani qarasaasiaqarnikkut nakkutilliinermik tulluurtumik atuutsitsilersimavoq, paasissutissat innarligassaanninnerannik paasissutissallu isumannaatsuunissaanik paarinniinnarnissamut peqataasuusoq. Aammattaaq paasinninnerivarput, suliassa qarfinni misissuiffigineqartuni kommunip qarasaasiaqarnikkut isumannaallisaaanermik pingaarnertut aqutsinera naammaginartuusoq.

Taamaattorli kukkunersiuinermit paasinikuurput innersuussutitut tullinnguuttunik ingerlatsinikkut iluarsineqarsinnaasumik suleriaatsini illullu iluani nakkutilliinermi nakkutilliinissaq amigaaqartoq:

- Qarasaasiaqarnikkut kukkunersiuinermit tunngavik 3402 malillugu Qarasaasiaqarnermit Systemit Prisme, Winformatik aamma Akissarsianut systeminut kukkunersiuinermit uppenarsaatitut pissarsiniartoqarlunilu misissuisoqarpoq. Prisme pillugu tigusaqarnikuuvugut, tassani allasimalluni Danmarkimut atuuttuusoq aammalu akissarsianut systemi pillugu paasissutissiisutiginerpoq Akissarsiat Lønssystemimut tunngassuteqarneris, tamannali allasimanani. Winformatik pillugu tigusaqartoqarnikuunngilaq. Paasinninnerput naapertorlugu atortorissarutit kommunip isumalluutigisaanut tunngatillugu paasissutissiisoqarsimasariaqaraluarpoq.
- Systeminut atuisut attuumassutillit kisimik isersinnaanerannik qulakkeerisumut ukiumut ataasiarluni systeminik misissuisinnaanermut pisinnaatitaanermik systeminik piginnittut qulakkeerneqarlutik periutsimik atuutsitsilertoqartariaqartoq, atuisullu ataasiakkaat suliassaminnik suliarinninnissamut tunngatillugu atorsinnaasaattut systemip ilaannaanut isersinnaassallutik. Tassunga ilanngullugu atuisut annertusisamik isersinnaatitaasut killilerneqassapput kiisalu navianartoqarsinnaasut eqqarsaatigalugit atuisut taakku uppenarsakkamik nakkutigineqarnerat atuutilersissallugu.

## 9 UKIUMUT NAATSORSUUTITUT KUKKUNERSIUINEQ

## 9.1 UKIUMUT NAATSORSUUTIT SANARFINEQARNERAT IMARISAALU

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni isikkussatut piumasaqaammut naapertuuttumik kommunip naatsorsuusiorsimanersoq misissorparput.

Ukiutum naatsorsuutitut naatsorsuuserinermut tunngavimmik tulluurtumik qulakkeerinninnissamut kommunip atuutsilernikuusaatut qarasaasiaqarnermik nakkutilliineq ilanngullugu periutsinik illullu iluani nakkutilliinerit misissorparput.

Taamatut misissuinitinni, naatsorsuutitik eqqortumik saqqummiussinissamut atatillugu periutsit, akisussaaffiit inissisimani pisortallu nakkutilliinerat, matumani atortussanik atuinerit nakkutilleeriaatsillu ilanngullugit, kommunip naammaginarumik qulakkeerniarsimanagerai nalilerparput.

Pisariaqartumik immikkoortitereqqinnissat paasineqarnissaannut naatsorsorneqarnissaannullu tulluurtumik tunngavissamik pigisaqartoqarnerisigut paasiniarnikuuarput.

Ukioq kingullermit naatsorsuutitut tunngatillugu kommunimi naatsorsuuserinermi periutsini allannguisoqarsimanersoq allannguutillu taakku kommunalbestyrelsimi akuerissutigineqarsimanersut nalilersorparput. Aammattaaq nalilersorneqarpoq, allannguutit allannguutigineqartut kommunip Namminersorlutillu Oqartussat missingersuutaat naatsorsuutaallu pillugit Inatsisartut inatsisaannik naapertuuttuunersut aammalu naatsorsuutitik tunniussinermi naammattumik paasissutissiissutigineqarsut.

### Inerniliineq

Paasivarput 2021-mut kommunip naatsorsuutaasa naammassiniarneri assut ajornarsimasigut, ukiorlu taanna tassaavoq aningaasqarnermik aqutsissummut nutaamut ikaarsaarnermi ukioq siulleq.

2021-mut naatsorsuutit septembar 2024-mi aatsaat naammassineqarput, tamatumalu kingorna 2022-mut naatsorsuutit suliarisinnaangorpavut. Taamaammallu aamma 2022-mut naatsorsuutit saqqummiunneqarnissaannut aammalu kukkunerisuisunit nalunaarutitalerneqareerlutik kommunalbestyrelsimi akuerineqarnissaannut piffissaliussat angumerineqarsinnaasimangillat kiisalu 15. septembar 2023 nallertinnagu namminersorlutik oqartussanut nassiunneqarnissaat angumerineqarsinnaasimanani.

Aamma 2023-mut naatsorsuutit taamaapput, februaarip qeqqani 2025-mi aatsaat naammassineqarlutik.

Paasinninnerput naapertorlugu Namminersorlutik Oqartussanit ilusissat pillugit piumasaqaatit naapertorlugit kommunip naatsorsuutai saqqummiunneqarsimapput. Paasineqarporli nassuiaatini oqaaseqaatit naapertorlugit naatsorsuuserinermut nalunaarummi piumasaqaatigineqartuni piumasaqaatit eqqarsaatigalugit piumasaqaatit ilaat naammassineqarsimangitsut.

## 9.2 MISSINGERSUUTINIK ANINGAASALIISSUTINILLU NAKKUTILLIINEQ

Naatsorsuutini qupperneq 9-mi ingerlatsinermut aningaasaliissutaasut katillutik (missingersuutini iluarsisani) -47,7 mio. Kr.-iupput, ingerlatsinermilu atukkat katillutik -18,2 mio. kr.-iullutik.

Taakkununga ilaapput akileraarutinit isertitat kiisalu ataatsimut tapiissutit.

Naatsorsuutini sanaarnermut aningaasaliissutit katillutik 31,8 mio. kr.-iupput (missingersuutini iluarsisani) sanaartornermullu aningaasartuutit katillutik 18,8 mio. kr.-inik amerlassuseqarlutik.

Tassalu ingerlatsinermi sippuineq katillugu 65,8 mio. kr.-iuvoq, sanaartornermilu atukkat missingersuusiukkanit 13,0 mio. kr.-inik ikinnerullutik.

Suliassaqarfiit makku aningaasaliissutaasunut sanilliullugu sippuiffiupput:

Ingerlatsineq:

Aningaasaqarnermut inuussutissarsiornermullu ataatsimiititaliaq 12,6 mio. kr.-inik  
- Teknikkimut Avatangiisinullu Ataatsimiititaliaq 16,2 mio. kr.-inik

- Isumaginninnermut Ataatsimiititaliaq 40,6 mio. kr.-inik.

Suliassaqarfinni taakkunani qassiini missingersuutit malinneqarnersut sukumiinerusumik misissuinikkut sippuineq siusinnerusukkut paasineqarsimasariaqaraluarpoq taamalu piffissaq eqqorlugu ilassutitut aningaasaliissutit pissarsiarineqarsimasariaqaraluarlutik.

Inerniliussaq - Kommune pisariaqaraluartunik ilassutitut aningaasaliissuteqartarsimangilaq, tak. Inatsisartut inatsisaat nr. 26 af 28 nov. 2016-imeersoq Inatsisartut inatsisaatigut nr. 13 af 1. december 2021-imeersukkut iluarsisaq.

§ 8 (Aningaasaliissuteqartoqqaartinnagu aningaasartuuteqartoqassanngilaq aamma isertitaqarto-qassanngilaq, taamaattoq tak. § 23, imm. 2)

§ 23 imm. 2. (inatsisitigut aalajangersagaappat sanioqqutsineq - taamaattorli aningaasaliissutitigut matussutissaqanngitsoq paasineqarpat piaarnerpaamik aningaasaliissutit pissarsiariniarneqassapput)

### **Inerniliineq**

Inatsisit naapertorlugit isertitassat aningaasartuutissallu aningaasaliissutitaqareertussaapput, aammalu siumoortumik aningaasaliisoqarsimatinnagu atuisoqassanngilaq. Tamanna pisinnaavoq aningaasartuutit inatsisitigut aalajangersagaappata, taamaattorli aningaasaliissutitigut matussutissaqanngitsoq paasineqarpat piaarnerpaamik aningaasaliissutit pissarsiariniarneqassapput.

Tamatumunna malittarisassat 2023-mi malinneqarsimangillat.

## **9.3 TAPIISSUTIT, NALIMMASSAANERIT AKILERAARUTILLU**

Tapiissutit nalimmassaarutillu Namminersorlutik Oqartussat suliaannut naapertuuttuunersut naleqqiussaapput, soorlutaaq Akileraartarnermut aqutsisoqarfiup agguaassisimaneranut, paasissutissallu tunniussaannut sanilliullugu akileraarutitigut isertitat misissorneqartut.

Taamatuttaaq misissuiffigivarput kommunip naatsorsuutitut ikkussuineru agguaassisarneralu, kommunip naatsorsuutitut ikkussuisarnissaannik malittarisassanut naapertuunnersoq.

### **Inerniliineq**

Isumaqarpugut tapiissutit nalimmassaarutillu kisitsisitaat kiisalu akileraarutit naatsorsuutitut eqqortumik ikkussuuneqarsimasut.

## **9.4 AKISSARSIAT AKISSARSARITINNEQARTULLU**

Ukiumut naatsorsuutitut kukkunersuineru ilaatigut suleqataasut namminneq inuup normuminnut il.il. nalunaarutiginninnissamut periarfissaat akissarsianut systemimik atuineru illup iluani nakkutilliinnermut tunngatillugu kommunip suleriaasia il.il. misissuiffiginikuuvagut.

Naatsorsuuseriffimmut/ukiumut naatsorsuutitut akissarsianut systemi assigiissinneqarsimanersoq misissornikuuarput.

Akileraartarnermut aqutsisoqarfirmut akissarsiat il.il. pillugit paasissutissiissutit nalimmassagaasimanersut misissuiffigisimavavut, soorlutaaq akileraarutit A-t il.il. tiguneqartartut akilernerqartarsimanerit nakkutigineqarnersut oqimaaqatigiissinneqarsimanersullu misissuiffigisimallugit.

### **Inerniliineq**

Sulisut akissarsialerissumut immiussisinnaasut tamakkiisumik uppersakkamillu nakkutigineqarsimangillat.

Akileraarutit nalunaarutigisat akilernerqartullu eqqarsaatigalugit kommune akissarsialerissummi naatsorsuisarsimangilaq.

Kommunip naatsorsuutaanut sunnuteqanngitsumik annertunngitsumik nikingasoqarneru paasineqarpoq. Uani inuit marluk pissarsivallaarsimanerat patsigineqarpoq taakkulu toqqannartumik iluarsivigineqarumaarput.

## 9.5 SANAARTORNEQ

Sanaartorneq aamma ingerlatsineq imminnut naapertuunnersut qulakkeerniarlugit, sanaartornermut naatsorsuutit/ sanaartornermut aningaasartuutit ilaannit toqqartuilluta misissuikuuvugut. Taakku saniatigut misissuinitisinni sanaartugassat suliniutini ataasiakkaani atuiffilersorneqartut ilanngussat ukkataqarfiginikuuagut. Ilanngussanik misissuinitisinni, ilanngussat eqqortumik suliarineqarsimanersut qulakkeerneqarnissaa siunertaasimavoq, takuuk naatsorsuutininut nalunaarsuisarnermi malittarisassat atuuttut, soorluttaaq kommunip karseqarnermut naatsorsuuserinermullu malittarisassaa malinneqarsimanersooq qulakkeerniarsimagipput.

Kommunip sanaartornermi naatsorsuutininik tunniussisoqartarnissaanik malittarisassai misissuiffigisimavavut, matumani inatsisit atuuttut tunniussisarnermi malinneqarnersut ilanngullugu.

### Inerniliineq

Kommunip sanaartukkat naatsorsuutaannik saqqummiussinissamik malittarisassai piffissami sivisuumi malinneqarsimanngillat.

Taamaalilluni paasineqarpoq piffissap sivisuup ingerlanerani sanaartornermut naatsorsuutininik akuerisassanngorlugit kommunalbestyrelsimut saqqummiussisoqarsimanngitsoq.

Siusinnerusukkut pissutsit taakku eqqartorneqarsimapput, innersuusutigineqarporlu sanaartornermut naatsorsuutit suliarineqassasut politikkerinullu saqqummiullugit.

2022-mut kukkunerisiuinermit atatillugu paasivarput sanaartukkat aningaasaliiffigineqarsimasut naammassineqarsimasullu pillugit sanaartornermut missingersuusiortoqarsimanngitsoq.

Aamma paasineqarpoq aningaasaqarnermik aqutsisummut ikaarsaarnerup kingorna sanaartukkat ataasiakkaat eqqarsaatigalugit sanaartornermut aningaasartuutigineqarsimasut aqunneqarsimanngitsut.

Sanaartornermut aningaasartuutit tamarmik kontoqarfiup pingaarnerup 3-ip ataani suussutsinut kontuni naatsorsuutininut nalunaarneqartarsimapput, kontunili suut tamarmik akulerussuunneqarsimapput taamalu aningaasartuutit sanaartukkanut ataasiakkaanut sorlernerut atanersut takuneqartarsinnaanani.

Tamatuma saniatigut paasineqarpoq sanaartornermut kontuni pisiniartoqartarsimasooq sanaartornermut aningaasaliissutitaqanngitsunik, soorlu biilinit, aammalu illumi oquiaanermut.

Taamaamat aningaasaqarnermik aqutsisummut nutaamut ikaarsaarnerup kingorna sanaartornermut tunngasunik kommune torersaasariaqarpoq kiisalu sanaartukkatut normuligaanngitsut utertissallugit kiisalu suussutsinut kontut 3-mik aallartittut tamaasa matussallugit kiisalu aningaasartuutit sanaartukkanut eqqortunut inissitsitissallugit.

Tamatuma kingorna sanaartornermut naatsorsuutit malittarisassat naapertorlugit naammassineqarlutik saqqummiunneqartussat saqqummiunneqassapput.

2023-mut naatsorsuutit kukkunerisiorneqarneranni pissutsit malitseqartissimavagut paasivarpullu 2022-mut sanilliullugu pissutsit allanngoriarsimanngitsut.

## 9.6 OQIMAAQATIGIISITSINEQ

### 9.6.1 Ataatsimut isigalugu

Inaarutaasumik kukkunerisiuinitisinni kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni piumasaqaatinik naapertuuttumik kommunip aningaasaqarnikkut pisassarisat akiligassallu eqqortumik suliarineqarsimanersut pillugit nalilersuinissaq siunertaralugu arlalitsigut iliuseqarnikuuvugut.

Misissuinerput oqimaaqatigiissitsinermi akiligassaqarfinnik toqqakkanik aamma ilaatigut tullinnguuttunik misileraanernik nakkutilliinermillu imaqarnikuuvooq:

- oqimaaqatigiissitsinermi atuiffiit tamarmik naligiissarneqarnissaat qulakkeerniarlugu aalajangersimasumik iliuuseqartarnissaq aaqqissuunneqarsimanersoq
- naligiissaarinermi periutsinik aqutsinermi nakkutilliineq tulluurtumik suliarineqarsimanersoq
- akiligassaqarfiit Prisme-mut kommunillu naatsorsuutitut periusaanut ikaarsaarnerup kingorna atuiffilersuisarnermut ilitersuut malillugu kommuninut atuiffilersuisarnermut malittarisassanik naapertuuttumik erseqqissaaffigineqarsimanersut, uppersarneqarsimanersut ilanngullugillu naatsorsorneqarsimanersut aamma uuttortarneqarsimanersut.
- killiffimmi aktiatit, piginneqataassutit suliffeqarfinnilu piginneqataanermi akiliutit eqqortuuneri ilanngullugit aningaasaqarnikkut sanaartukkat pigisat eqqortumik nalilerneqarsimanersut
- karsimi uninngasuutit eqqortumik ilanngullugit naatsorsorneqarsimanersut piffissalorsorneqarsimanersullu
- pissarsiassat eqqortumik ilanngullugit naatsorsorneqarsimanersut piffissalorsorneqarsimanersullu
- Nammineq aningaasaatit eqqortumik agguataarneqarsimanersut, nalunaarsorneqarsimanersut immikkoortinneqarsimanersullu
- taarsigassarsinnaatitaanerit eqqortumik ilanngullugit naatsorsorneqarsimanersut piffissalorsorneqarsimanersullu

### 9.6.2 Sanaartornermi aningaasalersuinikkut pigisat nalillit

Kommunit piginneqataanermi akileeqataassutaanut tunngatillugu aktiatit, piginneqataassutit suliffeqarfinnilu piginneqataanermi akiliutit eqqortuuneri ilanngullugit aningaasaqarnikkut sanaartukkat pigisat eqqortumik nalilerneqarsimanersut nakkutigineqarnissaa ingammik siunertarlugu, kommunip sanaartornermi aningaasalersuinikkut pigisat misissornikuuagut.

Piginneqataassutit taamani akigitinneqartut naapertorlugit naatsorsuutitut ilanngunneqarput.

2023-mut kommunip naatsorsuutaanik kukkunerisuiunerup inaarutaasup tungaanut malitsigisaanik pisoqarsimanersoq pillugu nakkutilliinissaq siunertarlugu, aqutsisunit naatsorsuutit uppersaataannik atsiorsimasunik pissarsinikuuvugut.

Aqutsisut uagutsinnut uppersarneqarnikuuaat, kommunip naatsorsuuserinermit periusaanik naapertuuttumik 2023-mi decembarip 31-anni sanaartornermi aningaasalersuinikkut pigisanik naliliinerusq, tamannalu misissuinitta kingorna taperserparput.

Kommunilli allakkat tammarnaveeqqutit ilanngunneqarsimasut tamaasa misissortariaqarpai aningaasat eqqortut ilanngunneqarnissaat qularnaarniarlugu, tamatumunngalu ilanngullu akiligassanngortinneqarsimasut akilersinniarneqalernerat aallartinneqarsimanersoq qularnaassallugu.

### 9.6.3 Kaaviaartitsinermi pigisat nalillit

Kaaviaartitsinermi pigisat tasaanerupput pisassat, akiitsoqarfiit piffissamut aalajangersimasumi akiligassat karsimilu pigisat.

Aningaaserivinni akiligassat 31. decembarimi uninngasuutitut ilanngunneqarsimanersut aammalu aningaaserivimmik oqimaaqatigiissitsinermit allanneqarsimanersut misissornikuuarput. Aningaaserivinnit pigisanut takussutissamik piniarnikuuvugut.

Kommunimut akiligassallit misissornikuuagut akiligassalinniillu tigulaarilluta misissuiniukuulluta. Akiligassallit misissorneqarnerata kingorna paasinninnerput naapertorlugu 2023-p naalernerani akiligassallit eqqortumik ilanngunneqarsimasutut isigineqarsinnaasut.

2023-p naanerani allaniit pisassat annaaneqarnissaanut illuartitsisoqarsimavoq. Naatsorsuusiortarnermut nalunaarut naapertorlugu taamaaliortoqarsimavoq.

Paasineqarpoq avataaniit pisassat akiliitsiniartarfiup nalikillilersimasai tamakkerlugit nalikillilerneqartarsimanngitsut. Nikingassutaalli annertuujunngitsut isigineqarpoq tassami

amerlanersaat annaasanut illuartitaaniimmata, taamaalillunilu naatsorsuutit annerusumik kukkuneqaratik.

#### 9.6.4 Nammineq aningaasaatit

Nammineq aningaasaatit kommunimut pigisatut oqaatigineqarsinnaapput, tassa imaappoq akiitsut ilanngaatigereerlugit pigisat.

Nammineq aningaasaatigisat katinnerat ilanngunneqarsimanersoq aammalu 2023 naalernerani oqimaaqatigiissitsinermit eqqortumik takutinneqarnerisq misissornikuuarpur.

Paasineqarpoq 3,1 mio. koruunit 2023-mi nammineq aningaasaatinut toqqaannartumik ikineqarsimasut. Taanna allanit pisassatigut annaasassanut iluarsiissutinut 2,1 mr. koruuninik iluarsiissutaapput kiisalu 0,8 mio. kr.-inik nalikilliliinertut. 2024-miit iluarsiinerit taakku angusanik naatsorsukkatigut suliarineqartalissapput. 2022-mi 2023-milu ikaarsaarnermi immikkut ittunik malittarisassaqqarpoq iluarsiinerit nammineq aningaasaatigut toqqaannartumik pisinnaaneranik imaqqartumik. Taamaammal malittarisassat naapertorlugit pisimavoq.

#### 9.6.5 Akiitsut

Piffissamat sivikitsumut akiitsut akilernerqartussatut pisussaaffinnut oqimaaqatigiissitsinerit misissornikuuagut aammalu aningaasartuut kommunimut tunnganersoq malitsigisaanillu akilernerqarsimanersoq akiligassaqqarfinnik akiligassiissutini tigulaarilluni misiligutinik toqqaanikuulluta eqqortumik piffissalernerqarsimanersut nakkutiginiarlugit.

#### **Oqimaaqatigiissitsinermit kukkunersuinermit eqikkaalluni inerniliineq**

Kontuni amerlanerani killiffinnik oqimaaqatigiissitsinerit killiffinnut atuiffinnut tamanut oqimaaqatigiissitsisarnermut akuttussusissatut akuerisaasunik naapertuuttumik ingerlaavartumik pisarsimangilaq. 2023-p naanerani killiffimmik kontut arlallit inaarlugit naatsorsorneqarsimangillat.

Oqaatigineqassaarli 2021-mut sanilliullugu pitsanngoriartoqarsimammal taamalu 2021-mut sanilliullugu kontut amerlanerit inaarlugit 2022-mi naatsorsorneqarsimallutik, 2023-illu naanerani amerlanerillu erseqqissarneqarsimallutik oqimaaqatigiisinneqarsimallutillu.

2022-ip kiisalu 2023-ip naanerani killiffiit inaarlugit naatsorsorniarlugit kommune avataniit siunnersortinik marlunnik ikiorteqqarsimavoq.

2022-ip kiisalu 2023-ip naanerani kontut inernerit tassungalu nalunaarsukkat misissorniarlugit eqqortuunerilu paasiniarlugit kukkunersuisut saniatigut sulisussanik atuisariaqqartarsiimapput. Tamatuma malitsigisaanik killiffiit eqqorneruleqqullugit kingumoortumik naatsorsuutinut inissitsiterisoqqartariaqqartarsimavoq.

Naqqiinerit taakku kingornagut isumaqqarpugut 2023-ip naanerani naatsorsuutinut ilanngussanik ikkutinnigitsuukkanik imaluunniit kukkullugit inissitanik annertunerusunik soqqangitsaq.

Akiligassaqqarfinnik toqqakkanik misissuinitta uppernarsarppaa, kommunip pigisat nalillit akiitsullu pisortat ataatsimoorussamik atuiffinnut pilersaarutaannut kommunillu naatsorsuutinut periusaanut atuiffilersuisarnermut ilitsersuummi aalajangersakkanik naapertuuttumik oqimaaqatigiinnermi ilanngullugit naatsorsorneqarsimasut.

### 9.7 ANINGAASATIGUT PISUSSA AFFIORTARSINNAASUT

Aningaasatigut pisussaaffiortarsinnaasut oqimaaqatigiissitsinermit ilanngunneqarneq ajorput aammalu qularnaveeqqutinik, attartornermik aamma attartortitsinissamik pisussaaffinnik imaqqarlutik.

Kommunip pisussaaffii naatsorsuutinut nassuiaatitut naqinneqarnikuusut misissornikuuagut tassungalu atatillugu Borgmesterimit Kommunimilu pisortaanermit atsiorneqarsimasumik aqutsinermit uppernarsaammik tigusaqqarnikuulluta, ilaatigut paasissutissat eqqortuunerinut tamakkiisuunerinullu uppernarsaatitut.

Nassuiaammi kommune allassimavoq suli taanna tamakkiisunngorsimanngitsoq aammalu siunissami takussutissiamik eqqortumik suliaqarsinnaalerumalluni tunngavissat katersorneqalersimasut.

## **10 ISUMAGINNNERMI NAATSORSUUTIT KUKKUNERSIORNEQARNERI**

Malitsigisaanik kukkunersiuinerup ingerlanneqarneranut nassuiaasoqarpoq isumaginninnikkullu immikkoortumi kommunip ingerlatsineranik nalilersuisoqarluni.

Kukkunersiuineq immikkoortumi malittarisassat ingerlariaatsillu atuuttunik naapertuuttumik ingerlanneqarpoq.

Kukkunersiuilluni tikeraarnermut atatillugu kukkunersiuinerup annertussusaa inernerilu pillugit allaffissornermi aqutsisut paasitinnikuuagut.

### **10.1 INGERLAAVARTUMIK KUKKUNERSIUINEQ**

#### **10.1.1 Ataatsimut isigalugu**

Immikkoortut tullinnguuttut inunnut ataasiakkaanut immikkoortuni kukkunersiuikkanik tamanut matussusiisuusut siunertanik, annertussutsinik kiisalu kukkunersiuinermik ingerlanneqartumik imaqartinneqassapput. Inunnut ataasiakkaanut immikkoortuni atuiffilersuisarnermi ilitsersuummik naapertuuttumik agguataagaapput.

#### **Siunertaq**

Kukkunersiuinerup siunertarivaa, kommunip allaffissorinikkut naatsorsuuserinikkullu ingerlatseriaasiata misissuiffiginissaa, matumani suleriaatsit, suliffeqarfimmi imminermi nakkutilleeriaasissaq kiisalu inunnik isumaginninnermi sullisseriaatsit pissusissamisoornersut tutsuiginartuunersullu misissuiffiginissaat.

Kukkunersiuineq ileqqorissaartumik/pitsaasumik kukkunersiueriaaseq, Namminersorerullutillu Oqartussat kommunini il.il. suliassaqarfiutaasa kukkunersiorneqartarnerat pillugu Namminersorerullutik Oqartussat nalunaarutaat nr. 14, 23. august 1999-imeersoq naapertorlugu suliarineqartarpoq.

#### **10.1.2 Kukkunersiuinerup annertussusia ingerlanneralu**

Kukkunersiuineq ataqatigiissumik systemitigut sukumiinerusumillu misissuinnikkut ingerlanneqartarpoq, tassa kukkunersiuisup systemitigut, suleriaatsitigut, nakkutilleeriaatsikkut il.il ilisimasat toqqammavigalugit nalilersuineratigut.

Kukkunersiuikkat amerlassusii kukkunersiueriaatsimik atukkamik, nakkutilliinernik misiliinernik sukumiinerusumillu kukkunersiuinerit toqqammaveqarput.

Inunnut ataasiakkaanut tunngasunik toqqaanerit kukkunersiuisup pisariaqartitsinermik nalilersuineratigut pilersaaruserneqartarput, tulliuttullu annertuumik toqqammavilersuutaasarlutik:

- suliasat nutaatut pilersinneqartut
- suliata aningaasaqarnermut tunngassuteqarnerusut
- suliata sullissinnikkut, toqqammaviliisusattigut sumiiffimmilu pissutsinut tunnganerusut
- suliata kukkunersiuisup naliliinera malillugu.

Ajunngitsusaaq pillugu allanneqarpoq, kukkunersiuinermi isumaginninnikkut pisariaqartitsinermik nalilersuisoqarneq ajortoq, inatsisitigulli toqqammavissatigut nalilersuineq pisarluni.

Nakkutilliinerit tulliuuttutigut aningaasanngorlugit tunniussat naatsorsuutitut ikkutat il.il. aningaasaliissuteqarfiusimanissaat kiisalu inatsisitigut aalajangersakkatigullu toqqammaveqarnissaat misissuiffigisimavagut.

Taamatutaaq aamma immikkoortut assigiinngitsut iluini aalajangiisussaataasunit naammagittaalliuteqartarfinnilu aalajangiunneqarnikuusuni tunngaviumik aalajangiinerit sullissinermi eqqarsaatigineqarsimanersut misilippavut.

Taamatutaaq suliamik pilersitsinermini inatsisitigut pisussaaffigalugit malinnaaffiginninnerni kommuni toqqammavissaqanngitsumik aningaasanngorlugit tunniussinerit pinaveersaarnissaat qulakkeerniarlugu, aningaasanut paasissutissatigut nakkutilliinissaminik periarfissani atorsimaneraa, matumani pisariaqartitsineq naapertorlugu nalunaarsuutitut assigiinngitsunit paasissutissat ataqatigiissaarneqartarsimanersut misissuiffigivagut.

### **10.1.3 Suleriaatsit aamma suliffeqarfimmi namminerimi misissuisarnerit**

Namminersornerullutik Oqartussat kommunini il.il. suliassaqrifiutaasa kukkunersiorneqartarnerat pillugu Namminersornerullutik Oqartussat nalunaarutaat nr. 14, 23. august 1999-imeersoq naapertorlugu sullissinermi pitsaassutsimik qulakkeerinninnissamut illup iluani nakkutilliinerimik kommuni pilersaarusiorsimasussaavoq.

Kommunip aqutsinerimi nakkutilliineranit annertussutsimik imarisaanillu kiisalu nalunaarusiaanik nalilersuinikuuvugut.

Kommunip allaffissornikkut naatsorsuuserinikkullu suleriaasaa misissuiffigivarput (matumani suleriaatsit, suliffeqarfimmi imminerimi nakkutilleeriaatsit, sulianik suliaqartarnerit, taamatullu pitsaassutsikkut nakkutilliinerit) tulliuuttutigut inunnik sullissinertigut tutsuiginartuunersut naapertuuttumillu ingerlanneqarsimanersut:

Kommunip suleriaasii, pitsaassutsimik nakkutilliinera illullu iluani nakkutilliinerit allat misilinniarlugit sulianut inunnet tunngasunik arlalinnik nakkutilliilluni immikkoortunik arlalinnik nakkutilliinerimik misileraanikuuvugut.

### **Inerniliineq**

Sulianut inunnet tunngasut suliarineqarneranni suleriesissanik, kiisalu nakkutilliinerimik misissuinerinillu uppernarsaasersukkanik taakkununga ilaavisussanik allaaserineqarsimasunik soqanngilaq. Isumarput naapertorlugu taama ittut pigineqartariaqaraluarput aammalu suliat assigiissaartumik ingerlanneqartarnissaannut aammalu inunnet suliat suliarineqarneranni inatsisit malinneqartarnissaannik qularnaareqataasussaallutik..

Suliat inunnet tunngasut aqutsisunit nakkutigineqarnissaannut kommune suleriesissiorsimangilaq.

Suliani qassiini allattaavinnut nalunaarsuinissaq uppernarsaasersuinissarlu amigaataasarput. Suliassanik suliaqarnermi piumasaqaatitai naammassisimangikkaanni, tamatuma kingunerisinnaasarpaa, kukkusumik suliaqarneq naatsorsuussinerluunniit.

Kaammattuutigissavarput suliassat isumagineqarneranni suleriaasissat nakkutilliinerillu allaaserineqassasut kiisalu aqutsisumit nakkutilliineq sukumiiinerulersinneqassasoq, taamaalilluni suliassaqrifiit tamakkerlutik taama pineqalissallutik siunissamilu suliat uppernarsaasersorneqartalissallutik, suleriutsinik sulianillu aqutsinerimik pitsanngorsaanermit atorneqarsinnaasumik.

### **10.1.4 Inunnet ataasiakkaanut tunngasut**

Pingaarteqarneri mianernassusiilu toqqammavigalugit nalilersuineritigut, inunnet aataasiakkaanut tunngassutillit suliat misissuiffigineqarput.

Inunnet ataasiakkaanut tunngassutillit controller-init isornartorsiullunilu kukkunersuinerimi misissuiffigineri misiliiviginerilu ataqatigiisitsinerimik toqqammaveqartumik immikkoortuni suliaqarfiusuni kiisalu Namminersorlutik Oqartussanit utertitsinerimik kommunimit immikkoortuni tigusaqartarfiinut tulliuuttutigut misissuiffigineqarput.



- Erninermi ullormusiat
- Meeqqanut tapiissutit
- Ineqarnermut tapit
- Utoqqalinersiutit
- Siusinaartumik pensionisiat
- Innarluutilinnut aningaasartuutit
- Suliffeqanngikkallarnermi ikiorsiissutit
- Piginnaangorsaqqiineq
- Ilinniarnermi tapiissutit meeqqanullu tapit
- Meeqqanut inuusuttuaqqanullu ikiorsiinerit
- Pisortanit ikiorsiissutit
- Meeqqanut akilersuutit

#### **Inunnut ataasiakkaanut tunngatillugu suliat misissorneqarnerinut inerniliineq**

Matuma kinguliani suliassaqarfinni ataasiakkaani kukkunerit nassaarineqarsimasut nalunaarsorneqarput. Suliassaqarfinni qassiini suliassat isumagineqarneri suliani uppersaasarsuisussaataaneq eqqarsaatigalugu amigaateqarsimapput, aammalu innuttaasunut tunniuttakkat eqqarsaatigalugit kukkusoqartarsimavoq.

Tamatuma malitsigisaanik tamatumunnga kukkunerisuiusutut oqaaseqaateqarpugut, tak. kukkunerisuiusumit oqaaseqaatit pillugit immikkoortoq siulianiittoq.

Suliassaqarfinnik ataasiakkaanik kukkunerisuiunerup inernera imaappoq;

#### Erninermi ullormusiat

Suliat 16-it misissuiffigineqarput. Kukkunerit paasineqarput suliallu arfineq-marluk kukkuneqarlutik. Misissuineq makkuninnga kinguneqarpoq:

- Erninermi ullormusiaritinneqartut pisinnaatitsissutaasunit ulluni amerlanerusuni tunniunneqarsimapput - Suliat marluk
- Sapaatit akunnerit kingulliit 13-it tiimit amerlasusaat naatsorsornerlunneqarsimapput- Suliat marluk
- Erninermi ullormusiaritinneqartut akunnernit naatsorneqartunit annertunerusut - Suliaq ataaseq

#### Meeqqanut tapiissutit

Suliat 13-it misissuiffigineqarput. Kukkunerit paasineqarput suliallu ataaseq kukkuneqarluni. Misissuineq makkuninnga kinguneqarpoq:

- Meeqqanut tapit amerlanerpaaffissaattut tunniunneqarsimapput naak isertitat pissutigalugit Meeqqanut tapinik tunniussisoqartussaangikkaluartoq - suliaq ataaseq

#### Ineqarnermut tapit

Suliat 16-it misissuiffigineqarput. Kukkunerit paasineqarput suliallu tallimat kukkuneqarlutik. Misissuineq makkuninnga kinguneqarpoq:

- Ineqarnermut tapinik qinnuteqaat atsiorneqanngitsoq - suliat marluk
- Pensionisiasat appartitaanerat eqqunngitsumik aningaasartalik - suliat pingasut
- Ineqarnermut tapit piffissaq eqqornagu tunniunneqartut - suliaq ataaseq

#### Utoqqalinersiutit

Suliat 18-it misissuiffigineqarput. Kukkunerit paasineqarput suliallu sisamat kukkuneqarlutik. Misissuineq makkuninnga kinguneqarpoq:

- Isertitat tunngavigineqartut eqqortuunngitsut - suliaq ataaseq
- Utoqqalinersianik qinnuteqaat amigaataasooq - suliaq ataaseq
- Siusinaartumik pensionisianiit utoqqalinersianut piffissaq eqqornagu ikaarsarneq - suliaq ataaseq
- Qinnuteqarnermi utoqqalinersiat piffissaq eqqornagu tunniunneqartut - suliaq ataaseq

#### Siusinaartumik pensionisiat

Suliat 12-it misissorneqarput. Kukkunerit paasineqarput suliallu pingasut kukkuneqarlutik. Misissuineq makkuninnga kinguneqarpoq:

- Siusinaartumik pensionisiat amerlanaarlugit tunniunneqartut - suliaq ataaseq
- Inummut tapit kukkullugit naatsorsuutitut inissinneqarnerat - suliaq ataaseq
- Naliliineq amigaataasoq kiisalu inummut tapiliineq - suliaq ataaseq

#### Innarluutilinnut aningaasartuutit

Suliat tallimat misissuiffigineqarput. Suliani taakkunani kukkunernik amigaatinillu nassaartoqangilaq.

#### Suliffeqanngikkallarnermi ikiorsiissutit

Suliat arfineq-pingasut misissuiffigineqarput. Kukkunerit paasineqarput suliallu tallimat kukkuneqarlutik. Misissuineq makkuninnga kinguneqarpoq:

- Sapaatit akunnerini kingullerni 13-ini sulinermi akunnernik naatsorsuineri suliat sisamat eqqortuunngillat.
- Suliffeqanngikkallarnersiutit sapaatit akunneri 13-it sinnerlugit tunniunneqartarput - suliaq ataaseq
- Suliffeqanngikkallarnermi ikiorsiissutit naatsorsuutitut ilanngunneqarsimangitsut - suliat marluk

#### Piginaangorsaqqiineq

Suliat marluk misissuiffigineqarput. Kukkunerit paasineqarput suliarlu ataaseq kukkuneqarluni. Misissuineq makkuninnga kinguneqarpoq:

- Sulisitsisumut utertitassat isumaqatigiissut naapertorlugu pingillat - suliaq ataaseq

#### Ilinniarnermi aningaasarsiat, meeqqanullu tapit

Suliat qulingiluut misissorneqarput. Suliani taakkunani kukkunernik amigaatinillu nassaartoqangilaq.

#### Meeqqanut inuusuttuaqqanullu ikiorsiinerit

Suliat tallimat misissuiffigineqarput. Suliani taakkunani kukkunernik amigaatinillu nassaartoqangilaq.

#### Pisortanit ikiorsiissutit

Suliat 13-it misissuiffigineqarput. Kukkunerit paasineqarput suliallu 11-it amigaateqarlutik. Misissuineq makkuninnga kinguneqarpoq:

- Innuttaasup inuunermini nalaataqarsimaneranik uppersaata amigaataasoq imlt. pilersuinerit akiligassanullu aalajangersimasunut pisariaqartitaminik pissarsisinnanginneranik uppersaata amigaataasoq - suliat arfineq-marluk.
- Toqqammavissaqanngitsumik ikiorsiissutit akuersisarneq, suliffissaaleqisutut suliffissarsiortutullu nalunaarsoqqanermi uppersaata amigaataasoq kiisalu nalilimmik pigisaqaratartoqarsinnaaneranik misissuisoqarsimangitsut - Suliat qulit
- Ikiorneqarnissamik qinnuteqanngitsorneq - Suliat arfineq-pingasut
- Ataasiakkaanik iliuusissatut pilersaarusiortarneq pillugu amigartumik paasissutissiinerit - Suliat arfineq-marluk
- Qaammammi tassanerpiq marloriarluni illumut akiliisoqarpoq - suliaq ataaseq
- Ullunut 14-inut ikiorsiissutit kukkusumik aningaasartalerlugit tunniunneqarput - suliaq ataaseq
- Siusinaartumik pensionisiallip ineqarnermut akiitsui pisortanit ikiorsiissutitigut akilernerqarput - suliaq ataaseq

#### Meeqqanut akilersuutit tapiissutit:

Suliat tallimat misissuiffigineqarput. Kukkunerit paasineqarput suliallu marluk amigaateqarput. Misissuineq makkuninnga kinguneqarpoq:

- Meeraq isertitaqarnersoq kommunip misissorsimangilaa - suliaq ataaseq
- 1. januar 2023-mi tunniussat eqqortumik aningaasartaqanngitsut - suliaq ataaseq
- Piffissami tassanerpiq akilersuutit marloriarlutik tunniunneqarsimapput - suliaq ataaseq

## 10.2 INAARUTAASUMIK KUKKUNERSIUINEQ

### 10.2.1 Naatsorsuutit saqqummiineq utertitanillu sinneruttunik akiliineq

Sinneruttunik akiligassanut eqitsisit kommunip naatsorsuutitut ikkussimanerai misissornikuuarput.

Aammattaaq tigulaarinikkut utertitassatut nalunaarutigineqartut eqqortuunersut pillugit aningaasartuutini isertitanillu kommunip atuiffilersuina naatsorsuutini eqqortumik ersernersut misissornikuuput.

### Inerniliineq

Paasinninnerivarput sinneruttunik akiligassanut eqitsisit eqqortumik naatsorsorneqarsimasut kiisalu isumaginninnermi aningaasartuutini utertitassanik kommunip sinneruttunik akiligassanut eqitsisaa naatsorsuutini ikkutanut naapertuuttoq.

## 11 KUKKUNERSUISUT NALUNAARUTAAT TUNNIUNNEQARTUT KIISALU NAATSORSUKKAT OQAASERTALIKKAT ALLALLU

### 11.1 KUKKUNERSUISUT NALUNAARUTAAT KOMMUNE KUJALLERMI KOMMUNALBESTYRELSIMUT TUNNIUNNEQARTUT

Ukiumoortumik naatsorsuutit pillugit nalunaarutip matuma saniatigut ingerlaavartumik kukkunersuinnermi nalunaarutit tulliuuttut tunniunneqarnikuupput:

Makkunuuna nalunaarusiaq	Nr.	Ulloq
Namminersorlutik Oqartussat suliaqarfiinik kommunip naatsorsuutaaniittunik 2023-mi kukkunersuineq	4	7. marts 2025

### 11.2 NAATSORSUKKAT OQAASERTALIKKAT KIISALU SULIASSAT ALLAT

Naatsorsuinerit nalunaarutigineqartullu tamarmik kukkunersuisut uppernarsaataannik ilaligaapput.

Naatsorsuutit immikkoortut oqimaaqatigiissitsissutillu tulliuuttut oqaaseqarfigalugit atsiornikuuagut:

	Oqaaseqarnek/atniorneq
Namminersorlutik Oqartussat suliaqarfiinik 2023-p ukiup naanerani oqimaaqatigiissitsinerit	7. marts 2025
Isumaginninnermut tunngasutigut 2023-mi utertitassanut tunngasut naatsorsuutaat	7. marts 2025

## 12 AQUTSISUT NAATSORSUUTIT PILLUGIT UPPERNARSAATAA

Ukiumut naatsorsuutini kukkunersuinnermut atatillugu borgmesterip kommunimilu pisortaanerup uagutsinnut naatsorsuutini uppernarsaanermi 2023-mi ukiumut naatsorsuutit pillugit pisut pingaarutilimmik sunniuteqarsinnaasut uppernarsarpaat, tamatumani tassunga pisariaqartillugit naliliiffiginikuusatsinnut.

Uppernarsaat allaganngortitaq qularnaveeqquusiussaqaarnerit sillimasiisarnerillu, qularnaveequsiisarnerit, eqqartuussivimmi suliat, peqquserlunnerit, oqimaaqatigiissitsilluni ullup kingorna pisut, pissutsit iluarsineqanngitsut pillugit takussutissiat kiisalu immikkoortut kukkunersuinnermi uppernarsaammik pissarsitinneqarnissaat ajornakusoorfiusut pillugit paasissutissanik imaqarpoq.

Naatsorsuutit eqqortuunerat pillugu uppernarsaat tiguneqarsimasooq oqaaseqaateqarnissamut tunngaviliinngilaq

## 13 KUKKUNERSUISUT UPPERNARSAATAAT

Uppernarsarparput,

- Suliamik suliaqarsinnaatitaanermik malittarisassatigut piumasaqaatit naammassisimagatsigit
- Kukkuersiuiunitsinni paasissutissat piumasarisavut uatsinnut tunniunneqarmata

Aalborg, 7. marts 2025

BDO Statsautoriseret revisionsaktieselskab  
CVR-nr. 20 22 26 70

Lasse Jensen Jan Hansen  
Kukkuersiuisoq akuerisaq Kukkuersiuisoq nalunaarsugaq

## **ILANNGUSSAQ 1, KUKKUNERSIUISUT ATSIORNERAT - KUKKUNERSIULLUNI SULIAMI INERNILIINEQ**

### **"KUKKUNERSIUISUP ATTUUMASSUTEQANNGITSUP KUKKUNERSIUIINERMIT OQAASEQAATAA**

**Kommune Kujallermi Kommunalbestyrelsimut**

#### **UKIUMUT NAATSORSUUTINI KUKKUNERSIUISUT UPPERNARSAANERAT**

##### **Inerniliineq**

Kommune Kujallermit 2023-mi januaarip aallaqqaataanit decembarip 31-ata tungaanut ukiumut naatsorsuutit kukkuersiorpavut, takuuk 2022-mut Kommune Kujalliup ukiumut naatsorsuutaani quppernerit 21-29, inernernut naatsorsuutinik, oqimaaqatigiissitsinermik, aningaasanut ingerlaartunut naatsorsuutinik, takussutissanik ilaasussanik, naatsorsuusereriaatsimik aamma nassuiaatit kisitsisinik pingaarnernik tullinnguuttunik imallit:

Ukiumut inernerusiq -37,0 mio. koruunit  
Pigisat katillugit 116,7 mio. koruunit  
Nammineq aningaasaatit katillugit -46,2 mio. koruunit

Ukiumut naatsorsuutit Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq naapertorlugu sananeqarpoq.

Isumaqarpugut, ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq naapertorlugu suliaasoq.

##### **Inerniliinermut tunngaviusoq**

Kukkuersiuiernerput ingerlapparput kukkuersiuisarnermi najoqqutassat nunat tamat akornanni atuuttut malillugit, taamatullu Kalaallit Nunaanni kukkuersiuisarnermut inatsisiliornermi piumasaqaataasut kiisalu pisortat suliffeqarfiutaasa naatsorsuutaannik kukkuersiuiernermi malittarisassat tamanut atuuttut malillugit, kommunit aamma Kalaallit Nunaanni Namminersorlutik Oqartussat missingersuutaat naatsorsuutaallu pillugit Inatsimmi aalajangersakkanik tunngavilimmik kukkuersiuiineq ingerlanneqartussaammat. Tunngaviit takkua malissallugit uagut akisussaaffigaarput aamma immikkoortumi kukkuersiuisut uppernarsaataanni "Kukkuersiuisut naatsorsuutinik kukkuersiuiinissaminnut akisussaaffii"-ni piumasaqaatit itinerusumik allaaserineqarput.

Kukkuersiuisut ileqqorissaarnissamut malittarisassai (IESBA Code) nunarsuarmi tamani International Ethics Standards Board for Accountants-it iluini kiisalu Kalaallit Nunaanni ileqqorissaarnissamut piumasaqaatit tunngavigalugit kommunimut attuumassuteqanngilagut, soorluttaaq piumasaqaatinut taakkununga kiisalu IESBA Code-mut tunngatillugu piumasaqaatit allat eqquutsikkivut.

Isuqaqarpugut kukkunersiuinerimi angusat uppernassusiat naammaginarthoq aamma uagut inerniliussatsinnut tunngavissatut naleqquttuusut.

#### **Pissutsit kukkunersiuinermit attuumassutillit erseqqissarneri**

Kommunit Namminersorlutillu Oqartussat missingersuutaat naatsorsuutaallu pillugit inatsimmi piumasaqaatinik naapertuuttumik 2022-mut ukiumut naatsorsuutini sanilliutassanngorlugit kommunalbestyrelsip 2022-mut ukiumut missingersuutai akuerisaasut kommunip ilanngussimavai. Sanilliussilluni kisitsisit kukkunersiuisunit misissugassanngortinneqarnikuunngillat. 2021-mi atuineq pillugu kisitsisit sanilliussissutaasut siusinnerusukkut kukkunersiuisusumit kukkunersiorneqareerput.

#### **Ukiumut naatsorsuutitut aqutsisoqatigiit akisussaaffii**

Ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq naapertorlugu suliaasoq aqutsisut akisussaaffigivat. Aqutsisut suliffeqarfiup iluani nakkutiginninnissartik aamma akisussaaffigaat, peqquserlunnermik kukkunermilluunniit peqquteqarneri apeqqutaatinnagit naatsorsuutit malunnaatilimmik kukkusumik paasissutissartaqannginneri pisariaqarsorigunikkum naatsorsuusiortussaapput.

Aqutsisut kommune suujunnaarnissaanik, ingerlatsinerup unitsinnissaanik imaluunniit taassuminnga allaanerumik piviusorsiorlumik periarfissaqannginneq siunertarinngikkunikkum, ukiumut naatsorsuutitut suliaqarnermi, ingerlatsinerup ingerlatiinnarneqarnissaanum kommuni pisinnaasaqarnerisulit nalilersussallugu, attuumassuteqartillugu ingerlatsinerup ingerlaannarnissaa pillugu pissutsinik paasissutissiinnissaaq, kiisalu ingerlatsinerup ingerlaannarnissaa pillugu naatsorsueriaasermik tunngavilimmik ukiumut naatsorsuutit suliarineqarnissaannum aqutsisut akisussaasuupput.

#### **Kukkunersiuisup ukiumut naatsorsuutit kukkunersiorneqarneranni akisussaaffia**

Naatsorsuutit tamarmiusut pingaarutilimmik kukkusumik paasissutissartaqannginnissaannum uagut qulakkeerinninnissarput anguniarparput, peqquserlunnermik imaluunniit kukkunermit taakkua peqquteqarnerisut apeqqutaanngilaq, aamma kukkunersiuisut uppernarsaanerimik inernertalimmik tunniussineq anguniarparput. Pitsaasumik qulakkeerinninnissaaq assut pingaartinneqarpoq, taamaattorli nunani tamalaani kukkunersiuinerimi tunngaviumik malittarisassat aamma Kalaallit Nunaanni piumasaqaatit atuuttut naapertorlugit kukkunersiuisoqarnera qulakkiivillugu oqaatigineqarsinnaanngilaq, Kommunit aamma Kalaallit Nunaanni Namminersorlutik Oqartussat missingersuutaat aamma naatsorsuutaat pillugit inatsimmi aalajangersakkanik tunngaveqartumik kukkunersiuineq ingerlanneqarmat, kukkusumik paasissutissiinerimik peqassappat tamatigit qulaajarneqassaaq. Peqquserlunnerup imaluunniit kukkusoqarnerata kingunerisaanik kukkusumik paasissutissiisoqarsinnaasarpog aamma aningaasaqarneq pillugu aalajangiinernum taakkua ataasiakkaarlutik ataatsimoorlutilluunniit sunnuteqarnissaat naatsorsuutigineqarsinnaapput, naatsorsuutinimmi atuisut naatsorsuutit aallaavigalugit aalajangertarmata.

Kommunit aamma Namminersorlutik Oqartussat missingersuutaat aamma naatsorsuutaat pillugit Inatsimmi aalajangersakkanik tunngavilimmik kukkunersiuineq ingerlanneqarmat, kukkunersiuisarneq pillugu nunani tamalaani kukkunersiuinerimi tunngaviumik malitassanik aammalu Kalaallit Nunaanni atuuttuusunik piumasaqaatinik, kiisalu pisortanut kukkunersiuisarnermut malitassat naapertorlugit ingerlanneqatumi kukkunersiuinerup ilaatut, kukkunersiuinerup nalaani sulianik nalilersuinerimik aammalu qularnermik paarinniinnarnermik ingerlatsivugut. Tamakku saniatigit:

- Naatsorsuutini kukkunermit malunnaatilimmik ilisimatitsineq suussusersigutsigu aamma nalilerutsigu, peqquserlunneq kukkunerluunniit tamatumunnga apeqqutaatinnagu, peratarsinnaasut taakkua qisuariarfigalugit kukkunersiuisutut ilusilersuillutalu suliarinnissaaqut kiisalu uagut inerniliinerput tunngavilalugu naammaginarthumik tulluartaumillu kukkunersiuisutut uppernarsaassalluta. Malunnaatilimmik kukkunerit paasissutissiissutigineqarnerimik takunnigitsuuinerit peqquserlunnerujussuarmik peqquteqarnerusinnaasarpog kukkunerminngarniit, tassami isumaqatigiilluni peqquserluttoqartarmat, uppernarsaatimik eqqunngitsumik suliaqartoqartarmat, piaaralunilu nalunaarsuinnigitoortoqartarmat, allamut saasaarisoqartarmat imaluunniit suliffeqarfiup iluani nakkutilliinngitsoortoqartarmat.
- Suliffeqarfiup iluani nakkutilliineq pissutsinut naleqquttuusog kukkunersiuisutut iliuusissanum attuumassuteqartinneqartoq paasitissinnaagutsigu, kommunilli suliffeqarfiata iluani

nakkutilliinerup eqaassusianik naliliinertut isigineqartilernagu suliassarput naammassimassavarput.

- Aqutsisut suleriaasiat naatsorsuutini missiliussat paasissutissallu attuumassuteqartut aqutsisut suliarisimasaat naammaginartutut naleqquttuunersullu isummorsorfigisarpavut.
- Aqutsisut naatsorsueriaaseq aallaavigalugu ingerlatsinermik naatsorsuusionerat naammaginartuusooq aamma kommunip ingerlatsiinnarsinnaanerit nalornissutaamat kukkunersuisut uppersaaitut angusaat tunuliaqutaralugu pisut pissutsilluunniit malunnaatilimmik nalorninartutut nalilerutsigit. Naatsorsuutit paasissutissartaat imaluunniit paasissutissat naammaginangissorigutsigik kukkunersuisut uppersaanitsinni inerniliinitsinnut tamanna uparuassavarput imaluunniit malunnaatilimmik nalornissuteqarneri nalimmassartariaqassavagut. Ullormi kukkunersuisut uppersaaffitsinni kukkunersuisut uppersaaitit tunngavigalugit inerniliivugut. Kisianni siunissami pisussat pissutsilluunniit atuutilersussat kommunip ingerlatsisinnaajunnaarneranik kinguneqartitsisinnaapput.

Ilaatigut pilersaarutaasumik kukkunersuiuinissap annertussusaa qanorlu sivisutigisumik ingerlanneqarnissaa kiisalu misissugassat pingaarutillit kukkunersuiuinissamut tunngasut, matumani kukkunersuiuinitsinni nammineq nakkutilliinermi minitat annertuujusut paasigaangatsigu, aqutsisoqatigiinnut ilisimatitsissutigisarpavut.

**Tamanna pillugu naatsorsuutiniit kukkunersuisullu uppersaataanniit Paasissutissat allat** Aqutsisut Paasissutissanut allanut akisussaasuupput. Paasissutissat Allat tassaapput naatsorsuutini saqqummiussani "Kommune Kujalliuq 2023-mut Naatsorsuutai"-ni quppernerit 1-20

Ukiuumut naatsorsuutit pillugu uagut inerniliinerput Paasissutissanik allanik matussusiinngilaq, aamma taakku pillugit qularnaatsumik inerniliussamik oqaaseqaateqanngilagut.

Ukiuumoortumik naatsorsuutiniit kukkunersuiuinitsinnut atatillugu Paasissutissat allat atuarnissaat uagut akisussaaffigaarput, tassungalu atatillugu nalilersorlugu Paasissutissat allat ukiuumut naatsorsuutiniit malunnaatilimmik naapertuutinnginersut imaluunniit uagut kukkunersuiuinitsinni ilisimalikkavut imaluunniit allatigut malunnaatilimmik kukkusumik paasissutissanik imaqarnerisut nalilersussallugit. Suliamik suliarineqartumik tunngaveqartumik Paasissutissani allani annertuumik kukkusumik paasissuteqartoq paasigutsigu, pisoq taanna pillugu nalunaarusiussaagut.

Tassunga atatillugu nalunaarutissaqanngilagut.

## INATSIMMUT ALLAMUT SANILLIUSSILLUNI NALUNAARUT AAMMA NALIMMASSAANERIT ALLAT

**Inatsisit isornartitat kukkunersioneqarneri aamma ingerlatsinerup kukkunersioneqarnerat pillugit oqaaseqaatit**

Naatsorsuutit saqqummiunneqarnerini immikkut ittumik akuersissutit, aningaasaliissutissatut nalunaarutigineqareersunut, inatsisinut malittarisassanut allanut kiisalu isumaqatigiissutit akuerisanut nalinginnaasumillu suleriutsimut naapertuuttuunersut aqutsisooqatigiit qulakkiissallugu akisussaaffigaat. Ukiuumoortumik naatsorsuutini ilaatinneqartuusuni, sammisaqartitanut aningaasaliissutini ingerlatsinernullu, aqutsinermi aningaasaqarnerup eqqarsaatigineqarsimanissaa aqutsisut aamma akisussaaffigaat. Aaqqissuussat periutsillu taakkununga attuumassutillit pilersinneqarnissat aqutsisooqatigiit akisussaaffigaat, taamaalilluni sipaarniutit, tunisassionerit eqaallisaanerillu taakkunanga tapersorsoneqassapput.

Ukiuumoortumik naatsorsuutiniit kukkunersuiuinitsinni inatsisit tunngavigalugit isornartorsuilluta kukkunersuiuinissarput uagut akisussaaffigaarput aamma pisortat kukkunersuisarneranni tunngavigineqartartut naapertorlugit qulequttat toqqartukkat aqunneqarnerini kukkunersuiuinissaq akisussaaffigalutigu.

Tamatuma malitsigisaanik naatsorsuutitigut iliuuserineqartuni naatsorsuutiniit saqqummiussinermut ilaasuni annertuumik malittarisassanik unioqqutitsisoqarsinnaanera qanoq ilimanartiginersooq naliliiffigisussaavarput, imaluunniit periaatsini suleriaatsinilu aqutsisut pilersissimasaani ingerlatsinermi amigaatinik annertuumik ajutoorfusinnaasunik naliliussaalluta. Ajutoorfusinnaasunik naliliineq

tunngavigalugu sammisassanik killiliisarpugut inatsisitigut sukumiisumik kukkunersiugassatsinnik imaluunniit ingerlatsineq pillugu kukkunersiugassatsinnik.

Inatsisit tunngavigalugit isornartorsiulluta kukkunersiuinitsinni qulequttat toqqakkat naatsorsuutit saqqummiunneqarnerini naatsorsuutini iliuuserineqartut isumannaatsuunersut misilerartarpagut, taamaaliornitsinni aningaasaliissutinut, inatsisinut allatullu malittarisassanut kiisalu akueralugu isumaqatigiissutigineqarsimasunut nalinginnaasumillu periuuserineqartunut aningaasaliissutit pillugit aalajangersakkat naapertuuttuunersut misissuisarpugut. Aqutsinerup kukkunersiorneqarnerani isumannaatsuuneq nalilersortarpagut; systemit, periutsit imaluunniit aningaasaliissutit misissorneqartut ukiumoortumik naatsorsuutit iluanni aningaasanik aqutsinermi aamma suliat ingerlanneqarnerani eqqarsaatigineqarsimanersut misissuisarpugut nalilersuisinnaajumalluta.

Sammisanik toqqartukkanik kukkunersiuinitsinni siunertaraarput kukkunersiuinermi uppernarsaatini naammattunik naleqquttunillu pissarsissalluta pineqartut pillugit qularnaatumik inerniliinissamut tunngavissiisussanik. Kukkunersiuinermi malittarisassanik unioqqutitsinerit ingerlatsinermiluunniit amigaataasut tamakkivillugit paasineqarsinnaanerat qularnaarneqarsinnaanngilaq. Taamaallaat sammisani toqqakkani inatsisinik aallaaveqarluta kukkunersiueqqissaarsimagatta ingerlatsinermillu kukkunersiuisimagatta sammisat toqqakkat avataanni annertuunik malittarisassanik unioqqutitsisoqarsimannginnersoq imaluunniit ingerlatsineq amigaateqannginnersoq qulangivilluta oqaatigisinnaanngilarput.

Suliat inernerini malunnaatilimmik isornartoqartitsigutta oqaaseqaatini ukunani tamanna nalunaarutigissavarput.

Taamaattumik makku eqqumaffigeqquagut:

#### **Inatsisitigut nalilersueqqissaarluni kukkunersiueq pillugu isornartorsiueq**

Paasivarput kommune suliaasaqarfinni qassiini inatsisinik malittarisassanillu atuuttunik malinnittarsimanngitsoq. Taamaammatt inatsisinik malittarisassanillu malinninneq pillugu isorinnittumik oqaaseqaateqarpugut, tak. kukkunersiuinermi nalunaarutip oqaaseqaatitai.

#### **Inatsisitigut nalilersueqqissaarluni ingerlatsineq pillugu isornartorsiueq**

2021-mi aningaasaqarnermik aqutsissutip atorneqalernerata kingorna kommunip aningaasatigut aqutsinera assorsuaq amigaateqarsimavoq taamaammallu tamanna pillugu isorinnittumik oqaaseqaateqassalluta.

Ukiumut naatsorsuutit saqqummiunneqarneranni kukkunersiorneqarnerannilu uppernaatit pisariaqartut piffissarujussuaq atorlugu pissarsiariniarneqartarput, taamaammatt tamanna pillugu isorinnilluta oqaaseqassaagut. Kukkunersiuinermi nalunaarutip oqaaseqaatitani aamma tamanna innersuussutigiumaarparput.

## **ILANNGUSSAQ 2, PAARLAKAANNISSAMUT PILERSAARUT MALITSEQARTITSINERLU - INGERLATSIVINNIK KUKKUNERSIUEQ AAMMA INATSIT MALILLUGU ISORNARTORSIUILLUNI KUKKUNERSIUEQ**

<b>Ukioq naatsorsuuteqarfiusoq</b>	<b>Pilersaarutit sammisat sammisallu misissorneqarsimasut</b>	
--	---	--

	<i>Ingerlatsinermik kukknersiueq, tak,. SOR 7</i>	<i>Inatsisit malillugit isornartorsiuisarluni kukknersiueq, tak. SOR 6</i>	<b>Malitseqartitsinissamut oqaaseqaatit pingaernerit</b>
<b>2022</b>	Pisortat pisiniartarnerannik aqutsineq: Pisiniartarnermut tunngatillugu isumaqatigiissutinik aqutsinermik nakkutilliineq	Pisinerit naammassineqarneri: Pisiniartarnermi immikkoortumi isumaqatigiisutaasimasunut periutsinik nakkutilliineq	Malitseqartitsinissamut malunnaatilinnik pissutsinik peqanngilaq.

Tamatuma saniatigut takuuk SOR 6 "Nuutsinerit pisinnaatitaanermik aalajangersagaareersut" ukiumoortumik pilersaarutitut sammisaasoq misissorneqarpoq. Uani kapitalimut "Isumaginninnikkut naatsorsuutinik - immikkoortortat Namminersorlutik Oqartussanit utertitsiffigineqartartut"-nut annerusumik innersuussisoqarpoq.

	2022	2023
<b>Inatsisit tunngavigalugit isornartorsiuilluni kukknersiueq</b>		
Pisinerit naammassineqarneri	X	
Akissarsiani atorfeqartitsinermilu atorpeqarsinnaasut		
Tunisanik naammassinnineq		X
Oqartussat akitsuutitut akiliisitsisarnerat		
Tapiissutinik il.il. tunniussinissaq pillugu aalajangiussat		
Nuutsinerit pisinnaatitaaffiusutut aalajangersakkat	X	X
Ingerlatsivinnik kukknersiueq:		
Sulianik isumalluutinillu aqutsineq		
Anguniakkanik angusanillu aqutsineq		
Pisortat pisiniartarnerinik aqutsineq	X	
Ukiunut arlalinnut aningaasaliilluni suliniutinik missingersuutitigut aqutsineq		X
Pisortat tapiisarnermut aaqqiissutaannik aqutsineq		

2022-mut malitseqartitsinissamut oqaaseqaatinut pingaaruteqarnerusunut, 2023-mi tullinguuttutigut malitseqartitsisoqarpoq: